

卷之七

文翰類選大成卷之三十四長短句目錄

宋

蘇子瞻 六首 歐陽永叔 一首 梅聖俞 二首 張洎 之一首

王介甫 二首 張文潛 一首 黃魯直 三首 馬子才 二首

陳烈 一首 陳無已 一首 朱師美 三首 劉無黨 四首

党世傑 三首 趙周臣 一首 周德卿 二首 劉之昂 一首

李之純 六首 趙宜之 二首 龐才卿 一首 高獻臣 一首

王從之 一首 麻知幾 二首 秦簡夫 一首 雷伯威 一首

王飛伯 一首 李長源 一首 李欽用 一首 元德明 一首

文翰類選大成卷之三十四目錄

文翰類選大成卷第三十四

左長史上海李伯璽編輯
伴讀慈谿馮一厚校正

詩類長短句

宋

綠筠軒

蘇子瞻

可使食無肉不可居無竹無肉令人瘦無竹令人俗人瘦尚
可肥士俗不可醫旁人笑此言似高還似癡若對此君仍大
爵世間那有揚州鶴

書王定國所藏煙江疊嶂圖

江上愁心千疊山浮空積翠如雲煙煙耶雲耶遠莫知煙空
雲散山依然但見兩岸蒼蒼暗絕谷中有百道飛來泉縈林

絡石隱復見下赴谷口為奔川。川平山開林麓斷。小橋野店
依山前行。人稍度喬木外。漁舟一葉江吞天。使君何從得此
本。點綴毫末分清妍。不知人間何處有此景。徑欲往置二頃
田。君不見武昌樊口幽絕處。東坡先生留五年。春風搖江天
漠漠。暮雲捲雨山娟娟。丹楓翻鴉伴水宿。長松落雪驚書眠。
桃花流水在人世。武陵豈必皆神仙。江山清空我塵土。雖有
去路尋無緣。還君此畫三歎息。山中故人應有招我歸來篇。

法惠寺橫翠閣

朝見吳山橫。暮見吳山從。吳山故多態。轉側為君容。幽人起
朱閣。空洞更無物。惟有千步岡。東西作簾額。春來故國歸無
期。人言悲秋春更悲。已泛平湖思濯錦。更看橫翠憶蛾眉。彫
欄能得幾時好。不獨憑欄人易老。百年興廢更堪哀。懸知草
莽化池臺。遊人尋我舊遊處。但覓吳山橫處來。

贈寫真何秀才

君不見潞州別駕眼如電。左手挂弓橫捩箭。又不見雪中騎
驢孟浩然。皴肩吟詩眉聳山。饑寒富貴兩安在。空有遺像留
人間。此身常擬同外物。浮雲變化無蹤跡。問君何苦寫我真。
君言好之聊自適。黃冠野服山家容。意欲置我山岩中。勲名
將相今何限。往寫褒公與鄂公。

薄之酒

薄之酒。勝茶湯。粗之布。勝無裳。醜妻惡妾勝空房。五更待漏
靴滿霜。不如三伏日高睡。足北窓涼。珠襦玉匣萬人祖。送歸
邱。不如懸鶉百結獨坐負朝陽。生前富貴死後文章。百年瞬
息萬世忙。夷齊盜跖俱亡羊。不如眼前一醉。是非憂樂都

兩忘。

二虫詩

君不見水馬兒步，逆流水。大江東流日千里，此虫擢長。在此又不見鷄濫堆，决起隨衝風。隨風一去宿何許，逆風還落蓬蒿中。二虫愚智俱莫測，江邊一笑無人識。

廬山高贈同年劉凝之歸南康 歐陽永叔

廬山高，拔幾千仞。根盤幾百里，截然屹立于長江。長江西來走其下，是為揚瀾左蠡兮。洪濤巨浪，日夕相舂撞。雲消風止水鏡淨，泊舟登岸而遠望兮。上摩青蒼，以瞻雲。下壓石土之鴻龐，試往造乎其間兮。攀緣石磴，窺空窅。千巖萬壑，響松檜懸崖。巨石飛流，淙水聲聒亂人耳。六月飛雪，洒石砭。仙翁釋子亦往，而逢兮。吾嘗惡其學幻而言唯，但見丹霞翠壁。

遠近映樓閣，晨鍾暮鼓杳。雷羅惺惺，幽花野草不知其名。風吹露濕香澗谷，時有白鶴飛來覆幽尋。遠去不可極，便欲絕世遺紛。美君買田築室老其下，插秧盈疇兮釀酒盈缸。欲令浮嵐暖翠千萬狀，坐卧常對乎軒窓。君懷磊砢有至寶，世俗不辨珉與玳，策名為吏二十載。青衫白首困一邦，寵榮聲利不可以苟屈兮。自非青雲白石有深趣，其意兀肆何由降。丈夫壯節似君少，嗟我欲說安得巨筆如長杠。

莫打鴨

梅聖俞

莫打鴨，打鴨驚鴛鴦。鴛鴦為新向池北，落不比孤洲老禿鷓。禿鷓尚欲遠飛去，何況鴛鴦羽翼長。

送撫州通判袁世弼寺丞

帆疏，纖綠蒲二十四幅。輕江湖高秋，逆水上天去。朝過瓜

步暮濡須長風沙頭問鯉魚大孤山側鳴寒鳥魚腹無書報
家信憑烏為到西山區西山松柏應更好及取之官來拜掃

勸酒惜別

張復之

春日遲、輾空碧綠楊紅杏插春色。人生年少不再來莫把
青春枉拋擲思之不可令人驚。中有萬恨千愁并。今日就
花始暢飲坐中行客酸離情我欲為君舞長劍。劍歌苦悲人
苦厭我欲為君彈瑤琴。淳風死去無回心。不如轉海為飲花
為幄。贏取青春片時樂。明朝疋馬嘶春風。洛陽花發臉脂紅。
車馳馬走狂似沸家。帳幙臨晴空。天子聖明君正少。勿恨
功名若不早。富貴有時來。偷閑強歡笑。莫與離憂買生老。

杜甫畫像

王介甫

吾觀少陵詩謂與元氣侔。力能排天幹九地。壯顏顏色不可
求。浩蕩八極中。生物豈不稠。醜妍巨細千萬殊。竟莫見何以
雕鏤。惜哉命之窮。顛倒不見收。青衫老更斥。餓走半九州。瘦
妻僵前子。小後攘盜賊。森戈矛。吟哦當此時。不廢朝廷憂。
嘗願天子聖。大臣各伊周。寧令吾廬獨破受凍死。不忍四海
赤子寒。颼颼傷屯悼。屈止一身。嗟時之人我所羞。所以見公
像。再拜涕泗流。推公之心古亦少。願起公死後之游。

君難托

槿花朝開暮還墜。妾身與花寧獨異。憶昔相逢俱少年。兩情
未許誰最先。感君綢繆逐君去。成君家計良辛苦。人事反覆
那能知。諛言入耳須臾離。嫁時羅衣羞更着。如今始悟君難
托。君難托。妾亦不忘舊時約。

磨崖碑後

張文潛

玉環妖血無人掃。漁陽馬厭長安草。潼關戰骨高於山。萬里
君王蜀中老。金戈鐵馬從西來。郭公凜凜英雄才。舉旗為風
偃為雨。洒掃九廟無塵埃。元功高名誰與紀。風雅不繼騷人
死。水部曾中星斗文。太師筆下龍蛇字。天遣二子傳將來。高
山十丈磨蒼崖。誰持此碑入我室。使我一見昏眸開。百年廢
典增歎慨。當時數子今安在。君不見。荒涼浯水棄不收。時有
遊人打碑賣。

贈送張叔和

黃魯直

張侯溫如鄒子律。能令陰谷黍生春。有齊先君之季女。十年
擇對無可人。箕帚掃公堂上塵。家風孝友故相親。廟中時薦
南澗蘋兒女。衣袴得補紉。兩家俱為白頭計。察公與人意甚
真。吏能束縛老姦手。要使鰥寡無顰呻。但回此光還照已。平
生倦學皆日新。我提養生之四印。君家所有更贈君。百戰百
勝。不如一忍。萬言萬當。不如一點。無可簡擇。眼界平。不藏秋
毫。心地直。我肱三折得此醫。自覺兩踵生光輝。團蒲日靜鳥
吟時。鑪薰一炷試觀之。

以團茶洮州綠石研贈無咎文潛

晁子智囊可以括四海。張子筆端可以回萬牛。自我得二士。
意氣傾九州。道山延閣委竹帛。清都太微望冕旒。貝宮胎寒
弄明月。天網下罩一日收。此地要須無不有。紫皇訪問富春
秋。晁無咎。贈君越侯所貢蒼玉璧。可烹玉麈試春色。澆君膏
中過秦論。斟酌古今來活國。張文潛。贈君洮州綠石合風漪。
能淬筆鋒利如錐。請書元祐開皇極。第八思齊訪落詩。

送王郎

酌君以蒲城棗落之酒。泛君以湘纍秋菊之英。贈君以黔川
點漆之墨。送君以陽關墮淚之聲。酒澆胷中之磊塊。菊制短
世之頽齡。墨以傳千古文章之印。歌以寫一家兄弟之情。江
山千里俱頭白。骨肉十年終眼青。連床夜語鷄戒曉。書囊無底
談未了。有功翰墨乃如此。何恨遠別音書少。炊沙作糜終不
飽。鏤冰文字費工巧。要須心地收汗馬。孔孟行世日杲杲。有
弟有弟力持家。婦能養姑供珍鮭。兒大詩書女絲麻。公但讀
書煮春茶。

邀月亭

馬子才

亭上十分綠醕酒。盤中一筋黃金鷄。滄溟東閣邀姮娥。冰輪
輾上青琉璃。天風洒掃浮雲沒。千巖萬壑瓊瑤窟。桂花飛影
入盃來。傾下膏中照清骨。玉兔搗藥與誰餐。且與豪客留朱
顏。朱顏如可留。恩重如丘山。為君殺却蝦蟆精。腰間老劍先
芒寒。舉酒勸明月。聽我歌聲發。照見古人多少愁。更與今人
照離別。我曹自是南陽後。肯學群兒嘆圓缺。

長淮謠

長淮之水青如苔。行人但覺心眼開。湘江豈無水。魚腹忠魂
埋。但見愁雲結雨。猿聲哀。浙江豈無水。鴟革漂胥骸。但見潮
頭怒氣如山來。孤臣詞客到江上。何以寬心懷。長淮之水遶
楚流。先生家住淮上頭。黃金萬斛浴明月。碧玉一片寒清秋。
酒花入面歌一聲。淮上百物無閑愁。

題燈

陳烈

富家一碗燈。太倉一粒粟。貧家一碗燈。父子相聚哭。風流太
守知不知。惟恨笙歌無妙曲。

鷓鴣鳥

陳無已

若奚不鷓。吾知避而遷。汝胡不狸。吾知遠而馳。宵通吾巢。晨並吾枝。懷毒姓凶。初不汝期。奔恭拳。甫笑嬉。情貌深厚。孰從而追。

後薄酒二首

朱師美

薄酒可以謀醉。不必霞滋玉味。麤布可以御寒。不必狐貉蒙茸。醜婦可以肥家。不必楚女吳娃。獨夫長夜。尚祚訖。義和酒滛。紊天歷。李白跌宕三百盃。阮籍沈湎六十日。眠麤吏部寡廉恥。解貂常侍隳法律。儻使飲薄酒。未見有此失。秦昭狐腋幾喪首。鄭臧鷓冠貽厥咎。尤裘金玦豈不哀。綉衣朱襹固無取。皆緣麤衣惡不御。賈禍招譏亦何有。夏姬滅兩國。驪姬禍五世。捧心顰眉亡夫差。墮髻啼粧敗梁冀。醜婦似可惡。終不至。

顛沛勸君飲薄衣。麤髮醜婦此樂人間最長久。

薄酒麤衣吾何悲。醜婦自醜吾不知道。眼混圓宜不二。媿惡妍陋無殊歸。瓦壘石曰斟吾酒。脫粟藜羹皆可口。醉境陶然無後憂。玉盃浮蛆彼何有。漢文天子猶弋綈。士服麤布乃所宜。要繩屨葛同一煖。霞縠冰紈徒爾為。無鹽如漆后齊桓。孟光舉曰配伯鸞。古來傾城由哲婦。有德乃令家國安。我能遣婦縫。麤對婦飲薄。傍人大笑吾不惡。

次韻東坡跋周昉所畫欠申美人圖

巫峽昭君有奇色。毛生欲畫無由得。但作東風背向身。看來已可傾人國。朝來睡起鬢髮垂。手如春筍頰蟾螭。繡幃幽夢斷難續。想像翠黛顰脩眉。春光二月濃於酒。燕燕雙飛鸞喚友。不教膩臉露桃花。且喜腰支似楊柳。君不見漢宮多病李夫人。

人轉面不顧君王。嗔古來畫工畫意亦自足。煙霧玉質何由真。

雲中君圖

劉無黨

衣若新沐。蘭湯薰靈巫。拜舞方迎神。恍然相見帝者服。九歌昔詠雲中君。畫史亦可人。妙入造化域。羽衣玉塵美。且閑此意不知何處得。空明倏忽紛溟濛。胡為眷。臨壽宮。飄然來下。復遠舉。想像次去。隨飛龍。祠空人散。秋蕭瑟。落日猿聲喚。秋色。湘天極目青茫茫。憑高一望無南北。

題劉德文戲綵堂

邴傳文書日。傍午過眼不容留。頃許先生遣決談。笑間退食歸來奉慈母。吾不愛錦衣榮歸誇梓里。吾不愛綉衣徒步登槐府。傳家所愛作寧馨。入室不愁無阿堵。堂中怡愉奉顏色。

山下嬉戲同兒女。十分壽筭泛醇酎。五色綵衣紛雜紉。映堦萱草弄春色。循郊蘭葉榮朝雨。先生蘊藉古人似。早歲聲名天尺五。拘縻豈合坐冗曹。獻納直宜趨禁所。更書屈指今幾日。竚看褒詔傳天語。龍光歆艷動庭闈。湯沐疏封分郡土。芝封鈿軸爛雲錦。羽衣寶帔輝金縷。形容何止入畫圖。歌詠亦須流樂譜。區區賤子獨何幸。晚喜宗盟同鼻祖。他年一笑約升堂。萬石尊前拜嚴姥。

車輶輓

馬馱隕牛轂。棘山行縈紆。車輶輓路傍。指點是官人。老矣一翁雙髮禿。汝牛幸可耕。汝馬幸可騎。有此可載琴書歸。胡為奔走東西道。白髮刀騷被人笑。

沙漫漫

沙漫草班。南山北山相對看。我行乃在山之間。行人仰
不見飛鳥。樹木足知邊塞少。沙漫草班。我行欲趁西風
還。僕夫汝莫愁衣單。我但着衣思汝寒。

題春雲出谷圖

党世傑

春雲乍出山有無。春雲已去春山孤。山光空濛不可寫。正要
雲氣相縈紆。山吞雲吐變明晦。半與崑谷生朝脯。輕林蕭蕭
暗溪樹。餘影漠漠開樵居。舟人艤棹並沙尾。坐看縹緲搖空
虛。巧分天趣出畫外。韻遠不與丹青俱。今人重古不知畫。但
愛屋漏煙煤汗。惜哉東坡不及見。此本詩中獨有墨嶂烟江
圖。輕林蕭蕭一作輕陰霏

和濟倅劉公傷秋

西來街纏脫。山前雲木散不收。坐看木末來歸舟。秋容澄明
納萬象。畫本寂默橫双眸。謫仙曾來釣煙磧。想見夕陽寒影
隻騎鯨。去作汗漫遊。只有荒臺壓澄碧。臺邊昨夜西風來。倦
游羈宦心悠悠。豈無瓊艘百柁載春色。是中可以忘形骸。官
居得秋况不惡。高吟何遽悲搖落。君不見中郎詩翰憶湖山。
秋色正滿連雲閣。

君錫生子四月八日

堂前種萱憂可忘。不如生兒喜殊常。嘔啞啼笑彩衣側。滿堂
和氣生嘉祥。宴寢香燼佳身兆。與佛同生佛親抱。我來初見
出錦綉。肌肉照人眉宇好。世間兒子空紛紛。如君此兒真慰
人。薊山東盤出英秀。政與德門宜子孫。天馬駒。海鶴子。氣骨
初成便超異。驚雲冲霄從此始。

花下墓

趙周臣

山前樹。今人看花。昔人墓。昔人栽花待邀賓。花開墓上人何處。今年花盡復明年。今人復為後人憐。酒澆墓上喫不得。留與飢鳥作寒食。

莫州道中

周德卿

大陵河東古莫州。居人小屋如蝸牛。屋邊向外何所有。唯見白沙累。堆山丘。車行沙中如倒拽。風驚沙流失前轍。馬蹄半跛牛領穿。三步停鞭五步歇。雞聲人語無四鄰。晚風蕭々愁殺人。人有禱沙應神。遠東老兵非使臣。何必埋却双車輪。

利涉道中寄子端

行武昌。望利涉。高青烟。低白雪。岡陵彌漫溝澮滅。氤氳冷日從東來。照我清影忽作溪水臥。明月凌競羸馬蝟毛縮。語曲微行蛇腹裂。遺鞭脫鎧初不知。指僵欲墮骨欲折。瓊裘毛機良可念。我自無備誰從輟。人家土榻借微暖。坐久清冰落鬚頰。黃華躍仙怯風馭。久向笙歌窟中蟄。徑須持此遠相餉。一洗夜堂花酒熱。

都門觀別

劉之昂

買酒消閑愁。剪刀剪流水。閑愁不可消。流水無窮已。悠悠窓下斷腸波。總是行人墮淚多。門外馬嘶思遠道。小頓猶唱渭城歌。歌聲未斷征鞍發。望斷垂楊人影滅。斜陽照影却歸來。兩地相望今夜月。閱人多矣主人翁。離別都歸一笑中。陌上行入終不悟。年年楊柳怨春風。

雪後

李之純

玉環暈月蟠長虹。飛沙捲土號陰風。黃雲幕幕翳晴空。屋頭

唧唧鳴寒蟲。天符夜下扶桑宮。玄冥震怒鞭魚龍。魚龍飛出
滄海底。咄嗟如律愁神工。急對北斗捲雲漢。凌斯捲入天瓢
中。推璋碎壁紛破碎。六華剪出寒瓏瑤。翩翩作穗大如手。千
竒萬巧難形容。恍如墮我銀沙界。清光縞夜寒腫臃。肝腸作
祟耿無寐。試把往事閑追窮。男兒生須銜枚卷甲臂雕弓。徑
投虎穴策竒功。不然羊羔酒漲玻璃鍾。侍兒醉臉潮春紅。誰
能蹇驢馳着灞陵東。骨相酸寒愁煞儂。屏山正吐黃蘗氣。笑
倒坐間亡是公。

送李經

髯張元是人中雄。喜如俊鷲盤秋空。怒如恠獸拔枯松。老我
不敢嬰其鋒。更着短周時緩頰。智囊無底眼如月。斫頭不屈
面如鉄。一說未窮復一說。勅敵相拒已鋒。一豪同軍又連

衡屏山直欲把降旗。不意人間有阿經。阿經瓌竒天下士。筆
頭風雨三千字。醉倒謫仙元不死。時借竒兵攻二子。縱飲高
歌燕市中。相視一笑生春風。人憎鬼妬愁天公。徑奪吾弟還
遼東。短周醉別默無語。髯張亦作衝冠怒。阿經老淚如秋雨。
只有屏山拔劍舞。拔劍舞擊劍歌。人非麋鹿將如何。秋天萬
里一明月。西風吹夢飛關河。此心耿耿軒轅鏡。底用兒女有
相摩。有智無智三十里。眉睫之間見吾弟。

為蟬解嘲

老蟻破衲染塵緇。轉丸如轉造物兒。道在矢溺傳有之。定中
幻出婣娟姿。金仙未解羽人尸。吸風飲露菓一枝。倚杖而吟
如惠施。字字皆以心為師。千偈瀾翻無了時。關鍵不落詩人
詩。屏山參透此一機。髯弟潘兄何見疑。此理入玄人得知。髯

弟恐我冷却西山秀。潘兄勸我吸却壺盧。溪因蟬倩我問渠。
伊快掉葛藤。便是誰。兄弟絕倒。潘兄嘻。

君不見。沈花老。人醉歸。圖熊兒捉鬚。驥子扶。又不見。土川先。
生一絕句。健倒莓苔三四五。蹇驢隨着盡詩仙。短策長鞭似。
有緣。政在灞陵風雪裏。管是襄陽孟浩然。官家放歸殊不惡。
蹇驢大勝揚州鶴。莫愛東華門外軟紅塵。席帽烏靴老却人。

怪松謠

阿誰裁汝來幾時。輪困擁腫蒼虬姿。鱗皴百怪雄牙髻。擎空。
天矯蟠枯枝。疑是嵒壑中老慵物。旱火燒天鞭不出。睡中。
失却照海珠。羞入黃泉蛟其骨。石鉗沙錮汗且僵。埋頭卧角。
政摧藏。試與摩挲定何似。怒我張觸須。鬚張壯士囚縛不得。
住。神物世間無着處。隄防夜半雷破山。尾血淋漓飛却去。

趙宜之愚軒

羿窮射殺金畢逋。老盧磔殺玉蟾蜍。朝夕相避崑崙墟。忍見。
天公一目枯。塵昏目昧萬古雲。眼兩淚寒模糊。嗟哉區中。
人。么麼如虬蟉。書生不惜兩瞳子。長使看書如老奴。水部一。
奇士。西河君子儒。二公正坐詩作祟。得句令人不敢書。先生。
有膽乃許大。落筆突兀無黃初。軒昂學古澹。家法出關雎。暗。
中摸索出奇語。字字不減瓊瑤琚。神憎鬼妬笑公怙。戲將片。
雪翳玄珠。九竅鑿開混沌死。罔象未必離朱。靜掃空花萬。
病除。一片古心含太虛。屏山有眼不如無。安得恰似愚軒愚。
安得恰似愚軒愚。

鄰婦哭

趙宜之

鄰婦哭哭聲苦。一家十口今存五。我親問之亡者誰。兒即被
殺夫遭虜。鄰婦哭哭聲哀。以即未埋夫未迴。燒殘破屋不暇
葺。田疇失鋤多草萊。鄰婦哭哭不停。應當閉戶無餘丁。迨胥
夜至星火急。并州運米雲中行。

脩城去

脩城去。勞復勞。途中哀嘆聲嗷嗷。幾年備外敵。築城恐不高。
城高慮未固。城外重三壕。一缺復一杵。瀝盡民脂膏。脂膏盡
猶不辭。本期有難牢護之。一朝敵至任推擊。外無強援中不
支。傾城十萬口。屠滅無移時。敵兵出境已踰月。風吹未乾城
下血。百死之餘能幾人。鞭背駘行補城缺。脩城去。相對泣。一
身赴役家無食。城根運土到城頭。補城殘缺終何益。君不見
得。李勣賢長城莫道世間無李勣。

山谷透絹帖

龐才卿

君不見李廣射虎如射兔。霹靂一聲石飲羽。又不見巨靈辟
山如擘雲。蓮華萬仞留掌痕。精神入物。乃爾筆端有神亦
如此。熙豐以來推善書。日下無雙黃太史。胸中八法蟠虹蜺。
峨眉仙人容竝馳。平生敗筆塚壘。妙處不減磨崖碑。呂侯
好古兼好異。與字分身作遊戲。清潭錯落印星壁。大澤縱橫
散龍蛇。又如漢宮粉黛爭嬋娟。倚風顧影。更妍。豈無硬黃
宮帶與臨做。畫師寫照非天然。呂侯之子今詩仙。傳家以此
爲青瑣。須防神物有時合。却逐六丁飛上天。

天津橋同李之純待月

高獻臣

驂鸞追散仙。乘槎抵銀潢。跳上玉龍背。抱得銀蟾光。素娥愁
不歸。再拜捧瑤觴。問以天上事。玉色儼以莊。爾能為我歌白

雪我亦為爾搗玄霜。不然借我廣寒殿。與我長作無何鄉。傍
有謫仙人。拍手笑我狂。天風忽吹散。人月兩茫茫。

貧士嘆

王從之

斷無塵瓶無粟。北風蕭蕭。吹破屋。入門四顧何悲涼。稚子低
眉老妻哭。世無魯子敬。郭元振之真丈夫。故應餓死填坑谷。
蒼蒼天生我亦何意。蓋世虛名食不足。爭如只使兀且愚。大腹
便飽梁肉。

賦伯玉透光鏡

麻知幾

太陰淪魄元不耀。太陽分光成二曜。嗚呼怪銅盜此幻。透影
在壁與背肖。奩開耀光走庭。劃如剗犀乍脫鞘。泓澄秋落
百丈澗。疑有龍向天門跳。秦娃漢婉化爲土。寵雨恩雲埋鳳
詔。當年樹塗鑑桃李。身後泉臺映蓬蒿。枕篔簹無情草木香。

笙歌不暖鼻狐嘯。鬮一醜不再妍。不知持此將安照。萬斛
珠璣委備人。喚得偷兒成鬼剽。借問金椎一控時。何如海上
青蠅吊。壽如金石佳且好。此銘此篆兩奇峭。今誰子後曩誰
先。贏得紉樞經蟻竅。千古繁華一夢醒。恍然入手稱神妙。丹
砂紫翠羽青。萬金難買人年少。君侯新自洛陽來。玉臺人物
今温嶠。相看大笑古人癡。收鏡入奩還自笑。

松筦同希顏欽叔裕之賦

犧尊青苗災木命。羈絆剪剔傷馬性。折松為筦得之天。此君
幸免殘殘橫。初緣形似有代無。不料奇功乃差勝。人間斤斧
不須勞。坐中活火鳴笙簫。千秋蟄骨養素想。一日奮鬣翻雲
濤。岩烟擊拂殷雷起。顛風蹴踏銀山高。莫嫌勺水懦無力。如
捲三江都一吸。借汝歲寒姿。扶我衰朽質。掃除幻夢不到眼。

洗刷埃霾下膏臆。捫霞直與羨門期。笑采田海波白。

穀靡靡。上黨公府

秦簡夫

穀靡靡。青割將來強半批。急忙舂米送官倉。只恐秋風馬塵起。官倉遠在蒼崖山。南梯直上青雲間。梯危一上八九里。之字百折縈迴環。憑誰說向監倉使。斛面莫教高一指。請君泐路看擔夫。汗顆多於所擔米。

陽夏懷古

雷伯威

短衣匹馬西北來。十年去國隨風埃。解鞍呼酒歌一曲。玉鞭倒提敲金壘。君不見項王臺。昔時崔嵬今已頽。秋風蕭瑟吹草萊。又不見漢王城。昔時岩堯今已平。寒煙寂寞啼鼯猩。牧童擡頭學楚聲。野老扶犁城上耕。耕勢不斷楚聲哀。行人欲去還徘徊。劉項英雄安在哉。人間俯仰易陳迹。聞身健在須

街杯。

古別離

王飛伯

山腰露蕙含天淚。江林楓葉秋容醉。夫君八月鴈門行。碎霜冷印白龍纒。憶君挑妾初鳴琴。琴中已有白頭吟。朝暮當時事。言之祇足傷人心。君不見湘妃二女哭舜時。煙筠青玉紅珠滋。蒼梧人去百想絕。忍交今日生離別。生離別情偏重。不及雙飛南浦雲。落紅寂寂春閨夢。

古月一篇為裕之賦

李長源

古月天不收。敵君三萬秋。天孫弄明鏡。光湧雲間流。憶昔放逐江南州。金陵女兒歌。擢謳草裏烏紗巾。散着紫綺裘。酒酣把玉笛。直欲捫參歷井騎。斗牛醉中呼兒搖雙舟。吾欲乘流下石頭。起來茫茫視八極。萬里只有元丹丘。丹丘子遊人間。

風塵何為往復還。玉華山人近招我。九日朝帝蒼梧山。

秋風怨

李欽用

踈星耿、明天河。夜涼翠幕生微波。碧梧委葉傳金井。一夕秋風將奈何。春風令人和。秋風感人悲。妾愁自與秋風期。秋風爭管人別離。燈炷垂紅粉。泥閨龜甲屏。風雲影亂絡緯帟。月啼不斷蓮漏壓。荷夜未半涼颼蕭。入踈竹。枕底寒聲碎。瓊玉敲愁撼睡。不明花露盈。泣魚目。秋風且莫吹。念妾守空閨。嫁狗隨走鷄。隨飛九死莫作蕩子妻。郎薄倖妾薄命。花自無言絮無定。碧雲暮合即未歸。幾度粧成掩明鏡。

寒林圖為侯子晉賦

元德明

川光茫々風景暮。一雪無情天地素。長安閉門千萬家。亦有行人踏長路。新豐烟火灞橋水。畫史工作荒寒趣。雪中故事知幾何。備識詩翁忍寒處。君才不見淮西城。下鵝鸛鳴官軍夜斫吳家營。只如党家麓。松亦木惡。銀燭金荷天未明。拈出雪詩三十韻。寒驢席帽可憐生。

文翰類選大成卷之三十四

文翰類選大成卷之三十五長短句目錄

元

劉夢吉二首張經一首許仲平一首元裕之二首

虞伯生一首貫雲石一首陳剛中三首范德機六首

鮮于伯機一首授曼碩四首李溉之二首鄧善之一首

薛宗海一首戴帥初一首楊道弘一首郝伯常一首

方虛谷一首薩天錫二首李季和二首貢泰甫一首

張思廉一首張彥高一首楊廉夫四首張仲舉四首

張惟中五首陸宅之二首張伯雨二首袁顯仁一首

袁仲微一首鄭本初一首李道源一首阮拱辰三首

迺易之二首李公毅一首董良用一首葉仲衡二首

沈原禮一首吳子愚二首倪元鎮一首文子房一首

劉立雪一首 鄧牧心一首 卜友曾一首 張景范一首
徐伯道一首 劉明子一首 胡伯友一首 吳彥輝二首
郭以道一首 歐陽南陽一首 李文遠一首 劉起潛一首
尹仲明一首 蔡正甫一首 林彥華一首 丁鶴年二首
吳立天二首 葉景南五首 釋行紀一首

十八翰類選大成卷之二十五

左長史上海李伯璵編輯
伴 讀慈谿馮 厚校正

詩類長短句

元

觀雷溪

劉夢吉

飛狐天下脊。老氣盤互回。三江瀉天怒。合爲一水東南來。此
勢不殺令人愁。石門喜見西山開。未補青天裂。誰鑿渾沌胎。
竒聲猛壯萬古山。根幾許猶崔嵬。兩山倒傾瀾。百丈逢顛
崖。先聲動毛髮。餘燄開襟懷。初疑萬壑轉奔石。意像髮舞坤
軸摧。又疑鼓角鳴地中。百步到仍徘徊荒祠下。石磴駭目何雄
哉。春風不到太古雪。今日乃得宵中雷。穿石誰能窮窟宅。流

沫勢欲浮蓬萊平生芥蒂今寒灰兩耳到骨無纖埃酈元筆
頭天下水石頭之音猶見推乃知此游亦奇絕快弄素霓噴
瓊瑰東崖一片石坐拂千年苔為招郎山君共捲長鯨盃江
妃為櫓靈鼓催赤鱗躍出銀山堆先生醉來泉灑面狂歌
一和湍聲哀

遊郎山

昨日山東州馬耳索御凌風嘶今日軍市中不覺已落山之
西山之面背一無異不待風煙變化神已迷危關度雪嶺亂
石通荒蹊林間小草不識風日自太古我行終日仰羨木杪
幽禽啼但見雨色來雲物颯以淒忽然長嘯得石頂痛快如
御駿馬蹄萬里來長風五色開晴霓長劍倚天立皎潔瑩鵲
鷄平地拔起不傾側物外想有神物提詩家舊品書尚少同畫

圖省見巫山低語令九華之獨與八桂齊千態萬狀
敢以兩目窮端倪騫騰誰遊若飛隼側瞰何屈如怒猊千年
落窮邊煙草寒萋萋若非酈亭書生此鄉國物色誰省曾分
題乾坤至寶會有待豈有江山如此不着幽人樓頗聞山中
人雲間時聞大與雞只疑各山別有靈境在不許塵世窮攀
躋不是先生南遊有成約徑欲共把白雲羣九疑窺衡湘禹
穴探會稽玉井爛賞金芙蓉日觀倒捲青玻璃風煙回首莫
瀟灑南游準擬相招携

岳陽樓

張經

洞庭一水七百里烟朝月夕皆經過豈知斜陽萬里更有一
佳處君山十二盤青螺乾坤有此樓萬古高嵯峨憶昨長江
咫尺限南北風烟畫本一日千摩挲今朝快一登恍若驅沉

河生平所羨鑑湖請乃今更覺君恩多湘靈也似知我至時
令白鳥來婆娑鐵笛紫荆曲春草黃陵歌江山一醉謾不省悲
風落日生白波愛山愛水亦非癖奈此日月如飛梭彭蠡銀
山堆碧海青銅磨武昌雲間嘆黃鶴采石天外愁青娥詩家
割據幾今古元氣發泄天不訶扁舟歸來月一蓑仙槎已候三
山阿吾欲乘興觀銀河。

訓子

許仲平

干戈恣爛漫無人救時屯中原竟失鹿滄海變飛塵我自揣
何能能存亂後身遺芳藉遠祖陰理出先人俯仰意悠然此
樂難擬倫家無儋石儲心有天地春况對汝二子豈復知吾
貧大兒顏如古人淳小兒顏如古人真生平乃親多苦辛願
汝辛苦過乃親身居缺畝思致君身在朝廷思澤民但願磊

落落忠信存莫圖苟且功名新斯言殆可書諸紳

送李參軍北上

元裕之

五日過君庸十日渡秦乾受降城北幾千里出塞入塞沙漫
漫古來丈夫淚不洒離別間今朝送君行清涕留餘潸生女
莫作王明君一去紫臺空佩環生男莫作班定遠萬里馳書望
玉關我知驥子墮地無齊燕我知鴻鵠意氣青雲端草間尺
鷄六自樂扶搖直上何勞搏一衣敝緼袍一飯首宿盤歲時
壽翁媪團圓有餘歡就令一朝便得八州督爭似綵衣起舞
春爛斑去年洛陽人今年指天山地遠馬韉破霜重貂裘寒
朔風浩々來客子慘在顏扼胡領上一回首未必吾心如石
頑君不見桓山鳥乳哺不得須臾閑衆雛一朝散孤雌四顧
聲悲酸寒雁來時八九月白頭阿母望君還

題堯民野醉圖

蒼蒼濁酒同歌呼。白頭紅頰醉相扶。
堯時皇質未全散。不論朝野皆歡娛。
望之如雲就之如日。先堯初未識堯民。
與酒同一天。此外更誰知。帝力仙老曾經甲子年。
戲將陳跡畫中傳。不見只今汾水上。田翁鞭背出租錢。

送戴真人歸越

虞伯生

戴先生。日飲五斗醉。不得再飲一石。不肯眠。昨從桃源來。兩袖携風烟。長安道上小兒女。拍手攔道呼神仙。馬如游龍花如雨。蹴踏春秋作朝暮。東方未作窳間戲。上帝還令海邊去。海邊玉虹夜不收。貝宮珠闕皆蛟蚪。芝田玉樹久相待。天上老仙那肯留。戴先生。鑑湖之水三千丈。不可以鑑。可以釀。明朝亦晚。錦袍去。與汝酣酌釣船中。

別離情

貫雲石

行別離之苦兮。蒼梧之野。春草青。黃陵廟前春水生。日暮初。初動輕琴。玉樹亭。染紅泪。又聞坡下虞姬泣。斗帳初驚夢。歌畢。任人閣淚弃。英雄劍血不銷原。草碧何物謂之別離情。肝腸剝之如銅聲。不如斫其竹。剪其草。免使人生為情老。

出門別親友

陳剛中

停君漢水浮鴨之。萃杓聽我嶧山栖。鷺之綠桐。男兒拂衣出門去。龍泉三尺光如虹。君不見。磻溪鶴髮釣魚者。偶擲漁竿來牧野。白旌麾開炮烙烟。祖圭朱芾侯青社。又不見。南陽臥龍人。不戴一朝倖。漢坐狼石。羽扇輕搖蛇鳥驚。火精燭之天西極。旗亭四月柳如藍。紫駟嘶風黃金駮。豈無叩牛歌。亦有捫虱談。天生嶼岩。崑崙骨。蒼萊槁死誰能甘。我欲登泰山。扶

筇欵天關東溟若水如可攀手弄白日青雲間欲渡黃河赤
脚凌秋波水仙樓閣高嵯峨徑叱海若管蛟鼉停君翠杓聽
我綠桐真人開天六合同風騶虞鳳凰飛舞錫宮有線五色
獻于重瞳補舜衣裳山龍華虫虎豹九關兮不可以達吾則
脫冠歸來兮丹丘之青峯長揖二三子目送西征鴻

居庸關

車稜石确車聲彭闔石角馬蹄蹴石欲落不知何
年鬼斧鑿僅與善天通一握上有藤束萬刃之崖下有泉噴
千丈之壑太行羊腸蜀劔閣身熱頭痛懸度索一夫當關萬
夫卻未必有此奇巘巘吾皇神聖混地絡烽火不紅停夜柝
但有地險今猶昨我扶瘦筇息倦脚欲叩往事雲漢平沙
風起鳴凍雀

留侯廟

子房王佐才其風凜冰雪天遣鶴髮翁地橋授寶訣博浪沙
中千尺鐵祖龍未死膽已裂况此老嗚扛鼎夫不直秋風一
劔血談咲帷幄間六合雄雌决金四百年在三寸舌但
恨漢德非姚虞不得身為古親契雍熙至治如可作豈肯脫
冠掛北關留城古祠今千載碧鮮溜兩眠斷碣我恐至人或
不死尚有笙鶴擁玉節酌泉採菊往真之回首芒碭墮山月

題先天觀山水圖

范德機

學仙之人與山為徒往在匡廬之奧湖江之區張公鍊丹
作龍虎丹成御氣遊六虛後來作者絕代無復有逸人住玄
都玄都之壇角并孤上摩萬里之黃鵠下伏千尺之飢鼯陰
森槍筠自太古斬種力與開闢俱搏桑朝日挂絕壁坐見樓

觀青糝糊壁。塵控絃寫哀壑。秋雲春露。芝田腴我。亦人間山
澤。臞偶隨。夔龍賓。唐虞有時。一醉黃公。壚震風三日。撼不蘇。
折花不得度。弱水揮手。始識仙凡殊。玉堂學士危。與吳遺我
不受呼。掃葉青澗聽啼鳥。日暮羅徑相縈紆。相縈紆。向何處
明朝為借麻姑鵬。我亦騎之上天去。

贈別張清夫還吳

新雨不作泥。鉤輞樹上啼。征夫懷遠路。家在太湖西。別家今
幾度。揚柳江邊樹。念鄉車輪下。漸是中年路。萬事中年尚可
耐。人生且莫長別離。長別離。向何方。九江落花清浦香。王維
見乳黃南望不見三。高堂柔此遊子思。故鄉我家山。兩公
時早。功成身退。合天道。當時未必知者賢。挽不迴之。臥烟
島。後來閱盡。虧成事。始識從初去。時好。我不能。赤手縛虹霓。
又豈委身同草木。生逢堯舜世。肯受泥塗辱。昨者誤奮龍門
雷。蝦蟇嘲之。自云足憂來。舉觴酌曰。日。唯有皇天照空谷。
張公子。吳江生。我有千載意。不羨身後名。為君寫作贈行曲。
曲中鏗。憂難為情。君行不聽我。我意不平。明日買舡棹。秋聲亦
欲東。下窺蓬瀛飄。然始去。白玉京。須卿禹穴來。相迎相迎未
見。須相待。客行雖遲。心不改。

杏葉黃

杏葉黃。天雨霜。穹窿携日照八荒。迴光照見白玉堂。堂中美
人雙佩璫。中宵抱被直西廂。忠君愛親兩不忘。奈何零露沾
衣裳。清曉樓頭見征鴈。不如謝官歸故鄉。

王氏能遠樓

遊莫羨天池鵬歸莫問遼東鶴人生萬事須自為跬步江山
即寥廓請君得酒勿少留為我痛酌能遠之高樓醉捧勾吳
匣中劍所斷千秋萬古愁澹溟朝旭射燕甸桑枝正搭虛窓
面昆侖池上碧桃花舞盡東風千萬片千萬片落誰家顛傾
海水溢流霞寄謝尊前望鄉客底須惆悵惜天涯

首陽山圖

山漠々兮谷逶迤中有二士形容巖問之不答告者誰在昔
父死人致國弟讓兄辭俱去之一朝隱居北海北去亂就治
歸入師遇世偶有戰伐事叩馬垂血陳忱辭君王知名臣義
直直不退聽將疑為見兵不果事乃定恥食其粟隱於斯終
然飢死茲山下到今稱誦猶當時白旌黃鉞不可追功業甚
盛德甚哀救民水火事誠危三綱一失誰扶持是以聖人表
其怨謂彼仁者良由茲首陽之墳高幾尺自古富貴埋沒野
草空累々我欲酌北斗薦以黃金卮展圖涕漣漣此意畫者
宜不知

和李溉之中秋對月

上天不愛今夕涼推月墮我白玉堂問君憔悴獨何意胡不
一飲三百觴有月無美酒誰共傾未必古人盡達生不來
負此今夕明我從兒時愛明月天應老我秋復春悲歡與窮
秦曾問月中人孔丘宜君而不君空有麟史扶三墳顛羸蹶
後為爾班駁至道如飛塵後來學者自揔々開口吐事成
經綸因見百年等螻蟻但覺富貴於我如浮雲幸且有酒如
滄波酒邊喚取雙黛娥二十五弦瑤瑟冷起舞意與秋俱多
不須道傍問馬周不須水上悲荆軻豪傑有時盡如此不飲

柰此今夕何。玉階軒轅門片。如飛霞。投杖揖熊虎。聖。更咨嗟。自從扶鯨導羽車。十年不到東皇家。一念種西風。請報黃金花。

范寬雪山圖

鮮于伯機

前山積雪深。隱約形體具。後山雪不到。查牙頭角露。遠近復有千萬山。倚空含太素。懸崖斷溜風滿壑。野店閉門風倒樹。店前一客欲安往。一尚稍前一迴步。仲冬胡為開此。寒氣滿堂風景莫。荆關以後世有人。幾人能寫山水真。李郭惜墨固自好。晻靄但若浮空雲。豈如寬也老筆奪造化。蒼頑萬仞手可捫。匡廬彭蠡鴈蕩窮海垠。江南山水固瀟灑。敢與嵩高泰華爭雄尊。寬也生長嵩華間。下視庸史如埃塵。亂離何處得此本。張氏好事輕千緡。我家汴水湄。境與

嵩華隣。平生亦有山水癖。愛而不見今。春他日思歸不。過杖藜載酒來敲門。

長風沙夜泊

揭曼碩

長風沙。風沙不斷行人嗟。行人嗟。奈君何。南風正高北風起。大船初灣小船喜。移船更近大船頭。不獨風沙夜可憂。但祝行人好心事。長江何處是安流。茅舍參差數株柳。時平尚置官軍守。青裙老嫗說鮮魚。白髮殘兵賣私酒。魚賤可買酒可沽。他人心事知何如。

高郵城

高郵城。何長。城上種麥。城下種桑。昔日鐵不如。今為耕種場。但願千萬年。盡四海外為封疆。桑陰。麥茫。終古不用城與隍。

登祝融峰贈星上人

洞庭南。桂嶺北。衡山連。延瀟岸。黑中有祝融。如結髮。嵯峨七
十二峯間。祝融不自知。千山萬山自迴環。迴環面芙蓉。起
祝融正在芙蓉裏。儼如天仙朝紫皇。千官百辟遙相望。半夜
每瞻東海日。六月常飛滿樹霜。龍拏鳳攫熊扈躑。雲山霧
滅何時極。我來正值太平時。况有山僧似疇昔。憑高一覽四
海空。草間培塿安足雄。盤羅漢臺翁。炎帝宮。復恐九天
上。眎我猶井中。朔風日夜相騰威。谷老崖堅松柏禿。古來鐵
瓦盡飄揚。山上至今唯版屋。山僧勸我歌我歌。徒白傷天下
五岳嵩中央。此山與我俱南疆。我今三十始一見。北望中原
天更長。

送趙履道虞州常還江右

趙子我同里。虞即我同年。手折武昌柳。送上西江船。買魚沽
酒燒荻鞭。夜下西塞寒。山前西塞山。碧如苔。君今去。幾時來。
東風花開春水漲。待君黃鶴磯頭送。君庾公樓上。

我本山人素志立。壑獲歸名山為顛畢矣。爰以四月
十一日離京師。是夜抵潞陽。慨然賦詩。遙慰庄廬隱
者。併以寄金門諸公。為一喙云。李溉之。

野馬脫羈鞅。倏疑天地寬。臨風一長鳴。風吹散入青冥間。頗
如魯仲連。蹈海不復還。又如安期生。長留一鳥令人看。江南
浩蕩忽如海。落日照耀浮雲闕。既不能低眉伏氣摧心顏。詭
遇特達驚冥頑。又不能抱書挾策千萬葉。調笑日月相迴盤。
庄廬迢迢接仙山。仙翁泛若秋雲閑。長松之陰引孤鶴。望我
不見空長歎。采鉛天池津。飲淥桃花灣。蒼梧倒影二湘寒。

赤城霞氣生微瀾。鯨鯢翻空海波赤。曉色欲上扶桑難。人間之
樂兮誠不足恃。何如歸臥棲岩巒。棲岩巒。臥岩穴。夜半天風
吹酒醒。猶有西溪萬年月。

題漢陽卽官湖

山翁薄暮醉酒歸。杖藜迷却高陽池。清風吹花綠陰倒。我笑
謂是秋雲移。還乘貫月槎。夜過卽官湖。崢嶸星斗入江漢。蕩
漾槎影如鯨魚。九華之真人。邀我倒玉壺。麒麟擘脯供行厨。
依稀仙樂在空際。碧山四映寒蟾孤。舉酒酌寒蟾。明月下飲
姮娥居。霓裳拂雲錦。萬荷露瀉瓊瑤珠。麾幢掩靄羅烟空。乃
有玉皇所授之玉童。風前飄曳廣帶。對立十一秋芙蓉。清
香九曲銀河通。真人綵髮披春風。錦袍玉雪照天地。口說姓
字安南公。是公多逸氣。略與古昔賢豪同時能。掃月色。延我

空村謠

楊弘道

淒風羊角轉。曠野埃塵腥。膏血夜為火。望際光青燄。頽垣俯
積灰。破屋仰見星。蓬蒿塞前路。瓦礫堆中庭。殺戮餘稚老。疲
羸行欲倒。居空村。問汝何以供朝昏。氣息僅相屬。致辭難遽
言。往時百餘家。今日數人存。頃筐長鏡隨日出。樹木有皮草
有根。春磨沃飢火。水土仍君恩。但恨誅求盡地底。官吏有時
猶到門。

太平頂讀秦碑

郝伯常

岱宗太平頂。磨崖皆天齊。左列則天頌。右刻張說辭。文采與
書法。不離近代規。漢封宛在周。觀東秦壇。巔出絕頂西。壇前
圓平。值中峰。突兀上有始皇碑。年深雨溜百裂餘。折作兩峰
蹲半規。面陽數字仍可辨。隙縫重銜苔。蘚皮中間隱約見。制

可完好可辨唯臣斯拳如釵股直如筋屈鉄碾玉秀且奇。千
年瘦勁益飛動迴視滿山肥更癡當時風雨有餘怒豈容夸
石獨在茲。祇應神明愛尤物不肯轟擊常護持昔年韓文公
曾賦峻嶮詩字青石赤皆傳聞漫為咨嗟涕漣而何如親登
泰山日觀峯光恠特見絳氣纏金虹摩挲細讀秦相碑天門
高咏來清風乃知山靈不相負夜宿天邊不忍去醉倚雲窗
重回顧

聽孫練師彈琴

方虛谷

名畫元不出畫工善書決不屬書史子春伯牙非伶官古能
琴者必君子枕杯漱石今孫郎電眸冰齒霜鬚張洒掃書室
焚古香信手為我調官商琤琤瑤泉落澗壑啾啾鴻度
漢從容整暇未肯忙小侯吟操觀抑按急如快劍斫蛇分兩
截琉璃瓶碎玉簪折似有鸞膠再補完細視冰弦元不絕又
如電走雹飛駮霹靂老樹百丈龍爪入得非獺髓滅癩痕依
舊烏桐淨如拭睥睨鼠伏狸奴殺機一動與之俱鷹揚頗類
師尚父牧野秉鉞行天誅臨河而聞殺鳴犢曳輪不住反手
覆許由不受堯天下。一瓢雖無吾亦足聖門此意傳不傳耿
耿精靈月在天孫郎何處得受授長江秋霽印嬋娟五音本
無根舌齒六律發揮憑手指音律之外求七情萬變悉從心
上起孫郎宵次夫何如貯儲古今萬卷餘孰謂七弦軫上之
神聖不本二尺檠邊之功夫少年學琴欲學渠勿但彈琴當
讀書

居庸關

薩天錫

居庸關山蒼々關南暑關北涼天門曉開龍虎臥石鼓晝擊

雲雷張。閔門鑄鉄半空倚。古來幾度壯士死。草根白骨棄不收。冷雨陰風泣山鬼。道傍老翁八十餘。短衣白髮扶犁鋤。路入立馬問前事。猶能歷々言丘墟。夜來鋤豆得戈鉄。雨蝕風吹失顏色。鉄腥惟帶土花香。猶是將軍戰時血。前年又復鉄作門。貔貅萬騎如雲屯。生存有功掛玉印。死者誰復招孤魂。居庸關。何崢嶸。上天胡不呼六丁。驅之海外收甲兵。男耕女織天下平。千古萬古無戰爭。

題壽監司所藏美人織錦圖

卷中織錦秦川女。大姬啞々弄機杼。小姬織倦何所思。簾幙無人燕雙語。成都花發江水春。門前馬嘶車轉々。鬢雲兩耳看欲墮。蛾眉八字畫不伸。行人一去無消息。冰蠶吐絲成玉色。柔腸九曲細如絲。萬里春愁正如織。綺窓睡起聞早鶯。西樓月落金盆傾。暖霞拂地海棠曉。香口雲激雪梨花。晴日長深院。機聲動。梭影穿花飛。小鳳水心驚。起雙鴛鴦。花底不成。蝶夢織々玉手柔。且和香鉤小襪。裁以春羅。滿懷心事付流水。蕩目雲錦迴晴波。佳人自古多命薄。風裏柳花隨處落。豈如醜婦嫁田家。生則同衾死同槨。君不聞長安城中花滿枝。東家蝴蝶西家飛。籠中鸚鵡喚新主。門裏侍兒更舊衣。又不聞田家婦。日掃春蠶宵織布。催租縣吏朝打門。荆釵布襪夾短袴。我題此畫三嘆吁。百年醜好俱虛無。排雲便欲叫閭闔。為上獻上翻風圖。

江山圖

李季和

元氣菌蠢生蛟龍。銀河倒插金芙蓉。九疑正在九州外。碧樹峭々連丹楓。上有萬古不死之明月。下有掀天巨浪之長江。

有客有客陸龜蒙往來江南成老翁。天地無家屢回首。放船去踏江上之青峯。船頭十日懸青雨。風拔銀山映東戶。山隨沒鷓落中原。水作巴蛇走全楚。向來英雄定黃土。空遺綃素流今古。天地一合如金甌。萬歲千秋奉明主。

題太一蓮舟圖

銀河跨西海。秋至天為白。一片玉芙蓉。洗出明月魄。太一真人挾兩龍。脫巾大咲眠其中。鳳麟洲西與天通。扶桑迺在碧海東。手把綵雲有兩童。掣矐二鳥開金籠。

題二馬圖

貢泰甫

鐵喙駟連錢。駘何年墮影江水中。蒲梢西來八尺龍。天閑十二為尔空。五花雲錦吹東風。

南飛鳥

張思廉

南飛鳥。尾畢逋。白頭啞。將四錐。泗州河西岸。逐野馬。白門東。樓近赤菟。翼豚荆犬肉不飽。展翼去。田飛又江表。江東俊禽一十二。不許南枝三匝繞。老鳥莫侮。即小髯郎。捨老鳥老東風。一炬鳥尾焦。不使老鳥衫。甫。老鳥自謂是。狂狡豈信江湖多燕鳥。能粹老鳥頭。能啄老鳥腦。不許老鳥爭樹枝。肯使蛟龍競池沼。釋老鳥。鳥未搏。鬚鬚。大耳空相攫。河東老羽雲外落。老鳥巢成哺銅雀。

古行路難

張彥高

君不見古來行路難。只有荆卿報燕丹。感君恩厚為君死。自知故國一去無生還。秋風易水無今古。中有息情別時語。武陽飲酒荆卿歌。壯士相看面如土。秦山嵒嶮秦關高。奮身西上騰驚猱。盡傾肝膽許知己。性命不啻輕鴻毛。秦圖再拜王

心喜圖窮七首明秋水。劫王復地計全非。何處秦雲哭燕鬼。
當時一語思。在國精神動天虹。貫日狂謀肇禍鬼。不祀大業
帝。羸天與力。虎鬚堪編尾。堪履倒捲。天河恨難洗。臣身塗炭
君莫論。萬死報君期。世之。行路難。君當聞。丈夫莫忘沾人息。
殺身徇名信絕倫。可憐孤負樊將軍。

鴻門宴

楊庶夫

天迷關地迷戶。東龍白目西龍兩。撞鐘飲酒愁海翻。碧火吹
巢雙楔偷照天。萬古無二烏長庚。破月來天隅。坐中有客天
子氣。左股七十二子聯明珠。軍聲十萬震屋瓦。拔劍當人面
如赭。將軍下馬力拔山。氣捲黃河酒如瀉。劍光上天寒。彗殘
明朝畫地分河山。將軍呼龍客將走。石破天撞玉斗。

題青蓮居士像

天人騎龍飛上天。一念下謫三千年。長庚文章光照地在古
無上。今無前。天台道人一傾倒。有如大鵬遇希有。烏紗白紵
登闕庭。天子見之如綺皓。萬言倚馬真天材。酒酣誤觸玻璃
杯。忠誠白日不照鑑。洗天風雨何時來。七寶官床不為泰。夜
郎之天豈為隘。八極揮斤列缺鞭。泰山培塿風雷噫。人言捉
月采石江。豈知騎兔長庚傍。自非廣寒玉虛貯。神彩桂殿何
處人間涼。周郎尺素間清揚。皦如白月射屋梁。千金好事摹
七字。安得筆光千丈強。

賦海涉

海風吹沙潮欲來。青蝦亂跳凝紫苔。初疑長劍斫出老蛟血。
又疑霹靂擊破妖龍胎。觶湯微泣瑪瑙髓。蜀錦亂把并刀裁。
紅冰嚼碎齒不冷。丹霞入腹鳴飢雷。坐令海水化作蒲萄醅。

我當大嚼一飲三百盃

送日本僧

山為城海為池龍伯有國東海陲我皇仁風被八極其王錫
貢多珍奇樗社子雪獅狝跨海來拜天人師神鰲鼓濤雪山
白浪花作雨青天低龍驤何啻萬斛重大風開帆秋葉飛手
提隻履葱嶺西七條桂在扶桑枝城頭鼓響城下馬嘶人從
大唐國裏歸

王貞婦

張仲舉

青楓嶺頭日色赤嶺下嶠江千丈黑數行血字尚爛斑雨蕩
霜磨消不得當時一死真勇烈身入波濤魂入石至今苔蘚
不敢生上與日月爭光晶千秋萬古化為碧海風吹斷山雲
腥可憐薄命良家女千金之軀弃如土奸臣悞國合萬死天
獨胡為妾遭遺虜古來喪亂何代無誰肯將身事他主兵塵瀕
洞迷天台骨肉散盡隨飛埃楓林景黑寒燐墮精靈日莫空
歸來堂之大節有如此正當廟食依崔嵬君看嶠江之畔石
上血常與湘江之竹淚痕俱不滅

休洗紅二首

休洗紅洗紅之在水新紅換作裳舊紅翻作裏回黃倒綠無
定期世情翻覆君所知

休洗紅洗紅之減色雖好不如新着時須愛惜阿母嫁女不
擇人鷄飛狗走長苦辛

西城路

西城路多少人從此中去昨日紅顏美少年今朝白骨委黃
泉縱令藏金比山積鬼伯不受人間錢少年何用誇豪富來

看城西送人處

一經堂

張惟中

千金適累身一經可名家儒術由來席上珍富貴却如風中
花君不見董家積金曉成塢暮落人間如糞土又不見韋家
篋笥只藏書再世貂蟬絕代無唐生之父知古意賣金教子
絕聲利自信箕裘定有傳人競錐刀豈無愧一經華扁揭
高堂出入頻瞻示不忘唐生還能繼父志門戶奕葉生輝光

銅雀硯

炎劉之祚懸一線銅雀臺高接霄漢美人紅粉已成塵臺亦
傾摧眼中見空遺古瓦濕砂礫布痕依稀土花碧何人琢就
玉堂姿潤色不減端溪石我有龍香之劑良比金研麩不了歲
年深直須殺盡西陵兔細寫分香賣履心

田家岩

朝耕溪上地暮耕溪下田家中炊烟望不起十指拳拳牛領
穿當春播種東復西禾葉茂黍葉齊黃埃滿面耘穉草汗
汗翻漿濁似泥正好秋成築場圃三日人間掃風雨實者已
落糶者存徒得溪頭飽群鼠差科未足催出縣翻道今年
穀能賤

田家樂

朝斂溪下田暮斂溪上地禾穗纍纍黍穗長笑語歸來皆滿
意登場未用償私逋官家况免今年租州縣廉能選吏胥門
前橫索絕跡無東隣相慶西隣續我亦床頭新酒熟醉臥茅
簷尚未醒家人又報牛生犢明日多耕數畝田所願長得如今年

送桂君彥良之京

江南佳麗地金陵帝王州因歌謝朓詩送君千里遊龍江蛟
涎浩無極萬古滔々如國脉鍾山王氣貫斗牛散作祥雲成
五色雲成五色龍顏喜玉女投壺赤霄裏旋乾轉坤四海寧噓
枯吹生萬物始雙闕又牙仙掌開下瞰百尺鳳凰臺誰知鳳
去三千載銜圖復向雲間來瑞物待時而後出知君此去近
天日東華樓前午漏遲御爐香裊如椽筆唾手功名誰似
君老我南山臥白雲

楚人弓

陸宅之

楚人弓懸兩石五十萬矢陷強敵絳人弓箭三隻長歌入關
成偉績多箭不如少箭力制敵若在弓矢間鳴條牧野高於山

國馬足

國馬足吉行五十轡如沃天馬足一日千里更神速國馬天
閑飽芻粟太行蓋車天馬哭

悼薛玄卿

張伯雨

玄卿難再得本是餐霞人高懷獨超物洞鑒亦絕倫君自江
東我吳下早歲聯翩侍金馬御榻賜書凡一束仙苑偷桃動
盈把紫虛元君之玉訣青城先生教我者感君道氣探懷
為君寫學士承旨平原公許我與君揚同一時標名兩外
史羽衣白茅立下風我還句曲廿餘載君乘轡軒歷烟海歸
錦橋西結草樓樓中袂被長相待風烟山水共追尋福臨洞
口話離心年深書字化為碧白首蒼茫成古今聖井山朋數
千尺君從群龍去無迹困頓塩車篠嶺頭此日思君復何益

玉笙謠為鐵門笙伶周奇賦

我有紫霞想愛聞白玉笙縣匏比竹無靈壽昆丘採此十二

莖鳳珠啣明珠。鳳翼排素翎。金華周郎妙官徵。子晉仙人初
教成。月下吹參差。群鶴亦和鳴。緱氏山頭白雲起。七月七日
來相迎。長謝時人一揮手。漂下滿空鸞鶴聲。

春雨歎

袁顯仁

天陰之晝多雨。輕薄陌頭花。無數成塵土。明朝蕭颯陰風寒。
祇恐摧折青琅玕。山中媿人看相倚。淚濕翠袖時難乾。

舟過三江口

袁仲微

吳淞合流三百里。一幅蒲帆掛春水。青山繞船黃鳥啼。盤迴
如在巴渝裏。沙上游龍滴血紅。風吹老魚浪花起。疑雲不流
神姬哭萬古。胥魂招不復。客浩歌。誰相續。妻遲零。落漸離筑。
思家何處問迷津。鷓鴣聲裏垂楊綠。

擬梁簡文體送銜文彬左丞還京 鄭本初

將軍功蓋世。威淨海隅虵。紫後騎飛衛。從前驅。三門開
地甲。八陣轉天衢。鏡鼓潮頭響。竿旗日下趨。飛梯躡暗島。合
壁示宏圖。降醜尋封奏。帝庭爾書嚙。鳳落青冥。再召伏波歸。
闕下南荒銅柱已鐫銘。駢返駟馬。黃河春始融。清風流碧
塞。晴日炫彫弓。柳塘秦山麗。冰消泗水通。錦鶻窺長坂。白鴈
墮春空。黃封將法酒。羽檄候元戎。麟閣圖形已。頂知更應設
帳會瑤池。夕斂花光歌吹歇。御帖重頒紀宴詩。

弔烈婦

李道源

烈婦身可戮。烈婦之身不可辱。十年夫婿從遠征。夜下青燈
伴幽獨。豈期淪落兵戈林。長劊列戟森如竹。將軍手刃秋霜
肅。烈婦怒視不轉目。分甘一死無生還。烈火何曾燬真玉。妾
心匪石不可轉。妾心匪席不可卷。捐軀念欲赴江流。回首不

堪江水遠誓將貞白歸黃泉焉肯偷生求苟免若將顏色事
他人為誰終身懷媿愧貞魂願逐劍光飛妾今視死猶如歸
人生天地誰無死一死日月爭光輝我哀烈婦歌此曲萬古
清風動澆俗烈婦絕勝烈丈夫丈夫臨難猶畏縮懼死多忘
食君祿回視烈婦徒慚恧

白露雨

阮拱辰

白露雨民無辜小民憂旱顛且呼三月望汝眼欲枯汝來今
日胡為乎不為我祥覆為我殃害我田穉甚於螟蝗嗟尔雨
師兮罪不可量上天憫下兮仁德孔彰願挾汝兮訴帝傍梟
汝首剝汝腸祈豐年若雨賜坐見赤子歌樂康嗟尔雨師雖
死兮其誰汝傷

雷擊蛇

維龍其神為雨為雲巨利我耕耘巨育我下民彼蛇弗仁雷
其震

彼虫之毒維蛇維蝮巨嚙我草木巨傾我陵谷維龍弗伏蛇
弗育

賣鹽婦

廼易之

賣鹽婦百結青裙走風雨雨花洒鹽作鹵背負空筐淚如
縷三日破鐺無粟煮老姑饑寒更愁苦道傍行人因問之拭
淚吞聲為君語妾身家本住山東夫家名在兵籍中荷戈崎
嶇戍明越妾亦萬里來相從年來海上風塵起樓船百戰秋
濤裡良人賈勇身先死白骨誰知填海水前年大兒征饒州
饒州未復軍尚留去年小兒攻高郵可憐血作淮河流中原
封裝音信絕官倉不開口糧缺空營木落煙火稀夜雨殘燈

泣嗚咽。東隣西舍夫不歸。今年嫁作商人妻。綉羅裁衣春日
低。落花飛絮愁深閨。妾心如水甘貧賤。辛苦賣鹽終不怨。得
錢糴米供老姑。泉下無慚見夫面。君不見。綉衣使者瀾河東。
采詩正欲觀民風。莫奔吾儂賣盜婦。歸朝先奏明光宮。

仙居縣杜氏二真仙廟

君不見。瀟湘江上斑斑竹。雨洒踈林淚痕綠。又不見。金谿縣
裏兩婢娟。身化白金。賤復至今九疑山下大江西。官窅祠
堂依古木。仙居更有杜貞娥。千古清風凜相續。貞娥鬻餅
東陽市。厨人相挑憤切齒。投刀夜斷賊奴頭。勇烈真同丈夫
子。脫身竄匿來孟溪。木食澗飲幽岩裏。姊妹自相保。天
寒愁聽哀猿啼。夜雨奔流溢山岵。月黑溪深黯無底。嗚呼雙
娥同弱冠。玉骨冰肌。高僧遺像。元賢令銜餘哀。築祠却傍
蒼崖開。悲風蕭蕭落山葉。精靈日莫猶歸來。陳侯自是古靈
後來。作仙居民父母。街香赤脚禱龍湫。三日甘霖起枯朽。去
年飛章徹九門。紫綾裁詔褒貞魂。鸞車孔雀蓋蔽白日。鬢髮采
謝朝家息。男兒堂。軀七尺。忍詬合羞汗簡冊。何如貞惠貞
泚兩真仙。萬古千秋長廟食。

韓之盧

李公毅

韓之盧。猛捷世所無。利口疾足逢時需。豢以糠粃飼以餘。感
激意氣心力輸。平原八月秋草枯。呼嗾詭遇當前驅。東郭之
鏡衣褐徒食邑。外地承其初。尔相于戊封時俱。不侵不暴况
以居。尔窮其蹄禽鳥俘。盡室壘繫恣所屠。逞心得雋名。欲
沽北山有楔瑜。南山有於菟。大為民害尔勿除。磨牙食人肉
白骨委道途。大為民害尔勿除。聞其腥臊安尾通。觸邪既無

獬豸多德仁厚又不慕騶虞畏強凌弱心何如上天好生尔好
殺逆天罔道天必誅一朝惡積殘其軀形骸狼藉磔路隅傍
人不恤掩鼻趨有孀其雌哭呱呱百獸率舞瞻瞻呼

方寸鐵為盧仲章賦

董良用

方寸鐵百鍊剛吹毛劍鋒秋水光鐫勒妙擬邵竹房倒薤文
連環鈕通侯纍懸肘後伏龜趺蟠螭首頌德紀功垂不朽
鐵名已著霜滿顛復得鐵業傳一雖勿刻元祐黨勿刻於癡
符何如往補石經缺萬古六書存楷模天下英髦知所趨伊
誰之力丹丘盧

兄入甕

萬仲衡

炭山高赤如血災天欲然燎地欲裂火鴉亂飛鉄甕熱
請况投箸坐甕中脾骨焦枯自為孽龍鼠捕狸鼠技竭蛛
絲羅螯蛛先滅甕中入嶺南別

母提刀

母提刀泣且教臣當死忠子當死孝天王待汝息不薄食邑
太寧頰紫誥兩虎爭百獸笑我欲為國除殘賊刺尔心謝三
軍斷尔頭告七廟嗚呼賊子何煩老吾老

題蘇小小墓

沈原禮

歌聲引迴波舞衣散秋影斷夢別青樓千秋香骨冷青銅鏡
破鏡飛鳶飢鳥吊月啼鉤欄風吹碧火不滅山妖哭入狐
狸穴西陵墓下錢塘潮潮來潮去夕復朝墓前楊柳不堪折
春風自縮同心結

過裏洋河

吳子愚

裏洋河何湯奔流有折到瀧岡砂磯灣里路長船頭照

見落日黃。愁雲低沒。雙鳧翔。檣烏孤征。心徬徨。遙空半作明
月光。涼風忽來。吹我裳。荻花夜白。舍清霜。裏洋河。思故鄉。

夜雪有懷范玉厓。舛中朱滄洲孟辨。

江南地薄雪。併寒緣江矮。屋茅復單。折薪束。緼空燎眼。春陽
不暖。先生槃。西家利酤。常若酸。東家壚。頭量子。寬山公八斗
烏。芝醉。少須暫解。雙眉。最門前。柳花飛。作團。瑤田珠樹。森闌
干。鄒枚僵臥。竟不起。對此欲賦。誰同懽。南州俊髦。陸與韓。蹀
進。誤刷凌雲翰。售才阮生急。一官。肉眼不肯空曹。瞞滄洲。渺
瀰。玉厓嶺。岫。二仙者流。同余肺肺。進直任公鈞。退屑淮工丹。
宗儒倡道富文學。妙幹造化歸豪端。迺謂仲尼顏子不死亦
易事。忍見後天日月凋。雙丸。今夕復何夕。三山皆白鷺。我欲
邀二仙。授簡發漫汗。仙子素愛我。御風諒非難。戒兒預沽客
一石。此醉要吸六合萬頃水。壺乾。

送李徵君還揚州

倪元鎮

二月桃始花。淮南客還家。階前疎雨落。堂上春衣薄。為言沈
約在吳中。玉壺青絲酒。如空春風相過蕙。草綠芳菲滿堂樂。
未終。

題夢山春曉圖

文子房

荆門雪霽江樹芳。巫峽冉冉愁雲長。山猿杜鵑叫落月。風洒
露沐何蒼涼。六龍從東來。曉氣開扶桑。天高雨絕人事變。解
環結佩空相望。渚宮西澨連三湘。畫中隱隱聽鳴榔。安得置
我棲其旁。為君一曲歌滄浪。

題醉月亭

劉立雪

采石江頭李太白。狂不柰煩宮錦窄。赤壁磯頭蘇東坡。一葉

泛泛凌風波。當時有月并。有酒和酒和。月吞入口。酒腸得月冷。
於冰化作瑰詞。喧宇宙。兩首賦。百篇詩。千秋萬古稱絕奇。兩
翁不作歸來鶴。玉宇瓊樓寒漠漠。若得長江變潑醅。少住人
間亦差樂。望圓晦缺。秋復春。古來明月今來人。我時舉酒問
明月。月亦團。磨不得。鐵如意。玉唾壺。我歌君和聲。嗚嗚爛
醉起舞。嗔人扶。問影莫是李與蘇。月中仙子知得無。

贈友人

鄧牧心

我在越。君在吳。携書邀我遊西湖。我還吳。君適越。遙隔三江
共明月。明月可望。佳人參差與君携手。西湖上。相思空誦停
雲詩。知君去。掃嚴陵墓。祇把青尊酌黃土。浮雲茫茫。江水深。
感慨空勞吊。今古孤山。下見陳實。連騎東來踏春色。湖邊
千樹花正繁。莫待春風吹雪白。有酒如瀉。有肉如陵。鼓趙瑟。
彈秦箏。與君長醉不用醒。何必千秋萬歲名。

陳知州子待父歸賦此以贈

卜友曾

白日上漢臬。落葉鳴沙。之子遠行邁。相送城南橋。橋頭涼
風動。踈柳車蓋搖。京口而翁太守子。交久惜別青山入
樽酒。黃花未放秋。不知馬影空江。莫回首。後夜相思山月明。
湛盧神劍蛟龍吼。

山水圖

張景范

煙霏。月離。水隨天去。秋無涯。扁舟一葉。泛渺瀰。別浦半
露征帆歸。枯槎倒。景盤蛟螭。群鳥下。赴平蕪。飛晚樵。有徑漁
有磯。危亭迫絕江之湄。行人兩。喬木西。小橋淺碧流灣碕。
遙雲香靄淡翠微。一見心曠神為怡。披圖問客。不知采石
赤壁空猜疑。拂拭毫素。開端倪。清氣散入騷人脾。有聲畫裡

無聲詩。

清明日有感

徐伯道

去年清明心若孩。今年清明心獨哀。新墳壘壘黃土舊墓
重。生綠苔。嗟我九泉客。一去不復回。山頭躑躅花又開。只
好長醉黃金杯。

冬日作

劉明子

山雪霽。雲月孤。朔風吹霜啼曉鳥。林霏籠。日出初。梅花香
清竹疎。寒梢接。落木枯。山翁閉門一事無。白鴈忽來人
寄書。

美人歎

胡伯友

高樓美人一點雪。翠袖舞落青天月。樓上酒盃乾。接前杏花
折。綠帶鴛鴦雙綉結。送郎別。明日新腔為誰發。

古意二首 吳彥暉

天河溶溶浮鴛鴦。彩雲盤飛戲鳳凰。不學朱檻雕籠鸚鵡
鎖白日。不學紅花碧草翠羽棲。炎方東家女兒西家郎。聽歌
一曲且停觴。玉顏朝好莫醜惡。海枯石爛愁人腸。
去年張帆黃鶴磯。贈郎連環期早歸。今年躍馬盧龍塞。贈郎
寶鞭須自愛。朝愁舞。莫愁歌。花藉草。春光多。玉燕東來鴈北
去。寄書浮沉將奈何。

海東青

郭以道

海東俊禽異。鵬鷲金睛玉爪非凡材。八月風高度瀚海。劍翻
怒斫雲陣開。虞人設網心獨苦。獲之不敢觸毛羽。為言此禽
獻天子。年々進入明光裏。驛使長懷萬里憂。傷者還同殺人
罪。君不見。唐太宗。魏公入奏久未去。不知鐵鷄死懷中小臣

但願聖皇脩德放此鳥自有鳳凰銜瑞圖飛下五雲表。

莫相疑

歐陽南陽

莫相疑古有幽并之壯士。步出燕之南門易水之涘。易水東流晝夜聲。未必秦人便濟兵。君獨何為苦。詹迫人天如穹廬。兮代雲無色。關山渺茫兮。風吹沙礫。送客相看淚沾軾。今持一七首。入不測之閔中。僕少遲留待客同。客未至事當尔。今子疑之行決矣。聲曰高漸離宋如意。丈夫不許人則已。許君節俠為君死。擊筑高歌髮上指。酒酣日落客登車。終不回頭顧燕市。咸陽宮殿花紅。秦王聞客喜。忽下設九賓兮備禮。見燕使兮上宮。舞陽同勇不同氣。持圖可笑僵秦陛。當年約契竟何如。生劫始知成誤計。遠殿柱擗七首事不成。祖龍走空餘壯氣。不消沒化作白虹秋貫日。

鳳凰臺

李文遠

鳳不來。隔遼海。高臺已荒天未改。當時別舜返崑丘。如何一去三千載。人間豈無青琅玕。孤栖未必天霜寒。致君堯舜我有術。來儀好向宮庭間。鳳兮鳳兮今當還。

止法

劉起潛

喬木長千年。終不到霄漢。怒濤漲千尺。終亦有畔岸。倘非分限本。截然波吞天地枝。插天位極三公殊。未愜粟積千倉猶道乏。黃金滿匱尚求多。華屋連雲常苦狹。人心無足時天道有止法。

松明火

尹仲明

銀爐熾炭麒麟紅。銷金帳煖熏籠烘。爨下有螭可代薪。笑我寒夜癡坐然。枯松貧富貴賤何不公。安能排雲叫呼天九重。

空憐尔松生抱有用材。不遇匠石梁棟施。幘幪盤根錯節屹
立凍不死。凜冽勁氣猶排嚴冬。顛崖峭壁人跡絕。閑雲流水
相冥濛。胡為明不能保身。丁丁斧斤山其童。鶉衣百結縮如
蝟。地爐擁膝便可閑。從容當年推油幸。不嚴汝禁餘用尚及
斯。民窮陽和無聲入骨髓。不知夜雪沒屋霜橫空。但見濛濛
香霧霽。四壁紅輝紫焰明。白擺御寒何必裘。蒙茸盎然一
室回春風。

野鷹來

蔡正甫

南山有竒鷹。真穴千仞山。網羅雖欲施。藤石不可攀。鷹朝飛
後。肩下視平蕪。低健孤躍兔。箴何遲。鷹暮來。腹肉一飽精神
開。招呼不上劉表臺。錦衣少年莫留意。飢飽不能隨尔輩。

贈樂清相者陳雲平

林彥華

君不見短髮垂頰皮鱗。布衣百結如懸鶉。商歌出戶振金
石。那知甌金生遊塵。明珠赤壁同糞土。紅旗黃紙俱浮雲。請
君着眼試題品。抵應喚作蓬蒿人。又不見名都少年遊俠子。
骨秀神清湛秋水。清晨縱輕鷹犬場。薄暮揮金花柳市。一犁
詎解知稼穡。半字無心辨書史。請君着眼試題品。題抵應喚
作青雲士。相中有相人不知。每將臭腐誇神奇。所以嵇中散
目送孤鴻飛。君家鴈山東海涯。亂峯玉立青離。倚天松雪
畫圖出。烟嵐掃盡芙蓉披。應真飛錫互來往。我欲此地餐松
脂。囊書好去與君隱。他年不愧陳希夷。

樂節婦

丁鶴年

荼蓼未為苦。薑桂未為辛。累辛若未亡人。欲隨
世苟活。生則同室死同槨。欲殉夫並殂。阿婆方老兒方孤。朝

養姑暮教子。泉下良人猶不死。

竹林書屋為脩江王伯原賦

王郎高標絕世俗。牽茅自結清風屋。屋中充棟積古書。屋外
循簷種脩竹。籬之實垂珠。森之笋抽玉。鸞鳳食有餘。虎豹文
亦足。時之把書卷。自向竹下讀。禮義深服膺。聖賢常在目。王
郎學道今有年。半是矐儒半是仙。清脩酷與此君似。中通外
潤直且堅。平生不作桃李媚。歲寒風節恒凜然。不隨沉酒唐
六逸。不効曠達晉七賢。淨掃仙石壇。焚香究玄玄。客來不交
語。共坐蔚藍天。蒲輪他日訪幽側。以道匡君流惠澤。功成太
史不一書。却汗青之為簡策。

泰山高寄陳彥正

吳立夫

泰山一何高高。高哉極青天。世人欲上不可上。層巖峭壁徒攀

緣。望中絕頂路已斷。石穴上出鐵鎖。下組歷劫相鈎連。誰歎

愛奇者。步之喜若癩。一心不顧死。隻手挾長烟。毛群驚迴少

扁豹。羽族跼多鳥。鳶浩氣剛。風搏結虛空。作世界。靈龍捷

鬼。鑿開混沌巢。神仙道逢四五叟。含咲使來前。黃冠皓髮傲

几榻。野菜素粥鋪盤筵。自非爾願力。何計此留連。當知仰扣

曖昧雲霄有頂處。得不俯。懾嶮巖。箚無窮淵。嗟茲大凡夫。

行尸走肉。真腥羶段。碧思家。取可惜。李紳戀俗終難鑄。舉頭

告神人。苦乏風馬與電鞭。藤蘿束縛即縋下。但見松柏擁榛

數萬仞。石稜突岬橫戈鏃。古來秦漢東封不到此。惟問梁父

併肅然。日觀嵯峨恍在下。蓬萊浩渺空樓船。彼云鯨可射。此

謂狗能牽。安期羨門一往不復返。文成五利受寵驟。貴祈長

年。仙人自有真至道。何由傳。逝烏龍漢延康紀。去投金瑤玉

年。仙人自有真至道。何由傳。逝烏龍漢延康紀。去投金瑤玉

佩篇

客夜聞琵琶彈白翎鵲

白翎鵲東海來。十里五里何摧頽。一飛飛上青霄際。再飛飛
 隨黃沙堆。少年臂名鷹。齊出跨駿馬。放鷹一馳躍。與鵲相上
 下。身佩木弓。射必命中。中壘雙蹠。血艾毛天。欲雲摩雲。壓草
 地多風衝突。三邊有意氣。指揮八極無英雄。白翎鵲西海去。
 千里萬里何軒翥。一飛飛上賀蘭山。再飛飛過鐵門關。少年
 領強兵。乘勝即轉戰。戟頭吹火光。旗幟舞秋練。手持生鐵刀。
 空城鳥雀盡。死麋糜鹿瘡。瘻無處避。角貓躑躅向人號。收拾
 廣輪奐郡邑。肅清星嶽靜波濤。白翎鵲東海西海都驅羣。太
 常見日月山。治定禮行功成樂作。太雅清商久寂寥。鷓鴣雞
 羅沙多絃索。上林花開早。浮艷榆塞葉落終。迴薄一聲高。一
 聲低。一聲懾懾。懾百虎豹。一聲束縛。十鯨鯢。白頭漢士聞尤拍
 青眼胡兒聽却啼。君不見康崐嶮。羅黑。開元絕藝傾一國。
 若還睹我白翎辭。二十四絃彈不得。

浙江潮

葉景南

浙江潮從海門起。濺未飛流幾千里。老龍奮技滄海波。六丁
 怒決天河水。萬馬奔馳人盡驚。千夫賈勇衆莫禦。滔天濁
 浪排空來。翻江倒海為摧。固知神物善幻善變化。不然胡為
 若此之壯哉。狂風瀕洞響天籟。長空隱約轟春雷。衝堤激岸
 勢雄偉。春崖啣石聲喧。更秦歷漢迤唐宋。潮生潮落來往
 幾時回。上浮銀漢蕩瑤浦。洶。危瀾鋪練組。江神河伯盡出
 游。素車白馬尤雄武。海若載寫旌馮夷。擊鼉鼓龜蛇跳躍
 長蛟舞。人言子胥怒未消。怒氣突兀干青霄。吁煙吐霧如山

高咆哮呼叱聲愈躑。震驚溟溟。嗚沈寥。直吞吳楚。志意驕於
戲三綱。五常自古有。至今禮法千載之下。明如日月之昭昭。
君實有臣而殺。奚怨號。負子忠義非兒曹。豈不知此無君之
罪。將焉逃。少焉風定。洪濤靜。似聞予言發。沫省水天上下。玉
無瑕。月白江空銀萬頃。

錢塘懷古

君不見古錢王。錢王在時民阜康。不侈不僭能安邦。五季喪
亂人相戕。鄰國雖斃吾無傷。錢王去後兒孫良。致身能弱還
能強。手持板籍歸宋皇。富貴不失福祿昌。民受其惠壽命長。
人懷其德久不忘。千載之下有耿光。至今號稱國不亡。又不
見子瞻作郡臨安時。風俗淳厚民雍熙。春光淡蕩花柳靜。疑
香燕坐簾幙垂。耕田而食鑿井飲。公家作勞民不知。西湖種
藕不種穀。朝昏十里香風吹。酒邊談笑白日永。賓朋滿座咸
賦詩。風流一代孔文舉。下眎山濤阮藉沉酒之輩皆小兒。子
瞻去後景物非。風俗凋弊世運衰。我來曳杖訪遺跡。荒烟衰
草空離離。湖山風月只如舊。昔人不見令人悲。秋風滿目立
良久。但見斷雲斜日猶照蘇公堤。古今何物能長久。前代英
豪竟安有。文章霸業墮渺茫。唯有聲名傳不朽。是非榮辱過
眼空。萬事何如一盃酒。

北山遊

北山之色青更青。堆藍積翠開畫屏。浮空突兀百千丈。駕梁
峙石勞六丁。自從太極既判混沌死。天開地闢知幾齡。東西
橫亘一萬里。遠迎岱嶽連滄溟。晨昏礙日遮月星。往々不雨
轟雷霆。荒烟霾霧虎豹隱。深淵大澤龍蛇腥。幽花野草不

識名天風時送芳樹馨風雲變態皆可翫烟光嵐影浮虛檻
有如佳人在空谷體貌閑冶尤娉婷人間歲月不復記祇隨
寒燠觀堯賞神仙宮殿梵王宅螭藏鳳隱凌青冥金鍾玉磬
聞遠近洞門無人長不扃道士昔誦藥珠經功成騎鶴朝帝
廷腰懸環珮雜宮徵鈞天音樂風冷冷邇來歷世經累劫丹
書寶篆猶鐫銘摩挲石刻一慷慨頓覺胸次洗空世慮塵夢
醒彈琴坐盤石遺音繞指穿林垆山靈鼓舞山鬼嘯常有白
鶴飛來聽湘妃漢女亦遊翫載以霧轂乘雲輶登高採妙藥
長鑱短鑿鉏茯苓天瓢瀉石髓瑤柸斟綠醪飲之似欲生羽
翎神清氣定百脉寧下視人寰烏兔急東生西沒何時停尋
名訪利浪自苦便欲脫去世俗凡陋無用七尺之軀形遊行
無礙少羈束化為天壤之內不老不死千秋萬古英爽之精靈

月夜泛舟

今夕何夕夜未終長空月出光曠曠乾坤一色淨如鏡水天
上下磨寒銅晃如徑寸珠高耀馮夷宮清寒泣神鬼竒怪驚
蛟龍我乘萬斛舟直入玻璃中雙槳擊空明孤帆揚天風狂
吟發長嘯有仙骨長公湘水居其西采石居其東屈原與李
白此地遺遺我處二者間拍手招兩翁獨醒醉客呼不返
扣舷大叫耳聽百年清賞誰與同茫茫千載情何窮採蘭
芷兮水芙蓉明珠兮江空詩成歎息無可語因風寄與天地
之內古今不朽之群雄

題香亭梅花卷

山空木落洲繁卉政苦蠻烟愁瘴雨南枝此際特清竒獨抱
孤貞巖谷裏水鄉雲路寡相知惟有風姨交月姊江南歲晏

淡粧束沙上無人薄梳洗丰姿瀟灑態度閑脩竹踈籬茅屋
底羅浮日冷水欲冰凍靄昏霾江路陰殘雪消遲霜魄出一
梢寒彩明空林人知鼻嗅目善觀豈知劫外春光淡蕩春意
深平生不識宋廣平但識鐵石腸肚珠玉之育襟平生不識
桃與李竒松勁柏屹立千仞之雲岑唯許孤鸞么鳳見豈容
妬蝶狂蜂尋幽馨旖旎薰宇宙芳流不盡古至今暮齡作事
愧顛倒聽不以耳惟以心瑤琴三弄枯樹下摩挲老眼觀妙
音西湖處士寧復到東坡先生骨應槁邇來八萬四千載只
有梅花顏色好羌笛怨高舊夢醒玉樓人去東風香橫斜浮
動未要論竒芬不在枝頭老

顧玉山草堂席上寓興 釋行紀

春暉樓頭春景早主人宴客情更好萬斛蒲萄溢綠波一色
瓊瑤鏡裏草堂樓簾山色何真之吳天半掃娥眉青
起倒壓自自傳野狐啼短道路黑海風吹雨蛟龍腥短歌天
傷我情明前溪水聲冷冷

文翰類選大成卷之三十五

文翰類選大成卷之三十六長短句目錄
國朝

劉基 十首 宋濂 二首 梁寅 二首 朱善

汪廣洋 一首 陶凱 一首 張孟兼 一首 王沂

王佑 一首 錢宰 三首 劉績 一首 蘇平

陶安 一首 劉崧 一首 孫炎 二首 高啓 一首

顧觀 一首 鄭嘉 一首 羅紘 一首 鍾師

鄒緝 二首 李時勉 一首 楊士奇 一首 梅中

顧懋 一首 熊直 五首 王佐 一首 揭軌 五首

顧祿 二首 胡廣 六首 戴仲才 一首 解縉 五首

夏原吉 二首 余鼎 一首 劉子欽 一首 余學疏 一首

周述 三首 戴審 二首 浦源 一首 李禎 四首

支立	一首	萬節	二首	韓雍	一首
王載	一首	陳敬宗	一首	袁忠徹	一首
唐璽	一首	李仲訓	一首	張徹	三首
王恭	二首	羅子濬	一首	鄭壬	一首
唐豫	一首	熊子維	一首	李廷儀	一首
周叙	二首	劉士皆	一首	時季昭	一首
				陳璉	一首
				曾鶴齡	一首
				魏昌	一首
				陳詢	一首
				張楷	七首

文翰類選大成卷之三十六

左長史上海李伯璵編輯
伴讀慈谿馮厚校正

詩類長短句

國朝

寄宋景濂四首

劉基

我思美人乃在仙華之山。山前夜半掛河漢。天津兩旗俯可攀。我欲從之阻河關。初平不來白羊死。瘦骨蝕盡莓苔頑。風沙蕭蕭隔人間。玄霜日夕凋玉顏。有鳥有鳥丁令威。側身下上空孤飛。女媧石墜鰲脚折。海水散作雲霧。山中有奇樹。一華一千秋。美人何折不折寄我。使我歎恨長凝眸。深沉洞谷山鬼集。陰氣六月冰霜留。嗟哉美人誰與傳。明年定約赤松

子。與尔群峯頂上游。

有美一人兮。美且仁。自我不見兮。不知幾春。仰玄穹兮。睇參辰。為合為離兮。孰測其因。青冥無階兮。江海無津。風雨茫茫兮。蛟龍怒噴。安得羽翼兮。致我與隣。

有美一人兮。美且都。青霞為衣兮。白雲為裾。被秋蘭兮。佩玕玕。泰和與游兮。中黃與居。瞻望弗及兮。芳歲其徂。山高水深兮。道阻且紆。安得羽翼兮。致我與俱。

有美一人兮。在山中。蒼眉黑鬚兮。玉雪其容。飲沆瀣兮。食紫虹。深石泉兮。灑清風。邀初平兮。從赤松。超逍遙兮。樂無窮。安得羽翼兮。致我與同。

望行人

朝聽乾鵲鳴。暮見燈花結。鵲鳴燈結無定期。鏡裡青雲看成雪。人生百歲難長保。天上孤鸞海中老。滔滔逝水不回西。灼灼秋花幾時好。一朝復一朝。一夕復一夕。只恐君心念妾時。妾身已作山頭石。

題安仁余氏畱餘堂

君不見石季倫。對案方丈皆八珍。珊瑚夜光視如土。寧知汨沒同埃塵。又不見李資皇。平生鼎食滿萬羊。中厨烟火宵未冷。詔書趣使趨南荒。金谷名園委蔓草。平泉荆棘無人掃。榮華瞬息可奈何。空令過者傷懷抱。世人積金遺子孫。一朝金盡難復論。古來天道有好還。君看漢代于公門。

題老翁騎牛圖

白日上悠悠。竹梢霧已收。晴天不易得。及時當放牛。鄰家放牛多。兒童我家無。兒只老翁寒。衣在機織未就。原上烈人多。

高風勿言衰老筋力薄。有牛可放殊不惡。但願天公不相惱。
牛背閑眠飢亦好。

送人分題得鸚山

丁令威乃在崑崙之墟。閭風之巔。羽衣誤作塵土。夢回首人
世三千年。空山落日松栢冷。苦霧慘兮含悲泉。夢隨回飈訪
瓊田。紫鷄青鴨還相憐。丁令威將奈何。野有雉繳隰有罔羅。
前非烏鳶。後知鴉啄。腥爭腐聲。嘍囉。嗷予懷兮隔烟蘿。杳冥
冥兮倚長歌。丁令威。胡不歸。槐江之山連大駝。玉樓金嶂中
天開。玲瓏碧樹鏘瓊瑰。鳳凰有閣鸞有臺。君胡為兮獨蒿
萊。丁令威歸去來。

送葛元哲歸江西

我昔筮仕筠陽初。官事窘束清事疎。風塵奔走僅五稔。滿腹
荆棘無人鋤。明堂大開壯梁棟。散木不遺椽桷用。豫章江上
一逢君。矯矯鷄群一孤鳳。城頭月出明星稀。開門望月露沾
衣。文章繡衣郎。談屑天葩飛。得句即高歌。驚起烏鵲穿林霏。
星流雲散隔吳楚。有時夢君詩上語。坐中百骨含清暉。牕外
飄風度疎雨。我住青山耕晚霞。君去蟾宮折桂華。別來八見秋
鴈過。忽然會合增長嗟。江南二月草未秀。雪陣如濤來清晝。
投壺命觴盡文友。此樂百年何日又。一朝復一朝。三歲如過
電。四牡彭子獨賢。江東山水看將遍。人間萬事苦不齊。我
馬向南君向西。海門日照漁浦白。驪歌欲斷吳雲低。枯蒼山
臨川水。相思迢迢一千里。山高兮水深。極望不見愁人
心。應將魂夢化為鶴。永夜月明懷好音。

題柯敬仲墨竹花石

紅桃花天、綠竹葉疑、水邊石上相依倚。恰似佳人配君子。奎章博士丹丘生。寶書鑑盡芸閣清。滌朱涅翠歸墨筆。收拾造化無逃形。烟濃風暖春如醉。竹有哀音花有淚。花枯竹死今幾年。空留手迹令人憐。

鑷白髮二首

宋濂

白髮如青草。剪已竟還生。草青能變白。髮白不復青。須知會有盡。紫馬馱錢沽酒傾。

昨日花如繡。今朝花作塵。人身一如花。何為長苦辛。古今富貴皆黃土。唯有青山解笑人。

題黃富龔氏皆山樓

梁寅

我聞仙人十二樓。乃在白雲之島。丹霞之洲。君家結樓在人世。何為亦戀山巖幽。山中紫芝日堪茹。亦有白石可煮為珍羞。八牕何玲瓏。七星掛簷。以翩翩之玄鶴。度鞋之蒼鹿。遊千丈松間。來遠颺。萬年石上鳴寒流。憑高聽此不知倦。足以滌蕩人間之閑愁。君家渝水南。吾廬相望不百里。山樓幾世且幾年。今重構之良有以。昔聞飛甍為瓦礫。瓦礫再見飛甍起。玉堂學士記早成。南郭先生詩更美。日延賓客喜多暇。誦文歌詩夜未已。有時鈎簾颺翠入。舉觴談詠烟霞裏。嘈天籟悅心耳。石為豆。登泉作醴。樓上朝復朝。山中年復年。隱君之樂何陶然。金丹可遇不可求。遣情以酒亦得仙。春岡花草可翫。惜秋林風月宜招延。心常愛此樓外之皆山。千峯萬壑森後先。醉翁之樂。無極。山中之人相與長周旋。

霍將軍篇

霍將軍甲第闕。且雄堂中賓客風生坐。門外車馬雲通空。俊

彩馮子都。英姿范明友。紫繡袍加大浣衣。雕鞍玉間黃金鏤。金吾上將常欽避。羽林郎官多擁後。一朝九重息變。嗔封侯。悉皆擯棄人。何不看取桃李花。終讓松柏寒猶春。

長短句

朱善

翁騎驢兒牽車。童子荷檐相追隨。風淅淅。草萋萋。阿兒苦寒翁苦飢。翁雖不語心傷悲。吁嗟薄命當訴誰。遼東雖云樂。不如早旋歸。

山有湫

汪廣洋

山有湫。雲翳鬱。風颭颭。乃在章貢之陽。崆峒之幽。湫波水浸石骨。底陰森。樹木相綯繆。上有千丈之翠壁。下有千丈之蒼虬。神靈鬼恠。變恍惚。驅逐。無復。由。今。年。欲死。蔡。言。直。民。車。手。...

有靈。我。言。... 為我民周旋。坐公清澤。... 雲烟。

贈琴工施彦昭

陶凱

君不見。鳴琴無賞音。伯牙絕絃。仍破琴。又不見。斲琴無良工。焦琴終為爨。下桐。大江之南。多好山。孤桐往。生其間。武林城中。有萬家。斲琴。施氏良。足誇。嗟哉。施氏之外。無復入。桐樹。槁死。終為薪。今人好尚。與古異。人間雅琴。多棄置。雅琴苦少。秦箏苦多。嗟哉。施君將奈何。

豫讓橋

張孟兼

豫讓橋邊楊柳樹。春至年。青一度。行人但見柳青。不問當時豫讓名。斯人已往。竟千載遺事。不隨塵世改。斷碑零落。

野苔深誰識孤臣不二心。豫讓橋路千里橋下滔。東逝水
君看世上二心人。過此多應魂愧死。

送上清張叔大鍊師東還

王沂

芒碭玉氣浮天閔真人。乃在圮橋間。功成往事赤松子。心與
浮雲如等閑。上清億劫玄教起。坐引諸天黍珠裏。昨聞仙子
御風來。身著山中紫霞綺。東海塵飛二十年。仙凡消息兩茫
然。守閔人識青牛去。渡海書逢白鶴傳。五陵八百遺仙記。思
欲攀天問天帝。三尺青萍手可提。一品銀章肘先繫。咲把芙
蓉花。相期訪蓬島。不見河上公。空懷橋中老。大明治世龍漢
秋。下來倏往應難留。月明候夜碧天淨。笙鶴遲不緜山頭。

題蕭彦紳雲構

王佑

青霄萬餘仞。白雲十百重。不在大行九折坂。不在匡廬五老
峰。海東高人蕭彦紳。紫髯如戟顏如童。卜居不肯向岩谷。乃
欲結構雲之中。雲之來兮栖素樹。秀色可攬光纖。曉晴潤
氣拂蕙帳。暮冷清陰飛竹簾。鳳臺之素娥。為吹紫簫曲。曲罷
青天高澄。如碧玉露洗三更寒。煙飛一庭綠。君家世躡青
雲梯。方厓感百秋霜飛。繡衣春當霄漢立。勁翮凜。凌虹霓
子亦曾襟。蓋寰宇。曾泛靈槎訪牛渚。好登雲路早從龍。大濟
蒼生作霖雨。

出峽圖

錢宰

大江水落岷峨西。三峽上與浮雲齊。飛湍崩騰下絕險。怒與
石聞如奔霓。君不聞灩澦如象瞿。塘莫上灩澦如馬瞿。塘莫
下。黃牛劍石真龍阿。巫峽之口雙盤渦。蜀山五月消盡太古
雪。倒瀉銀漢翻秋波。江聲出峽經險窄。險似龍門砥柱當黃

河西川賈客何危哉。樓船萬斛天上來。船家放船一失手。桅折舵裂為之摧。此時性命不自保。嗟彼吳鹽蜀錦那得利。吾財利亦不足羨。名亦不足言。伍員終賜屬鏃劍。江上鴟夷空復憐。李斯卒棄咸陽市。上蔡黃犬不得牽。古來名利撻如此。豈但瞿塘下峽船。

梧桐樹

梧桐樹。一葉墮秋風。一葉委秋露。明年二月新葉生。還在今年葉飛處。漢宮飛燕近承恩。零落班姬不知故。君不見梧桐樹。

題俞景山畫山水帳

老夫素居江上樓。廿年不出懷舊遊。扣門下樓出迎客。但見絕壑風颼。岱宗日觀山上頭。日出未出蒼烟浮。萬高插天太華碧。峨眉青城翠欲流。匡廬老泉掛白石。蒼梧水落湘江秋。懸崖倚天萬山立。翔鸞舞鳳踏蒼虵。幽峯遠樹互出沒。白雲不散松風收。松根老樵列四五。招我共入青松幽。平生遊歷走不徧。千里萬里窮遐搜。如何一日墮我前。空翠雜沓來雙眸。舉頭問客何因入此境。乃是手持圖畫來。滄洲俞君作畫時。雅有山林癖。朝登望泰山。萬壑千峰淨。橫臆暮上香爐峯。海色清秋上瑤碧。歸來放筆作董元。筆底丹青浩無迹。海桑一別三千年。山月江風耿相憶。仰觀岩上泉。俯看松下石。故人不見空畫圖。十幅雲烟捲還客。

題西陵送別圖送顧大還遼水

劉績

君從遼水來。還從遼水去。朔風吹離心。掛向西陵樹。西陵江水漫悠悠。日夜東西來去流。人生離合亦如此。地北天南

是愁前夜與君曾會宿酒盃交懽列明燭飲酣擊劍氣如虹
却笑凡兒空碌碌未能酬宿願空期蘭渚遊公程不可緩遽
買西陵舟我本豁達人久不與世偶恨無囊中錢沃君西陵
酒蒲帆十幅橫風開獨立紅亭首屢回明年偶有相思字須
寄雲中胡鴈來

行路難

蘇平

出門行路難富貴安可期淮陰不免惡少辱阮生亦作窮途
悲顛倒英雄古來有封侯却屬屠沽兒長安車馬隨輕肥青
雲賓從紛交馳白眼向人多意氣幸牛烹羊如折葵讌樂寧
知白日晚時醉擁双蛾眉楊雄閉門空讀書門前碧草春
不如拂衣且歸去世上浮名徒爾為

石假山

陶安

世上好山如好人儂傲不肯來相親是何峯巒落几案數十
氣象排蒼昊我聞好山芙蓉三十六從有鴻濛露岩谷一宵
神運霹靂奔但見二十四峯青立玉翺然飛去十二峯來向
君家伴幽獨忽遇雲間騎鶴侶為言此事非誇詡更有仙家
十二樓化作游龍渡江去研屏時映一拳小萬壑千崑供昏
曉天地骨含千古清收拾精神不為少洞天兩竅秘莫窺虛
冥眇漠涵天池須彌六向芥子納靜中觀妙生神奇幽人拂
拭愛瀟灑掌幄烟霏恣陶寫着屐不勞追謝公山同心曾忘
真假

雙翠軒為劉汝弼賦

劉崧

雙翠軒聞在鄱陽萬斛山下宮亭湖水之東偏疏牕碧戶照
雲日美人在望何娟娟問之此軒奚以名云有雙檜者乃是

昔人手植之所成百年雨露見翹蔚萬井烽火遺崢嶸鄉鄰
父老共歎異摩挲重說當年事屋角仍瞻秀色存道傍更喜
清陰庇宜爾劉氏賢子孫卜築來依承清溫不知虬龍骨鬣
幾千尺但見旌幢矗矗並立當高門朝吟雙檜間莫宿雙檜
畔願親強見長相保得似蒼根與脩翰憶我往年湖上過東
望鄱山千翠螺碧天無雲夜寥沈明月正湧黃金波此時懷
君雙翠好不得停撓放烟島題詩遠寄軒中雲成晏端
期拾瑶草

龍灣城

孫炎

龍灣城壯如鐵城下是長江城頭有明月月色照人心不移
江水長流無盡時

題好溪園送憲使黃繼先

君乘馬望君來枯蒼下君乘舟望君來好溪頭好溪水生
堪魚好溪水生明月珠好溪水生青珊瑚使君來此月再樞
惟飲此水無一需使君之清水不如臨別贈君青絲纒隨君
馬頭行萬里相思之心有如水

贈金華隱者

高啓

我聞各山洞府三十六一一靈蹤紀真錄金華秀出向東南
遠勝陽明與勾曲樓臺縹緲開烟霞天帝賜與神仙家靈源
有路不可入但見幾片流出雲中華子房之師赤松子三千
年前亦居此飛蹤恍惚誰解尋謾說至今猶不死松花酒熟
何處遊瑶草自綠春岩幽群羊卧地散如石老鹿畊田馴似
牛聞有隱君子迺是學仙者自從八山中不曾到山下世人
莫識其姓名以山呼之不敢輕樵夫忽見苦未識只疑便是

黃初平。嗟我胡爲在塵網。遠望高峰若天壤。杖笻夜煮僮許
餐鐵杖。來敲石門響。

題李陵蘇武泣別圖

顧觀

一杯清淚入豈無淚。洒別離。非丈夫。李陵長哀送蘇武。此別
自與常人殊。關河萬里道。去住從此分。莫聽隴頭水。但看天
上雲。飛雲悠悠不可扳。隨風亦得還。故山泉聲日夕空潺潺。
東流入海何時還。白日在天光照下。幽陰只隔魚鱗瓦。君歸
有路我無家。蠶室刑人知我者。畫圖千古見當時。携手河梁
更有詩。節義於人終莫掩。文章傳世果何爲。

送羅生之金臺省兄

鄭嘉

君不見金臺之地。天下雄瑤樓玉闕。城九重。上有錦翼銜花
之飛鳳。下有金鱗拖華之播龍。丹霞浮光耀旭日。溫泉白玉
開芙蓉。復有雕甍絢空碧。云是奉天勳臣之第宅。陌頭楊
柳掛青絲。樓上花枝蕩春色。繡馬雕鞍紅錦袍。四方雲集多
賢豪。乃知龍飛之地。勝莫比萬國風光。那有此君。今去且
莫畱。兄作金臺客。弟作金臺游。陸乘山東騎。水漾灤河舟。行
亦不爲勞。別亦不足惜。且賞邯鄲一壺酒。擊節高歌洗胸臆。報
國當賢勞。未遂飄然歸。從他網絲生綠衣。弟兄願比雙黃鵠。
翩翩矯翻雲間飛。

賦得醫無閭山送王媿清之遼東省兄

羅紘

吾聞醫無閭山。天下奇。插空秀色青崔嵬。上有高標萬丈不
可以攀陟。下有飛泉百尺砮。崖轉石相喧。平生有志隄形
勝。日夕夢想空徘徊。羨君昂藏七尺軀。論談豁達心宵開。詩
書百氏盡蒐獵。文辭落筆驅風雷。入門下馬告我往斯境。愧

我碌空塵埃便須槌牛搗鼓餞君別安得美酒三千盃
沃離思詩以壯行色奉觴為君壽高歌振金石君家伯氏人
中龍祗今久作遼城客長沙遷逐淹賈生江海流離老亭伯
因君碩同氣予亦懷連枝有兄在金臺別來知幾時高齋聽
雨念疇昔客居對月成遐思前日寄書來詢予故鄉事親老
更家貧茫然但增愧因君此行重感激丈夫別離何足惜弟
兄相見意綢繆夜雨連林話胸臆問予別况今何如江上故
園空四壁筆點以忘憂琴尊聊自適每懷放浪山水間有足
欲行嗟未得君不見醫無閭山天下奇為我殷勤訪靈蹟

寄題芝湖陳氏凝碧軒

錨師邵

自從芝湖遊只憶芝湖好湛然一鏡涵空青
面芙蓉碧峰遶懸崖絕壑相盤紆中有陳家凝碧之軒居
四圍蒼翠歛冥色八因洞啓含清虛數聲雞犬烟霞窈
依微淥水通三島花香竹翠四時同人物依稀似商皓
我曾絕頂窮攀躋緣蘿直上凌丹梯上有長生不死之靈藥
朝餐莫掇可以忘寒飢平波下瞰連溟渤陽鳥倒影晞予髮
坐娛清景澹忘還歛聽猿聲耳邊發失身墮塵網倏忽經兩春
心期拂衣未能去溪上桃花應笑人浮生醉夢嗟何益
憑詩為報山中客會當拂袖臥松雲共餌金丹鍊精魄

行路難

鄒緝

請君勿言苦我歌行路難世事有翻覆人心若波瀾
布衣扼奪卿相位禍讐起自盃酒間君不見昔時山東狂匹夫讀書
往輕凡愚談笑強干唐舉相搖鞭西入咸陽都一言啖秦
王再言扼范雎黃金束帶高堂居風雲變態生須臾君不見

魏其都位漢公卿灌夫意氣排漢廷武安本在門下列拜伏
跪起呼父兄一朝寵據津要地舊時意態寧復生寶嬰既失
勢頽水亦不清狂呼罵坐何足驚咸陽市上殊無情行路難
行路難人生自古有如此何須局促增歎聲

瞻雲軒為鄱陽朱仲達賦

望親舍登高丘雲飛處心悠悠思親目斷親逾遠遊子天涯
猶未返晨昏供養既有違空望飛雲長在眼年々商賈徼徼
利得錢養親願親喜何如收拾大刀頭綠衣膝下供甘旨

朝陽丹鳳圖為李御史文曜賦 李時勉

鳳兮鳳兮爾之出也何所為必有

聖人在上舞當其時所居巖岩石千仞河流直下向海歸羽
虫三百爾為長九苞五采真奇姿必丹穴食必瓊枝刷羽

毛於崑嶺吸沆瀣於天池實 盛世和氣之所產坡尋常凡
鳥鳥可以為儷昔簫韶九奏於虞廷一來舞而有儀厥後岐
山之下亦聞之嘻寥寥千載世莫見兮陋緱山之長往鄙蕭
史之善吹欲將銜瑞圖瞻望洛水湄長鳴白日九天上誓令
四海皆春熙豈肯學蒼鷹一飽輒高飛

行路難

楊士奇

行路難路多岐青天白日光洞地出門相背東西馳憶昔貧
賤時兩情如膠漆共言生死不相違握手披肝誓天日君今
得意成大勳金章封侯蒙

主恩六曹貴臣却避馬兩府官僚趨過門一朝富貴誰能及
翻笑傍人百憂集平生金石安足論對面雲泥不相揖世事
悠悠安可期芳春花木秋易衰冰霜歲寒不改色却羨南山

松栢枝

贈羅知州

梅中

德慶州羅使君異才間出非常倫。清光天上月。秀色口邊雲。麒麟今見一角。瑞鳳凰。羞比九苞文。生成美質。豈易得。况復力學能脩身。去年偶膺儒士舉。匹馬東來守南土。

聖旨加恩得密奉。疲民樂業蒙綏撫。女探桑葉蠶浴苗。男耕綠野鳩呼雨。五簞絲成雪滿筐。兩岐麥秀雲千畝。近者欣々遠者來。田里之聲絕愁苦。嗟予出守同異方。樂聞善政頌龔黃。恨不披雲一快覩。景星照我雙瞳光。今年越臺使相識。才華不異連城壁。可惜相逢是客中。傾心但覺交情密。手持天上五雲囊。松花金粉照清秋。便欲携來為吾着。同上仙人十

二樓。十二。高不易到。宣州歙州同一眺。五嶺芙蓉雨後開。

雙溪月色雲中照。雲中光照故鄉心。相思謾寄綠綺琴。綠綺

琴調高不啻千黃金。使君知音更知我。一曲雲山深復深。

題趙氏思訓齋

顧慤

君家大入丹山之鳳凰。九苞文彩遺諸郎。君家兄弟渥渥之麒麟。駿骨崢嶸露奇氣。鳳飛超舉入清都。仙凡路別遺其雛。一鳴載鳴。上下意鄭重。嗚呼。聲送高岡。梧高岡之梧。于歲色不改。騏子悲啼。恨如海。世無巫咸。何處招斷魂。鳳毛所在如親存。嗚呼。鳳毛所在如親存。麒麟之價當再倍於麒麟。

清虛子

熊直

清虛子。神仙客。妙年出入黃金闕。曾侍天壇禮玉皇。鶴氅羽衣金蕩節。或隨列禦寇。乘風八極中。或從赤松子。吐納凌清空。三花既結頂。五氣仍蟠骨。松栢秀眉桃李容。清虛不與流。

俗同吸沆瀣。今被明月。幾見蟠桃千歲紅。我有紫霞想。未脫塵外踪。有待功成拂衣去。桃花源上期相逢。

登望湖亭

朝望湖水平。夕瞰湖水清。湖天四月南風競。滄波萬頃天冥冥。湖間亭榭作者知。何代歷々江山殊。勝槩匡廬山遠張錦屏。五老峯高疊華蓋。古人至者應未多。太白已往惟東坡。雄詞健筆映千載。只今遺跡留山阿。我時來此已頭白。浩歌似覺滄溟窄。天空水闊混虛無。更闌斗轉迷南北。登臨不盡古今情。乘流况欲登蓬瀛。

聖恩汪濊似湖水。布衣揔得詣恩榮。遂呼美酒醉江水。馮夷起舞群龍喜。茲行不須乞如願。明日乘風過彭蠡。

小孤山

岷嶓水自巴蜀來。四江彭蠡亦壯哉。衆流於此相會合。濤々一道由天開。控引百川水。日夜俱朝宗。萬古君臣義。江流無不同。兩山相峙青巖立。一柱擎天高萬尺。閑雲宿霧任往來。巨浪驚濤從射激。縹緲縹緲縮縮祗畏蛟魅愁。燃犀預恐魚龍泣。半山亭榭赤欄干。仙女神遊晝往還。鸞鶴何須閬苑風。環珮謾許留塵寰。我有登高興。未獲造其間。絡石土花碧。映水桃竹斑。吳公雄筆照絕島。邵庵學士同躋攀。風流數老不復見。遺餘妙墨留空山。遠招山之靈。酌以一壺酒。禹功碣石今尚存。伏波銅柱終難朽。仰俛人間無盡情。萬歲千秋唯汝壽。

黃氏松竹圖

憶昨謔陽故人邀我遊。芙蓉溪蜀葵花開。蒲葉齊。錦箏瓊管羨清夜。醉看明月流天西。芙蓉溪才士淮東客。還家暫息凌雲翮。

疊巘開屏對畫樓。喬松偃蓋環深宅。夙志尚間雅。結屋亭西頭。松篁手自種。尤夏如三秋。我時醉卧北牕裏。朗吟似覺商飈起。錦裯暗蛻赤龍鱗。翠葆曉抽青鳳尾。陽烏漏金光陸離。舊業未落生新枝。清音時聞曼蒼玉。倒影忽作玄雲垂。再調綠綺琴。和以淇澳賦。篇知心獨想。子猷在林下。豈特山濤賢。君家伯仲真連壁。昨者過後應咫尺。去年漂泊江水東。幾回悵望長相憶。長相憶。可奈何。酌君酒。為君歌。東梁倦客日已老。南州故友今無多。新圖遠寄堪怡悅。終當更棹山陰雪。擬約謀陽再訪君。揮毫書遍琅玕節。

七賢度關圖

七賢之名奚所徵。七賢去國身何輕。風沙索漠幾千里。道傍見者難為情。君不是函谷關。青牛白坂春書閒。又不是玉門道。富貴生還致身早。英雄出處貴有時。何用驅馳嘆老。晚征塗天雨雪。數騎聯翩行欲歇。不如灞陵橋上翁。破帽吟詩自清絕。惜我命之不奔走。半道周人生遇坎。堯與投散逝者良悠。他人未足說。所惜柳與劉。天涯相聚一回首。往事於人竟何有。莫念玄都舊種桃。且學愚溪刺栽柳。風流畫史真絕倫。毫端點染猶精神。王郎手抱又十載。展圖示我勞重陳。展圖示我勞重陳。此意此畫宜書紳。

醉夢軒為錢公鉉賦

王佐

東吳錢高士。索賦醉夢詩。十年不是不題句。我亦醉夢無醒時。問君醉夢緣何事。君言不解其中意。但知痛飲復高眠。即此悠悠。是生計。滄溟傾瀉供盃盃。乾坤偃仰如遠廬。神遊溟滓釣天外。心寓鴻荒太古初。人皆掉舌談臧否。君方默坐糟

丘底人皆明目辯妍媸。君獨嘗騰黑甜裏。君不見。西羅江邊
人獨醒。捐軀博得千載名。又不見。王戎鑽李。執牙籌。晝夜盈
盈筭不休。人生適意此為樂。何須苦覓揚州鶴竹葉。杯中閱
四時。蘆花被底舒双脚。錢公錢公。真我師。平生此意君得之。
連床未透論文約。潤筆先求買酒貲。我生落魄。惟貪飲百事。
無聞只酣寢。生死真同力士鎗。榮枯付與邯鄲枕。邯鄲枕上
意如何。笑殺當年春夢婆。貪看北海青尊滿。誰顧南山白石
詞。吾聞醉夢之鄉一萬八千里。中有仙人長不死。李白狎狂
樂自如。陳搏鼻息呼難起。行。又入無何有之鄉。麒麟作脯
瓊為漿。借得仙人淫。與鶴三清八極同翱翔。

贈徐卿

揭軌

以年子壬亥。結客燕趙間。麻成長對春雲。殘桃花。北發黃金

鞞。經過公子崔。與韓。鬪鷄。踞。南關。高麗名。價多花。顏。百金。
奉壽結新歡。當時意氣如丘山。豈信流光去不還。一朝憔悴
來江國。始學藝文操翰墨。北海青尊長日空。東都翠蓋經時
隔。寂寥門巷綠苔深。蕭颯布衣霜露白。閉戶窮年尚著書。誰
識虞卿是豪客。

聖皇一海宇。登崇皆俊良。天書即日召。謁

帝入明光。玉京春色曉蒼蒼。東風鷺。轉問青陽。花迎委佩仙

露涼。侍儀引入鵷鷺行。官中

聖人垂衣裳。

天語從容臨御床。

帝心慎簡先。龔黃思與共治圖。民康小儒叨佩清。阿章賜官
授以文林郎。上尊蒲萄紅玉觴。紫衣行炙金盤將。宮袍銀帶

出尚方。

至尊催賜絕天香。拜命出金閨。承宣向河北。燕晉雄爭百戰餘。千里關河氣蕭瑟。清河遠在臨清西。縣邑無人狐兔宅。父老草中至。歡迎覩漢官。流亡悉來歸。

聖德廣以寬。邇來竊祿逾年載。白髮為郎增感慨。心懷犬馬日彌深。功憶麒麟時不待。上書詣鳳闕。詔許歸田園。先廬翠微下。理策薄言還。一別親知二十年。重來宿草綠如烟。交游詩酒風流謝。亭館鶯花別恨牽。臨川得徐卿心事欣。有托過從往。留新作。胡來風雨又兼旬。苔蘚落花都寂寞。徐卿何事肯來過。如此情懷良不薄。管鮑久已死。嗟予將為求。徐卿徐卿且少留。折花對酒暫忘憂。他人方寸間。變態春雲浮。卿若一去誰與謀。

分題賦二十四橋送別

烟水二萬頃。綵舟下江浦。最好看明月。二十四橋天下無。玉人吹簫騎綵鳳。神女拾翠乘文魚。堤邊芍藥明。歌珮風裏笑。芙蓉濕舞裾。故人詞翰龍頭客。花落相逢在江國。共姬春酒香。暫繫木蘭航。為君醉解雙明璫。重來駟馬無相忘。

題耕讀軒

青山茅屋好。白雲流水閑。讀書青山中。耕田白雲間。雲白山青真可樂。徒有聲華滿京洛。烟景還聞勝鹿門。功名尚想喬麟閣。江東山水天下奇。聞君已作十年規。青春須求顏子學。素志還將伊尹期。野夫零落英年志。白首逢君增感愧。別後應多伐木情。雀書玆重柴門寄。

題宋樞密馬銓金華草堂詩後

宋家馬將軍。扈從祥興間。海風蕭蕭。翠華寒。落日龍舟去不還。上天不誘孤臣志。悲歌空洒英雄泪。崖山海水日東流。流恨古今無盡時。百年華屋今猶昔。綠苔間臥黃金戟。落葉秋風滿翠微。忠魂長共白雲飛。

分題得羊角洞天送別

昔有仙人乘綵鳳。駟玉虬。寫聲海天秋。芙蓉旌旗翳若木。雲車西指崑崙丘。彌節青城間。路逢臨川客。我家正在羊角峯。絳桃開後無消息。煩將寶字書為寄。紫烟宅。歸客經春到里閭。持書逕叩仙人居。洞門恍惚聞環珮。正是松陰剥琢餘。玉女啓靈瑣。相迎入清都。銀臺絳闕疑蓬壺。就中綽約多仙姝。開緘讀罷尺素書。敬問仙人安穩無。山中瓊草綠。子住且無歸。朝餐摩鱗脯。晚飯出金芝。云何動歸念。子黃金闕採雲

隔斷藍橋路。桃花迷却武陵溪。落日躊躇屢回首。空餘衣上

鑄金蹠。仙人仙人今安在。勝跡淒涼已千載。洞口春又深。送

君增感慨。相思好寄錦書來。莫待桃花點翠苔。

泊舟采石峨眉亭下偶作

顧祿

嘗讀李白詩。知有峨眉亭。恨不便騎揚州鶴。道遙乘風余上征。峨眉在江東。飛構凌空青。往尋李白事。狂飲但願長。醉不願醒。豈知三十年。今日酬此盟。泊舟正對采石月。舉盃試勸長庚星。長庚可惜不能飲。負我大吸如長鯨。但將一斗玉色酒。空墳醉罷徒傷情。

題王叔明所畫松下奕碁圖

十日一水五日山。王侯妙筆無荆關。山如蒼龍騰入霄。漢表水似白虹瀉出溪。潭間長松直下有巨石。風雨剝落莓苔斑。

兩翁對奕盤礴坐其上。笑語自若終日無愁顏。飢來豈待事
烟火。瑤草紫芝俱可餐。不知何年修習到此地。知有神仙境
界無入窺。我今讀書三十載。抗塵走俗猶未閑。問翁不語愈
覺心自恚。高風逸韻邈矣終難攀。安得翁能示神異。授以九
轉入爐丹。圖中之景果然真。有否便欲御風一去何須還。

采石述懷

胡廣

我生厭局促。江海忘奔馳。扁舟薄莫過采石。仙人招我登峨眉。
亭前波浩渺。百尺懸崖俯飛鳥。三山潮到浪欲平。明月時來
漾珠小。錦袍公子李謫仙。騎鯨一去經千年。作詩往往有三百
篇。上追風雅同流傳。却向此中看月色。翻身跳入龍宮眠。纖
塵不染骨已蛻。空餘荒塚埋雲烟。便呼斗酒酌江水。再起共
乘墳下船。將携兩妓歌扣舷。玉簫吹斷催繁絃。世上黃金不
如土。取酒何須論十千。悠然懷古思莫極。留得青山舊相識。
傍人訝我酒家仙。亦有從前好詩癖。夜闌慷慨曲未終。起舞
拂袖來天風。朝鷄促報東方曙。放手但覺金尊空。君不見摩
娑銅狄徒擗首。今古英雄歸一朽。虛名落在宇宙間。惟有文
章可長久。

滕縣隨獵觀犬噬虎

隨獵入深山。山深多乳虎。虎見人來却負嵎。一向之虓而
怒。群犬聞虎聲。競趨至虎傍。下口亂咋虎。莫當犬視噬。虎如
羊。須臾犬散。虎即死。虎本啗犬。犬乃爾駭。食虎豹。狸伏獅
子。吁嗟猛悍不可恃。失水鱣鯨制蛟螭。昔聞大山麓。有虎相
馳逐。尼父駐遊車。下問婦人哭。嗚呼安得此犬在。當時盡驅
猛虎食其肉。更啗貪殘噬苛酷。

題石田茅屋圖

子家芙蓉東我家芙蓉西。相過只隔二十里。白雲羅逕蒼松
低。我有長林茅屋臨洲渚。子有石田茅屋聽山雨。幽棲自惜
興頗同。我出何因子。仍處屋南春。動流新泉。呼童驅牛耕曉
烟。甕頭酒熟常醉眠。萬事不理心悠然。我憶故鄉山水好。夢
回只在文江道。石田數畝若肯分。與子相期種瑤草。

逐胡寇至靜虜鎮大戰敗之

窮荒倍道逐驕虜。壯士奮兵闕虜虎陣前。殺氣高入雲。夜半
妖星墜如雨。塞上橫行五月餘。萬里蕭條邊月孤。霜華拂劔
弓角勁。直欲斬射諸胡奴。胡兒無知來格鬪。出沒山間若鼯
鼯。猛將材官一敵百。徑斫胡膏斬胡首。紛紛白羽急流星。馬
蹄亂蹀胡血醒。群胡奔哭相交落。漢兵大呼天山傾。檀車棄

野紫駝逸牛羊。散漫豺悲鳴。白日沉光雲似墨。燕支慘澹無
顏色。票姚轉戰不肯休。飛旆窮追勦殘賊。

天子勅將士。予匪黷干戈。所以伐有罪。罪弗及于他。但使匈
奴坦威武。不欲禽獮皆虞羅。拊循降附釋俘縛。頓令寒谷回
春和。沙場自此少征戰。邊將高眠安寓縣。冠軍車騎浪成名。
九重廟筭先餘衍。漢家禦虜無中策。選練年々為防敵。五原
秋高綠草腓。胡騎猖狂恣充斥。漢武出巡空待邊。單于依舊
渡燕然。只今大漠淨如洗。
天子神功高萬年。

燕辭巢

燕々飛。双呢喃。尾脩々。毛絨々。東鄰西舍穿欲徧。乍去忽來看
人面。東家有屋不我容。西家屋破愁雨風。營巢寄栖只如客。

嗟胡為乎於我阨。所求寸隙暫安窠。主人不容將奈何。得
飲爾漿。飢不食爾粟。廣厦庇寒士。烏用苦相逐。西家却有賢
主人。縱我為巢。顏色真啣泥。按餼我勤污。書點案俱不噴。生
鷄長大羽翼成。忽然飛去那無情。燕鷄飛去復飛來。別處祇
畏傍人猜。更借梁間過幾宿。為謝主人深煦育。正恐秋高落
木稀。一朝各自東西飛。主人留我不能住。此意蒼黃誰得知。
但願主人好心事。年、生子來相依。

將進酒

將進酒。酒中有醜君。知否。伐德賊性非良友。一息不戒門生
莠。有錢莫向酒家壚。彈劔擊筑皆酒徒。黃金用盡意氣索。反
日疾視如於菟。苑臺歌舞飲長夜。可憐竟死糟丘下。醉魂茫
茫誰為招。千古誰知獨醒者。君莫羨。我主髮如絲。昔時廣達
今何之。武公睿聖恒箴警。至今抑。陳周詩。

寄方公藝

戴仲才

江南二月春風和。東山田舍無人過。但見門前青山綠樹多。
晨烏夕兔如拋梭。老翁用拙鬢皤。先生設教費琢磨。當今
天子求賢以禮羅。胡不高舉明經科。吟詩鎮日為詩魔。功名
道德兩如何。何當與君抵掌共高歌。呵、長使醉顏酡。莫把
歲月空蹉跎。

吊李翰林

解縉

吾聞學士多風流。豪氣直與元氣侔。金鑾殿上拜天子。氣叱
寵幸如蒼頭。楊貴妃捧硯石。高力士脫靴兜。平生落魄贏得
虛名留。也曾推碎黃鶴樓。也曾擢翻鸚鵡洲。也曾棄却五花
馬。也曾不惜千金裘。呼兒換取采石酒。花間滿泛黃金甌。醉

來問明月。明月全不欸。大呼王侯出東海。騎鯨直向八極游。
我來來石日已暮。潮生牛渚聊艤舟。白浪一江雪濤。黃蘆
兩岸風颭。欲寫佳句吊學士。佳句滿腹不敢搜。恐驚水底
魚龍不得睡。天上星斗散亂難為收。草。留題吊學士。學士
不須笑。吾儕磊落與爾俱同儔。

送錢塘楊教授之邵武

昔在匡山下。杏花手自我。杏花繞天發。先生歸去來。歸來雙
關下。故人滿京華。爭作薦剡非所欲。東望閩海回雲車。銅章
守郡誇文學。夏楚不用施方畧。誠能動物。皆春。人生無如
教官樂。臯比座擁春風暄。服事弟子來如泉。問答唯喏皆聖
賢。教官之樂不可言。為尔再。我篇。

盧氏秋夜賦寄王院

難懷不自釋。中夜固復起。長風吹河聲。瀉入茅屋裏。青天高
高素月橫。露華淒淒落羅衫。輕下。將莫耶欲自見。中夜急作雙
龍鳴。志士遭逢苦不早。志道憂心急於擣。謾說咸陽與洛陽。
昨日鶯花今日老。我有苕江之南。盈頭白雪。絲珠。柴門半
掩。綠樹下落日。凝望情何堪。我有弟。湖之北。雲夢君。山萬里。
隔三月。歸鴻之盡飛。相思一字無由得。金蘭交契王使君。一
日不見心。氤氳邇來為別。忽三載。夢魂踏遍江東雲。平生直
欲事高潔。骨肉交游摠踈絕。慷慨臨風一洒然。泪痕滿袖都
成血。衣袖初乾夜向晨。古來忠義多艱辛。江鄉有路且歸去。
秋風野水堪垂綸。

送友人再入蜀

昔年君去西川時。白頭慈母紉征衣。衣成五采相陸離。出門

意氣生光輝。扁舟沂盡瞿塘天下險。料想一險一度思庭闈。
白頭慈母中夜嘆。嚴父寄書令子歸。歸來復向西川去。相看
又作明年期。人生飄忽百年內。春葉青。秋已稀。慈親掩卷
懷李密。酒酣擊筑思漸離。丈夫孝子俱可憐。明日與君生別
離。君行慷慨當恐懼。父母之年不可以不知。父母許亦行勿疑。
中秋不見月

吾聞廣寒八萬三千脩月戶。暗處生明缺處補。不知七寶何
以脩合成。孤光洞徹乾坤萬古。三秋正中夜當午。佳期不
擬姮娥悞。酒杯狼籍燭無輝。天上人間隔風雨。玉女莫乘鳶
仙人休伐樹。天柱不可登。虹橋在何處。帝閨悠。叫無路。吾
欲斬蝮蛙蝶。冥兔坐令天宇絕。纖塵世上青霄察。如故黃金
為節玉為輅。縹緲寫車爛無數。水晶簾外河漢橫。水晶影裡
笙歌度。銀燭盡。飛玄。青鳥報王母。但期歲。奉宸
游。來看霓裳羽衣舞。

題南溟息上人聽松軒

夏原吉

大雅久不作。鈞天寂無音。繁聲急響徒亂耳。涼風古意誰存
心。南溟道人獨爾得真趣。掃却哇淫拂塵慮。縛茅直向呂山
巔。繞屋森。種松樹。天風時自天際來。松聲畢發直奇哉。清
如寥。老鶴唳碧落。驚如忽。萬馬奔黃埃。又如瑤臺三千
仙子朝帝闕。環珮珊珊。步明月。瓊林十八學士登瀛洲。軒蓋
翻。振金節。南溟此際誰與俱。鈞簾宴坐心于。聲來在松
聽在我。我心還似松聲虛。不抱焦尾木。不弄柯亭竹。惟聽
龍吟。歲寒更奇獨。愧予走俗走未休。耳邊安得辭誼嗽。南溟
南溟為我留半榻。尚期後日重來游。

題慈雲海上人泉石軒

我嘗駕鶴遊蓬山。顛崖絕壁窮躋攀。濯纓靈泉啖玉髓。振褐
瑤石收金丹。別來忽忽歷年歲。泉石膏肓無妙劑。又從淮海
逾錢塘。要看溪山豁宵次。越中忽遇慈上人。號稱雲海超常
倫。構軒數楹傍岩谷。清泉竒石皆天真。君時挹泉洗禪足。活
活泉聲激涼玉。有時掃石移禪床。綫苔痕皺睛綠。銀蟾夜
浴清輝生。上人皎皎禪心清。碧雲曉出白衣澹。上人冉冉禪
身輕。此泉豈與貪泉比。此石尤非釣石疑。冷不入許由瓢。
鑿難為孫楚齒。汲來竹底烹龍團。白花浮光六月寒。琢之
松窓陪兔頰。玄圭弄影三峯擷。廬山一派飛千丈。宵渺誰能
日相向。虎丘一片容千人。蕭索何由坐其上。是知上人居此
軒。清泉竒石常在。前石能書分泉能。海上人情號靈虛。傳我
波潤及天下。均饒益。

志喜詩為南康守林士敏賦

余鼎

鯉魚徙深澤。鳥鵲隨行車。昔人由此聲華著。寸心自與神明
符。吾郡林侯追往軌。千里疲民資怙恃。秉誠烟貫穹蒼襟。襟
抱汪。湛秋水。頃見遺蝗飛四郊。忘眠廢食心煩勞。齊莊籲
天誠有感。一夕飛去南湖臯。里野絕呻吟。黎庶揚歌咏。膏雨
兆豐年。名邦多瑞應。簇壺蜂集郡堂。群飛薨相頡頏。引
類報衙聚芳書。采華入座凝清香。遙見秋風多黍稌。四野穰
穰慶豐豫。豈羨漁陽麥兩岐。尤喜蜀中歌五袴。大郡民風稱
最淳。周朱遺澤今猶存。賢侯汲繼芳躅。坐令民物熙陽春。
蹇予昔日栖丘壑。曾沐仁風倍忻躍。朝退重吟志喜章。歸

之太史書循良

後樂亭為巡撫都御史如蘇韓公題 劉子欽

君不聞范文正公富文學岳陽樓記有高作士當公天下之
為心兮憂民之憂樂其樂高懷直與天壤俱雅量奚論洞庭
闊吁嗟豪傑世罕逢當時况得韓魏公同寅協恭和厥衷宋
室治教聲隆振耀青史垂無窮于今華胄復才傑蜚英進士
兮清明在躬綉衣玉斧光瞳眈巡撫南國過江東豫章大藩
稱古洪三頌 勅書來九重吉郡上流忠節邦甸宣駐節恒
雍容為上為德兮致君堯舜上為下為民兮同樂皇極中老
我低頭拜東野却慚九十徒隆鍾為君浩歌激壯節四座颯颯
來天風君不見繩祖武彰厥功功成書繡定有日記爾後樂
之高堂兮載觀當代雄文巨筆之六一翁

送同年袁添孫還山

余學夔

鳳凰臺上秋風起美人遙憶湘江水湘江水上木葉飛美人
還向金陵歸金陵豪士二十七與君結心膠投漆去年結交
結未深今年誼重輕黃金自謂交深情更悅誰能草遽為
別自悲還自慥送君頻憶君相送且盡今晨樂何用切悲
離群君家住近衡山側山鳥山花夕相識錦衣照耀南斗傍
園林草木生顏色君今去即能來石渠高閣凌雲開沙頭
日候消息為爾頻登江上臺

題效忍堂

周述

君不見淮陰侯屈體寧復羞子房本為韓仇起圮橋曾受黃
石履二公皆為漢家英由來能忍謀乃成後來繼之有公藝
百忍同居長九世當時萬乘曾相過大書一忍辭無他諸孫

復以忍為德。名在鄉閭。聲籍請看。世上不忍人。乃知不忍能滅身。

晚渡高郵湖

高郵湖。湖何長。南船北去。寸心急。夕度正值東風狂。緣堤灘淺去。塗黑舟子持篙困無力。纜夫卻步愁難牽。舵師倉惶皆失色。舉觴醉神。降靈湏臾風止。波浪平。為語當時共遊客。無事莫向江湖行。

白雲思親為盱江姚克已賦

昔聞狄梁公。望雲登太行。徘徊未能去。親舍在其傍。子今親沒。足悲慨。豈似梁公親尚在。親在存養猶可期。親沒豈有歸來時。白雲在天還可覩。親死他鄉不知所。但使雲能解子心。願護長往。質上土。

月上茲

戴審

日初八。月上弦。幾回見。缺幾回圓。浮雲不盡。千山夕。疎雨無多。二片天。獨入白髮。輕離別。月下窮愁。消不得。直將問路。謝娘。幾有情。莫照他鄉客。

過小姑

小姑每登覽。別來三十年。孤舟重過處。獨柱還依然。南風順流灣。不得遙望岩。堯倚空碧日。正金莖。捧露盤。雲深鰲足撐天極。仙女何因。此地來。半岩烟樹出。粧臺竟無雨。意聊成。夢空有。江聲不盡。哀江聲到海亦何小。山色當關青不了。水驛東西路。短長蒲帆。上下人多少。却憶舊題絕頂秋。楊花飛雪滿人頭。小姑莫厭彭郎老。歸棹還將買勝遊。

贈別沈校書

浦源

與君昔相逢。花開酒樓醉春風。平生車馬顛與共。何意事變
分西東。君卧東山裏。我釣西江曲。幾回楓樹夢中。青千里。桂
枝愁處。綠飛燕。翔鴻往來。青書不寄。使人哀。返照斜分。遠
行路。浮雲亂繞。舊登臺。今朝復見蘭陵道。細雨微烟。濕芳草。
別離惆悵十年多。我少朱顏君已老。握君手。與君啗。感君知
己。復知音。我將歸去。重回首。雲海蒼茫。情更深。

朱紀善夢草軒

李禎

夢春草。春草滿池塘。謝子空含淚。王孫幾斷腸。夢春草。春草
池塘滿。麗日友于情。悲風死生感。夢草轉堪哀。繁霜一夕來。
凋零餘片葉。憔悴只枯荻。他人夢草得好句。我夢草悲紫荊。
樹少年。夢草已傷情。老來夢草骨亦驚。幾回枕上睡。初覺殘
月孤鴻不忍聽。

琴清軒

野客本冲素。瑤琴何靜淵。層軒久絕俗。士跡綠綺自。上朱絲
絃。初彈徵調聲。古澹澤國葦。寒鳴旅雁。再彈宮音。如迸泉。冰
盤亂走珠。幾圓斯。頰改調。羽仍角。灑明珠相續。落秋冷。瀟
瀟見。斷雲春和。鸞鳳鳴阿閣。吾聞伯牙昔善琴。後來不復
傳遺音。如何到處聽者少。悠悠山水空高深。銀箏錦瑟人同
喜。流蕩淫淫悅俗耳。衛國誰知擊磬心。齊門孰識吹竽耻。三
尺焦桐只獨怡。希聲大雅世豈知。但令妙解微絃趣。不必黃
金鑄子期。

題夾竹桃花圖

脩竹傲冬雪。崇桃媚春陽。剛柔既殊性。艷冶寧聯芳。畫工未
必知物理。強寫清標半妍美。氣味原來自不同。枝柯詎肯輕

相倚憮然鳳尾靜且幽。下視靡曼皆庸流。貞姿豈作俗花友。
直節終非凡卉儔。回首韶華易枯槁。雨折風飄委泥潦。憔悴
空憐曩日榮。妖燒寧復前時好。此君依舊挺長竿。四季皆宜
夏更寒。萬紫千紅零落盡。青子還與報平安。

昔年謠示七郡父老

昔年我來徵需重。尔有田園何暇種。今年我來民差好。諸般
免却無煩惱。昔年逃夫今不追。昔年逋租今不陪。今年頻赦
昔年罪。昔年流移仍撫綏。白頭父老來汝告。朝廷厚恩要補
報。便應差徭莫欠粮。休賭錢鈔勿為盜。勿為盜。休賭錢。男子
務稼墻。女子治絲綿。俗皆淳美人晏然。我亦思如名伯賢。

長淮水

周叙

長淮水。日東生。流盡年光祇如故。亘古窮今不可淮。淮見行
舟往來。處長淮水流。滔。映空浴日排銀濤。鷗鷺翻飛。峴
曳魚龍鼓舞。風怒號。濠壽西來如折斗。汴泗交流清會口。落
滾寧辭東海遙。萬里朝宗共趨走。長淮水。涵華滋。昔年淮石
見龍飛。天河挽洗甲兵淨。息澤汪洋洽九圍。長淮水。今澄清。
聖人繼統川岳寧。龍驤萬斛日充貢。永奠皇圖歌太平。

賦得清尊送楊長史先生南歸

前有尊酒聽我浩歌。人生功成身既退。對酒不飲當如何。疏
傳還家頭未白。散盡黃金宴賓客。陶公晚賦歸去辭。醉倚東
籬翫秋色。先生早歲守名州。曳居更向王門遊。曾分光祿黃
封釀。屢泛宮筵白玉甌。只今脫却朝簪去。歸隱雲林最深處。
時同北海倒芳尊。日對南山得佳句。衡門三迳鎮長開。載酒
後人問字來。興酣高臥北牕下。清風明月共徘徊。

函谷關

劉士皆

函谷關阻且隘。紆迴百折如縈帶。不知天設此險果何為。無乃欲與秦魏兩地正疆界。北據黃河。東上流。西與陝右為咽喉。一夫當關。持寸挺。萬騎側足。心煩憂。自從青牛老人經過後。來往紛々。知誰某。虎逝龍亡。百戰餘。狗盜鷄鳴。幾人走。年少終軍。曾無繻。好事次公。親見圖。楊僕枉為左遷計。王元空上東封書。人間俯仰成今古。石火遺光。安足數。豪俠奸雄。都已亡。空餘白骨委黃土。悠々往事誠可悲。地下英靈知不知。想因嶠陵風雨夕。亦有痛哭秋々時。當今太平久無事。關門不守亦不閉。惟應日上望仙臺。駐目雲間瞻紫氣。

題東山白雲圖

時季昭

親顏不可見。親墓東山麓。思親望松楸。白雲在雙目。千里之

官東海濱。不見東山惟見雲。回首鄉關隔吳越。日々見雲如見親。雲兮望或迷。我思邈難忘寸心。逐雲飛々。遶親墓傍。我侯孝思終不已。何人寫入圖畫裏。丹青能慰孝子情。彷彿佳城猶在邇。嗟哉西隣有子宦游久。三釜既豐。重娶婦。瓊杯綺食。宴新婚。救水何曾記慈母。

登崇文閣

陳璉

巍乎高哉崇文之閣兮。吾不知其幾百尺。突兀直倚蒼冥中。雕簷高飛近曉日。瓊窗洞啓來清風。前瞻兮帝闕。下顧兮辟雍。京畿鬱鬱兮千車。五雲近兮九重。太行西來兮迤邐。居庸北拱兮龍嵯峯。巖遠近共環峙。削出朶々金芙蓉。是中奇勝甲天下。何況此地各儒宗。圖書浩翰分莫數。文光夜吐猶晴虹。漢家天祿之不可復見兮。幸喜斯閣之高。崇值校文之多暇。

日徙倚而後容。憂扶輿磅礴之音秀兮。呼吸盡使歸心育。闡
千咲拍飛鳥上。豪氣不減陳元龍。俯視十二衢。車馬塵濛濛。
欲招李謫仙。更拉東坡翁。長此共嘯傲。不使心忡忡。蒲萄酒
傾瑪瑙甕。日醉三百玻璃鍾。人間亦自有勝境。何必遠度扶
乘東。願裁上。靈樂。進入蓬萊宮。上將萬壽祝
天子。文風聖化。永與天地長無窮。

題山水圖

唐豫

蚤歲恣狂遊。坦胸於徧吳楚。松江泛海幾千里。歷三山川壯今
古。匡廬之山。高倚天。旭日瞳矐浮紫烟。香爐五老色相射。倒
浸彭蠡滄鷗之川。翠瞻衡岳雲撐空。見天柱。玄都紫府赤帝宮。
勢壓三湘隔風雨。巫山亭三十二峯。雲間削出青芙蓉。朝雲
暮雨蕩無跡。幽岫奇直上。襄王宮。劇飲對山月。沉酣卧陽臺。天
風撼不蘇。吹夢遊天台。天台名溪三十六。夾岸緋桃爛紅玉。
劉晨阮肇去不還。彷彿仙姝候溪曲。夜半天鷄鳴。錯莫心魂
驚。覺來思飄飄。放棹還金陵。金陵帝城龍虎國。錦繡山河壯
宮闕。歌樓十二飄香風。豪客三千醉明月。繁華清勝俱無雙。
幾年馳騁辭家邦。歸來高臥讀書屋。跌宕意氣何由降。登堂
忽爾見毫素。林壑樓臺香烟霧。花氣晴連島嶼雲。峴光書撲
漁樵路。翻思昔遊日。此景何處有。望中清適者誰子。嗟我幽
期竟虛負。明當與君持此圖。排風萬里凌清都。按圖玩索得
真景。行樂豈憚流光徂。手招赤松子。復拉麻姑仙。煉丹山頂
謝塵世。悠悠嘯傲三千年。

題張存獻寫雲軒

熊子維

張生好畫妙入神。紙上寫出空中雲。黑氣淋漓春雨潤。筆力

老健秋霜清有時。放之彌六合。千變萬化無定形。有時卷之了無跡。但見風清月白銀河澄。

親王嘉爾一題品。頓使雲軒四壁增光榮。生不見羲皇大古墨。一畫洞徹造化精。又不見仲尼春秋筆。一字王法昭日星。嗚呼羲古聖跡不可得。謾來張生紙上題丹青。

輓方母

李廷儀

日西邁水東馳。盛年不重來。惆悵心孔悲。漫漫夜臺路。往者不可追。美人塵土庸。奚為塚前荒草空。離離烏得如花開。滿枝一年一度無改移。花開花落年一期。人生一去無還時。

具慶堂為指揮孫繼宗賦

曾鶴齡

從來二親偕老不易致。况復安榮俱顯貴。兩美兼全誰獨然。會昌有名昭盛世。賢哉會昌為國始。新構高堂向堂。

椿萱秀且茂。自是涵濡雨露均。翠色隱臺榭。香風習習飄蘭麝。高捲簾櫳敞繡楹。扶桑曉日光相射。會昌既壽夫人賢。相對儼若蓬壺仙。玉輦獸錦映珠翟。繡閣銅鑪裊瑞烟。有時天上賜麟脯。開筵正在花深處。春酒先後席上斟。鳳雛還向堦前舞。舞袖蹁躑晝日長。清歌一曲按官商。聯肩接武皆昆季。肅肅雍雍如鴈行。親榮子孝蒙恩遇。一門光耀皆簪組。魯侯燕喜應可追。大雅詩人更宜賦。願言世世永相承。秉志長懷忠與誠。

國家致治昭太平。咸垣終古揚休聲。

賦得函谷關送人入秦

王恭

峒峒函谷關。北壯秦山路。關門今古幾人行。荆棘荒涼唯古樹。君不見。伯陽迢遞西入邊。騎得青牛去不還。田文愛才客。

端坐鷄鳴犬吠今茫然秋風黃葉重關下金瑣平明出車馬
男兒獨數棄繻人隱士曾聞抱關者君去西遊幾日歸五侯
七貴相追隨歸時為問關門吏莫咲行人終布衣

書閩憲副淮安陸公駱馬朝天卷

驄馬新鑿蹄。翩。錦障泥。朝鳴栢臺下。莫走金陵西。金陵西
上連雙闕。白門秋風桂香發。手中玉斧繡為衣。馬上霜威面
如鐵。故園淮水望猶賒。心憶王程不顧家。閩闔九重歸使節。
爐烟咫尺誦皇華。朝回月隱南宮樹。夢裡猶清七閩雨。一道
風霜露冕時。幾年江海星軺曙。

聖主息深念。遠臣窮荒今日賴咨詢。功成畢竟登台輔。應繼
貞元第一人。

榮養堂為姑蘇韓御史題

羅子澹

明公瑚璉器。雅有經濟才。乘時際風雲。飛步登蓬萊。蓬萊仙
人笑相接。傾情倒意無嫌猜。浩歌一曲散古調。天風吹落黃
金臺。鵠來持節江之右。齊民服化膚功奏。冰壺貯玉懸清秋。
獸錦裁衣炫晴晝。書英聲。凌節能自持。不愧開元相。門曹堂中
美人雙壽康。有子克養。懽心長庭闈。燕熙百順足。芝蘭玉樹
爭芳芬。九重推恩頌寵章。倬尔雲漢。昭回光。乃知積善天
降祥。慶澤濼。流汪洋。我来作歌。榮養堂。為著盛美。非揄揚。
願君忠孝兩不忘。名垂竹帛。應無疆。

閩山白雲圖

鄭圭

悠々出岫雲。落落遠遊子。一旦從龍翊武功。只今繚繞明
光裏。有時迢迢度家林。千里閩關結暮陰。殘燈夜雨高堂夢。
落日孤鴻遊子心。鵠來寫入新畝裏。幾片悠揚望中起。練彩

晴連玉女峯。瑤光冷映鐔。津水獨不聞。太行孤望天。下稀君
今孝感同一時。功成早織五雲錦。歸作堂下斑斕衣。

賦得大通烟雨送王仲油回海南

魏昌

梵王高闕滄江曲。雲氣遙連黛娥綠。金鳥不見海上來。一片
空濛遍林麓。楓橋竹浦啼山鷄。淡烟疎雨膏春泥。傳宗佛子過
江去。將門遊客天南歸。天南歸幾千里。十載辭家謁
天子。拂衣歸臥瓊山雲。何當更為蒼生起。

送增城蔣大尹之京

唐壁

灌陽有任士。文采丹鳳毛。心如冰壺潔。氣接秋旻高。蚤年射
策金鑿殿。墨花粲爛神光絢。名姓榮登進士階。一官拜命來
花縣。花縣爭誇德政淳。疲癯筮獨皆沾息。千門弦誦勝如昨。
百里桑麻長似春。嗟予邂逅瞻光霽。道合神交兩忘勢。公餘
載酒或相過。掃榻焚香論經濟。別來不見今兩年。江山望斷
空雲烟。雪中未放剡溪棹。瓜期又上朝天船。江城八月西風
緊。胡鴈南飛碧天冷。兩岸蘆花鋪白霜。千樹芙蓉爛紅錦。此
時相見情更多。離筵暫敞臨滄波。低翻舞袖懽不足。擊碎玉
壺狂更歌。望中咫尺青雲路。醉掃蠻牋贈君去。後夜相思空
月明。人在蓬萊最深處。

襄陽形勝圖送別黃宗良 李仲訓

襄陽古名郡。形勝何奇哉。峴山三疊入雲去。漢水一道從天來。
東連孟澤烟樹杳。北抵樊鄧人家遶。西向金商畏客途。南帶
荆湖倦飛鳥。城中樓閣倚晴空。城下舟航映彩虹。仙渚月明
雙佩解。大堤春早萬花濃。臥龍躍馬成陳迹。山色蒼蒼水痕
碧。復有羊公片石存。古人墮淚今人惜。我寓襄陽五度霜。交

游意氣數吳黃吳公光動延津劍黃伯名飄桂府香秋來並
馬云有滴問焉乃是遊京國別酒如澠盡日傾別情如水何
時息吳公醉作襄陽圖妙筆由來天下無故人卷贈黃伯去
我歌擊碎青珊瑚冠蓋里前霜樹赤銅銀坊下秋蟾白肅
落葉打行裝皎流輝照行色雲氣蓬萊五色漫茲行定列
玉筍斑承息早獲居清要煩念襄陽一冷官

五馬圖

張徹

畫柱高之半空起綵繩橫置東風裏晴天繫馬百花前玉雪
竒毛間青紫五雲簇錦花滿身双瞳交鏡竹批耳三馬同槽
飽芻粟一馬獨立志千里一馬如龍不受羈八尺身藏溼注
水雄姿異態總非凡滿地駑駘安足擬碧眼黃鬚各有執監
牧無言心自喜良工畫此奪天機隱君愛之入骨髓何當昔

我一匹如飛龍驛向明光宮前拜

天子

分題采石潮聲送吳僉憲之江西

采石拱淮甸潮聲何壯哉怒濤湧出銀山堆白日吼地鳴千
雷初疑馮夷擊鼓群龍躍又若長鯨跋浪滄溟開心搖目駭
久始定使君正騎驄馬來市中美酒初潑醅會須一飲三百
杯西江此去振風紀來歲遲君天上回

瞻雲軒

薛君示我瞻雲卷邀我為作瞻雲歌雲堪怡悅不堪贈瞻雲
之說將如何為言親舍雲之下雲山千里迷閨河雙親久棄
雲外事乘雲相繼歸山阿伴雲松兮臥雲壑友雲鹿兮依雲
蘿雲陰為屋不知曉雲月夜來相過翻雲覆雨歲易改見

雲幾度雙滂沱。爾來幸際青雲客。白雲飛處傷心多。被雲錦
兮不及綵衣樂。釀雲液兮莫奉朱顏酌。欲挂雲帆歸未得。悵
望雲海成蹉跎。吾觀薛君瞻雲心。若此况有雲霄志。氣高差
峩。相期雲路高接武。長隨慶雲捧日升。變坡。

長慶堂為指揮孫繼宗賦

陳詢

時雨晴。芳塵清。淑景明。麗和風輕。華堂輪奐依鳳城。休祥嘉
慶何充盈。嚴親柱國實元老。慈母閨中同壽考。德邵年高爵
倍崇。顏紅髮綠方瞳皎。緋衣寶帶金貂蟬。珠程翠雲霞帔鮮。
南極星聯奎壁耀。蟠桃花映椿萱妍。五子怡怡膺寵祿。諸孫
蟄蟄森林蘭玉。肴羞香溢綺羅筵。金翠光搖老萊服。銀盃獻春
酒。承顏介眉壽。繞座歌聲度曉風。入簾花影烘晴書。誓將忠孝
答君親。敢倚息榮矜貴胄。只今四海際時雍。世德相承孰與
同。天道昭然惟佑善。休祥嘉慶垂無窮。

送大叅黃公入覲

王載

大明麗中天。治化齊虞唐。

聖皇御宸極。闔闔開明光。萬邦入覲皆臣子。接武聯鑣耀青
紫。大鵬高奮九霄風。神駿光騰渥洼水。南藩方伯戒嚴程。仙
舟一葉雲帆輕。芙蓉秋水壯行色。飄飄不異登蓬瀛。我公才
名著當代。風虎雲龍際嘉會。萬歲聲中拜冕旒。九重天上承
恩賚。賜金增秩期早還。春風好度梅花關。嶺南民庶正翹首。
仰瞻德望如丘山。嗟余童稚生幸拜龍門。識臨風望行塵。因
之寫膏臆。嚴親一官千里餘。茲同述職登雲衢。朝回花底藉
清顧。為道平安家有書。

閩山白雲圖

陳敬宗

英、閩山雲下有白髮親，在高堂雲在山望雲不得瞻親。
顏雲兮悠、竟朝夕。朝夕恒存親舍側。嗟余衣錦遊
帝鄉。久違戲采娛親傍。山川迢遙日月速。碧落茫茫空斷目。
天風安得吹雲來。乘之直度雲山隈。為烹黃雀膾雙鯉。日日
升堂稱壽杯。

題張秋蟾畫龍

袁忠徹

張公畫龍人不識。筆法遠自僧繇得。挂向高堂神鬼驚。恍惚
電光飛霹靂。想當渤海開筆力。元氣霖霖浸無極。吐吞霧雨
川澤昏。摩蕩雲雷太陰黑。江翻石轉窈莫測。雪濤卷空銅柱
仄。洞庭扶桑非爾誰。顛倒滄溟為窟宅。乃知茲圖只數尺。坐
令萬里起古色。何當置我君山湖上之高峯。聽此老翁吹
鐵笛。

壽萱

張楷

娛親種萱草。親安花亦好。年、六月時獻壽折花枝。花枝長在
親長喜。只恐秋風容易起。百拜天翁鑒我心。願花顏色長
如此。

送魏升卿擢弟歸東都因懷魏校書陸渾喬潭

塞外百草盡。長安又西風。羨君方得意。策馬灞陵東。如君少
年能有幾。世上紛紛徒謂耳。君不見大鵬扶搖九萬里。不是
天才詎能此。君才眼底誠見稀。詞如波瀾筆如飛。蚊人夜泣
珠幾淚。織女晴縫雲錦衣。山東故人離別久。問言有詩相憶
否。喬生作尉人不如。魏侯校書古今書。到時與君遂清賞。南
山北山日來往。幾處閑花醉裏看。一春芳草吟邊長。東門鶯
啼酒滿瓶。寒裳縮袖與君傾。深杯淺杯不一醉。千里萬里空

傳聲。

送郭義雜言

胡鴈動寒色。天涯猶未歸。挑燈聞候虫。倉卒卷征衣。清旦別我去。共飲江上樓。問汝功名事。無語只低頭。功名如梟盧。得采在一擲。休談管輅書。莫信京房易。才經函谷口。又過哲言師。津梁園芳草。青滿地。鄴城落花愁。殺人爾行念。關西我夢在。河朔明日相思望。暮雲恒華亭。兩喬岳。槭情尺素幾時來。三月龍門錦鯉回。烹魚倘得平安字。千里愁懷為爾開。

漁父

放棹溪山裏。偏得溪山清。只自取怡悅。不曾圖利名。山僧或共語。沙鳥時同宿。沽酒對月明。高歌擊黃竹。山頭日出山雨餘。七尺釣竿無定居。夜深一覺蘆花被。盡逐悠悠江上魚。

送郝判官

初日照樹明。客路邊河轉。征馬方脫的。行人欲乘傳。山臨夏口城。水遶湓江縣。去去不逢人。孤帆雨中見。襄東此別路。遠迤眼。看明月盈還虧。聞道峴山無恙在。也須一醉習家池。

望龍山懷道士許公校

雲飛處見龍山。山中人去不還。欲招白雲擬同往。丹崖翠壁不可攀。懷仙踪未能踐。念住期。歲年晚。霓旌羽蓋天上頭。塵世空懸千里眼。山中之人雲衣裳。口飡石髓和瓊漿。琪花瑤草遶簷香。門栽松竹苑成行。星冠霞珮列滿堂。盡執玉簡坐雕屏。青城白鶴傳書少。瀛海滄洲去路長。龍山朝。空疑望。各東西。

天涯別我東君復西行。各自念前路。惟有飛塵逐馬蹄。今

宵兩下宿何處。不識我安并汝苦。去日漸遠路漸長。幾夜夢中或相語。飛雲上山泥入地。一人一身原自異。風吹雲影落泥中。到底相親不相棄。

養菴為松江李長史賦

支立

嘉興人翰林孔目

杏壇蕪木鐸。歌泰山壞兮梁木折。帝命真儒紹正宗。足躡天衢補天裂。先生精修慕前哲。七篇綱維盡提挈。氣吐長虹塞兩間。一片靈臺光皎潔。群魚下躍。鳶上飛。波靜風恬自怡悅。不騎揚州雀。不鍊丹爐雪。仰看乾坤窄於甕。俯視金鰲小於鼈。猗頓富何足云。韓彭功恥同列。滿腔都是春疑結。先生先生果豪傑。造道有誰如此徹。他時我亦到庵來。避席摠衣領心訣。

山水圖為陳侍御叔剛賦

萬節

藤陰重。秋滿樹。展首彷彿滄洲。嵐烟暝鎖石林幽。落日蒼茫不知處。望裏人家路轉迷。柴門半掩茅亭低。恍如杜陵老屋。浣花溪。雲深難辨。溪東西。山光水色相摩盪。孤村單徑蕭々巷。又如王維積雨輞川上。沙寒未覺溪流漲。求之既無實取之。又無名。若非偶然作。迺是天機精。半壁渾疑空翠落。滿堂剩有清風生。竇家桂。阮家竹。不直生。綃綺半幅。何須陶令歸去來。坐上分明舊江曲。

待月樓為陳太守本深題

待月。未出待月。何遲。君家高樓高百尺。停杯借問來幾時。須臾洞開廣寒殿。萬里山河眼中見。寶鏡團圓。自可方。玉盤皎々。誰能辨。綠衣曾坐桂花前。攀折高枝不記年。昨宵海底看猶缺。今夕天邊覺漸圓。清時寓直秋官署。幾向天街月

中步月光不減人漸更人老終衰月如故黃堂見月想樓中
他鄉月與吾鄉同徒聞仙樂年一搗顛與嫦娥夜逢請君
有酒須醉客磊落心懷世難得他年秋滿
歸時帶還向明月行明月。

斷藤峽 韓雍字叔熙姑蘇人 都御史

入言斷藤峽以天下少我視斷藤峽培塿一拳小蜂屯蟻
聚千萬家跣足蓬頭盡搖獠數十年來肆猖獗三廣生民若
騷擾五征不克勢益張處孤城未能保

聖皇當天赫然怒選將提兵表天討內外羣公總豪傑自
萬精兵雄矯共言困守非良圖必欲長驅且深搗雷霆碎
旬鬼神怒幾日羣山盡傾倒百鍊鋼刀破新竹萬里長風振
佑高岩居穴處皆蕩焚瘴霧盡回都凡掃積屍如山血如川

詩夷只許留襁褓免甯狐奔網羅密我軍追戮如芟草六藤
根株悉已斷五嶺封疆真再造振旅班師歸柳營黃童白叟
迎遮道自言固望來蘇以不圖便見成功早從今水陸是通
衢來去行人免迂遠有田可耕山可樵共享承平永安好
聖皇睿筭天助順羣公整頓南荒了豐功偉蹟萬古傳附驥
成名愧臺老

文翰類選大成卷之三十七五言律詩目錄

唐

太宗 四首 玄宗 二首 虞伯施 一首 杜必簡 九首

魏知古 一首 沈雲卿 七首 宋延清 十五首 張道濟 二首

李巨山 二首 楊炯 七首 子安 九首 盧杲 十首

駱賓王 十二首 陳伯玉 八首 孫逖 二首 祖詠 八首

王摩詰 三十首 劉文房 二十五首 高達夫 五首 崔顥 六首

李頎 二首 儲光羲 六首 儲嗣宗 一首 王灣 二首

岑參 四十首 李晟 一首 陶防 一首 賈勳 二首

徐鼎 一首 蘇廷碩 一首 張子壽 九首 皇甫茂 九首

皇甫孝常 八首 嚴正文 七首 李長 一首 姚鵠 二首

錢仲文 十首 包幼正 四首 盧九首 崔曙 二首

孟浩然三首王少伯四首李太白

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

李太白一首

文翰類選大成卷之三十七言古詩目錄

何夢桂一首 劉會孟一首 謝敬德一首 戴祖禹一首

趙簾友一首 盧公載一首 徐天逸一首 張光弼一首

尹仲明一首

文翰類選大成卷之三十七

左長史上海李伯璵編輯

伴讀慈谿馮厚校正

詩類 五言律

唐 秋日二首 太宗

爽氣澄蘭沼秋風動桂林露凝千片玉菊散一叢金日岫萬
低影雲空點綴陰蓬瀛不可望泉石且娛心

菊散金風起荷疎玉露圓將秋數行鴈離夏幾林蟬雲凝愁
半嶺霞碎纈高天還似成都望直見峨眉前

秋日翠微宮

秋光凝翠嶺涼吹蕭離宮荷疎二蓋缺樹冷半惟空側陣移

鴻影圓花
守歲

暮景斜芳殿年華麗綺宮寒辭去冬雪暖帶入春風階馥舒
梅素盤花卷燭紅共歡新故歲迎送一宵中

月晦

晦魄移中律凝暄起麗城早雲朝蓋上穿露曉珠呈笑樹花
分色啼枝鳥合聲披襟披襟望極目暢春晴

送賀知章

豈不惜賢達其如高尚心道榮期入道辭老競抽簪寰中得
秘要方外散幽

經鄒魯

夫子何為者栖居一代中地猶鄒魯邑宅即魯宮

身否傷麟怨道窮今看兩楹奠當與夏時同

發營逢雨應詔

虞伯施

豫遊欣盛地皇澤乃先天油雲陰御道膏雨潤公田隴麥沾
逾翠山花濕更燃稼穡良所重方復悅豐年

早春遊望

杜必簡

獨有宦遊人偏驚物候新雲霞出海曙梅柳度江春淑氣催
黃鳥晴光轉綠蘋忽聞歌古調歸思欲沾巾

和韋承慶過義陽公主山池

逕轉孤峰逼橋危缺岸妨玉泉移酒味石髓換粳香綰霧青
絲弱牽風紫蔓長猶言宴樂少別向後池塘

秋夜宴臨津鄭明府宅

行止皆無地招尋獨有君酒中堪累月身外即浮雲霜白宵

鍾徹風清曉漏聞坐攜餘興往還似未離群

送崔融

君王行出將書記遠從征祖帳連河關軍麾動洛城旌旃朝朔氣笳吹夜邊聲坐覺烟塵掃秋風古北平

登襄陽城

旅客三秋至層城一望開楚山橫地出漢水接天迴冠蓋非新里章華即舊臺習池風景異歸路滿塵埃

夏日過鄭七山齋

共有尊中酒言尋谷口來薜蘿山迳入荷芰水亭開日氣含殘雨雲陰送晚雷洛陽鐘鼓至車馬繫遲回

旅寓安南

交趾殊風候寒遲暖復催仲冬山果熟正月野花開積雨生昏霧輕霜下震雷故鄉踰萬里客思倍後來

蓬萊玉殿侍宴奉勅終南山

北斗掛城邊南山倚殿前雲標金闕迥樹杪玉堂懸半嶺通佳氣中峰繞瑞煙小臣能獻壽長此載堯夫

和康五望月有懷

明月高秋迥愁人獨夜看暫將弓並曲翻與扇俱團霧濯清輝苦風飄素影寒羅衣一此鑒頓使別離難

春夜寓直鳳閣懷群公魏知古

拜門傳漏晚寓省索居時昔重安仁賦今稱伯玉詩鴛池滿不溢雞樹久逾滋夙夜懷山甫清風詠所思

遊少林寺

沈雲卿

長歌游寶地徙倚對珠林鴈塔風霜古龍池歲月深紺園澄

夕霽碧殿下秋陰歸路烟霞晚山蟬處吟

早發平昌島

解纜春風後鳴榔曉漲前陽鳥出海樹雲雁下江烟積氣衝
長島浮光溢大川不能懷魏關心賞獨冷然

夜宿七盤嶺

獨游千里外高臥七盤西山月臨窓近天河入戶低芳春平
仲綠清夜子規啼浮客空留聽壞城聞曙鷄

被試出塞

十年通大漠萬里出長平寒日生戈劔陰雲拂旆旆飢鳥啼
舊壘疲馬戀空城辛苦臯蘭北胡塵損漢兵

長門怨

月皎風冷長門次掖庭玉階聞墜葉羅幌見飛螢清露疑
珠綴流塵下翠屏妾心君未察愁嘆處繁星

銅雀臺

昔年分鼎地今日望陵臺一旦雄圖盡千秋遺令開綺羅君
不見歌舞妾空來息共漳河水東流無重回

三月三日梨園亭侍宴

九門馳道出三巳禊堂開畫鷁中川動青龍上苑來野花飄
御座河柳拂天杯日晚迎祥處笙鏞下帝臺

江亭晚望

宋延清

浩渺浸雲根煙嵐出遠村鳥歸沙有跡帆過浪無痕望水知
柔性看山欲斷魂縱情猶未已廻馬欲黃昏

奉和聖制春日剪綵花勝應制

金閣裝仙杏瓊筵弄綺梅人間都未識天上忽先開蝶繞香

絲住蜂憐粉葩回今年春色早應為剪刀催

春日宴宋主簿山亭

公子正邀歡林亭春未闌攀岩踐苔易迷路出花難
牕覆垂揚暖階侵瀑水寒帝城歸路直留與接鴛鸞

荅李司戶

遠方來下客輜軒攝使臣弄琴宜在夜傾酒貴逢春
駟馬留孤館雙魚贈故人明朝散雲雨遙仰德為鄰

陸渾山莊

歸來物外情負杖閱岩耕源水看花入幽林採藥行
野人相問姓山鳥自呼名去去獨吾樂無能愧此生

扈從登封途作二首

複道開行殿鉤陳列禁兵和風吹鼓角佳氣動旌旗
後騎廻

天苑前山入御營萬方俱下拜相與樂昇平

帳殿鬱崔嵬仙遊實壯哉曉雲連幙捲夜火雜星回
谷暗千旗出山鳴萬乘來扈遊良可武終乏揆天才

松山頓

翼之
高旌轉鏘之鳳輦飛塵消清蹕路雲濕從臣衣
白羽搖丹壑天營通翠微芳聲耀千古四海做宸威

駕出長安

聖德超千古皇風扇九圍天廻萬象出駕動六龍飛
淑氣來黃道祥雲覆紫微太平多扈從文物有光輝

縵山廟

王子賓仙去飄飄笙鶴飛徒聞滄海變不見白雲歸
天路何其遠人間此會稀空歌日云暮霜月漸微微

其夜入奉和梁王宴罷龍泓應教

水府論幽壑星輅下紫微鳥驚司僕馭花落侍臣衣芳樹搖
春晚晴雲繞座飛淮王正留客不醉莫言歸

黃立谷夏日仙萼亭應制

高嶺逼星河乘輿此日過野合時雨潤山雜夏雲多
層藻光塔穴宸襟洽薜蘿悠然小天下歸路滿笙歌

旅宿淮陽某口號

日暮風亭上悠々旅思多故鄉臨桂水今夜渺星河
暗草霜華發空庭雁影過興來誰與語勞者自為歌

途中寒食

馬上逢寒食途中屬暮春可憐江浦望不見洛陽人
北極懷明主南溟作逐臣故園腸斷處日落柳條新

送朔方何侍郎

聞道雲中使乘驄往復還河兵守陽日塞虜失陰山
拜職嘗隨驃銘功不讓班旋聞受降日歌舞入蕭關

岳州宴別潭州王熊

張道濟

縉雲通省國溝水遠西東然諾心猶在容華歲不同
孤城臨楚塞遠樹入秦宮誰念三千里江潭一老翁

深度驛

旅泊青山夜荒庭白露秋洞房懸月影高枕聽河流
挾響空岩樹螢飛古驛樓他鄉對搖落併覺起離憂

幸白鹿應制

于巨山

駐蹕三天路迴輿萬仞谿真庭群帝嚮洞壚出仙方
暗壁題因隨青鳥更陟紫雲梯

長寧公主東庄侍宴

別業臨青甸鳴鸞降紫霄長筵鵝鷺集仙

鳳凰調樹接南

山近烟舍北渚遥承恩咸已醉戀賞未還

燕

送鄭州周司功

揚烟

漢國臨清渭京城枕蜀河居人下珠淚賓

御促驅歌望極關

山遠秋深烟霧多唯餘三五夕明月暫經

道

劉生

卿家本六郡年長入三秦白壁酬知己黃

金謝主人劍鋒生

赤電馬足起紅塵日莫歌鍾發喧々動四

鄰

紫騮馬

俠客重周游金鞭控紫騮蛇弓白羽箭鶴

纒赤茸鞞發跡來

南海長鳴向北州匈奴今未滅畫地取封

侯

駮馬

駮馬鐵連錢長安俠少年帝畿平若水官路直如弦夜玉

車軸秋金鑄馬鞭風霜但自保窮達任皇天

送臨津房少府

岐路三秋別江津萬里長烟霞駐征蓋絃奏促飛觴階樹含

斜日池風泛早涼贈言未終竟流涕忽霑裳

送豐城王少府

愁結亂如麻長天照落霞離亭隱喬樹溝水浸平沙左尉才

何屈東關望漸餘行看轉牛斗持此報張華

送湯處士反初卜居曲江

鴈門歸去遠垂老脫袈裟蕭寺休為客曹溪便寄家綠琪千

歲樹黃樅四時花別怨應無限門前桂水斜

麻平晚行

王子安

百年懷土望千里倦游情高低尋戍道遠近聽泉聲
澗葉纒分色山花不辯名羈心何處盡風急暮猿清

聖泉宴

披襟乘石磴列藉俯春泉蘭氣熏山酌松聲韻野絃
影飄垂葉外香度落花前興洽林塘晚重巖起夕烟

觀內懷仙

玉架殘書隱金壇舊迹迷牽花尋紫澗步葉下清谿
瓊漿猶類乳石髓尚如泥自能成羽翼何必仰雲梯

贈道士

霧濃金竈靜雲暗玉壇空野花常捧露山葉自吟風
林泉明月在詩酒故人同待余逢石髓從尔命飛鴻

八仙選

柰園欣八正松巖訪九仙援蘿窺霧術攀桂俯雲烟
代北鸞驂至遼西鶴騎旋終希脫塵網連翼下芝田

山居晚眺贈王道士

金壇踈俗宇玉洞似仙群花枝栖晚露峰葉度晴雲
斜照移山影迴沙擁籀文琴尊方待興竹樹已迎曛

別薛華

送人多窮路違人獨問津悲涼千里道悽斷百年身
心事同漂泊生涯共苦辛無論去與住俱是夢中人

重別薛升華

明月沉珠浦秋風濯錦川樓臺臨絕岸洲渚巨長天
旅泊成千里棲遑共百年窮途惟有淚還望獨潛然

尋道觀

枝屨光分野蓬關盛規模碧壇清桂闕丹洞肅松樞玉笈三
山記金箱五嶽圖蒼虬不可得空望白雲衢

游梵宇二學寺

杏閣披青磴瑯臺控紫岑葉齊山路狹花積野壇深蘿幌栖
禪影松門聽梵音遽忻陪妙躡延賞滌煩襟

散關晨度

關山凌旦開石路無塵埃白馬高譚去青牛真氣來重門臨
巨壑連棟起崇隈即今揚策度非是奔縑回

送盧主簿

窮途非所恨虛室自相依城關盈年滿琴尊俗事稀開襟方
未已分袂忽多違東巖富松竹歲暮幸同歸

餞韋兵曹

征驂臨野吹別袂慘江垂川霽翠泊嶽山明落照移鷹風凋
晚葉蟬露泣秋枝亭臯分遠望延想間雲涯

白下驛餞唐少府

下驛窮交日昌亭旅食年相知何用早懷抱即依然浦樓低
晚照鄉路隔風烟去如何道長安在日邊

杜少府之任蜀州

城闕輔三秦風烟望五津與君離別意同是宦游人海内存
知己天涯若比鄰無為在岐路見女共霑巾

春日還郊

閒情兼蕪嘒携杖赴巖泉草綠繁新帶愉青綴古錢魚林侵
岸水鳥路入山烟還題平子賦樹滿春田

仲春郊外

東園垂柳徑西堰落花津物色三月風光絕四隣鳥飛村
覺曙魚戲水知春初晴山院裏一處深罨畫

郊興

空園歌獨酌春日賦閑居澤蘭侵小徑河柳覆長渠雨去花
光濕風掃葉影疎山人不惜醉吐仁畏深尊虛

郊園即事

春早賞松竹故年心斷山疑畫障縣溜瀉鳴琴草徧南
亭合花開北院深閒居饒酒賦地興欲抽簪

對酒

投簪下山閣攜酒對河梁狹水方年長鏡高花送斷香繫繫歌
似曲踈蝶舞成行自然催一醉不但閱年光

秋日別王長史

別路千餘里深恩重百年正悲西候日更動北梁篇野色籠
寒霧山光斂暮烟終知難再會懷德自潛然

折楊柳

盧杲之

倡樓啓曙扉楊柳正依之鸞啼知歲隔條變識春歸露葉凝
愁黛風光落舞衣攀折將安寄軍中音信稀

芳樹

芳樹本多奇年華復在斯結翠成新幄開紅滿故枝風歸花
歷亂日度影參差容色朝落思君之不知

昭君怨

合殿息中絕交河使漸稀肝腸隨玉輦形影向金微漢官草
應綠胡廷沙正飛顛逐三秋鴈年之一度歸

劉生

劉生氣不平，抱劍欲專征。報息為豪俠，死難在橫行。翠羽裝劍鞘，黃金鏤馬纓。但令一顧重不怪，一身輕。

關山月

塞垣通碣石，虜陣抵祁連。相思在馬，望明月不長懸。影移金岫北，光斷玉門前。寄言閨中婦，愁看鴻雁天。

春晚山莊率題二首

田家無四鄰，獨坐一園春。鶯啼非選樹，魚戲不驚綸。山水彈琴盡，風花酌酒頻。年華已可樂，高興復留人。

文翁講堂

錦里淹中館，岷山稷下亭。空梁無燕雀，古壁有丹青。槐落猶疑市，苔深不辨銘。良哉二千石，江漢表遺靈。

石鏡寺

古墓夫容塔，神銘松柏烟。鸞沉仙鏡底，花沒梵輪前。銖衣千古佛，寶月兩重圓。隱之香臺夜，鍾聲徹九天。

辛司法宅觀妓

南國佳人至，北堂羅薦開。長裙隨鳳管，促柱送鸞杯。雲光身後落，雪態掌中回。到愁金谷晚，不恠玉山頽。

王昭君

駱賓王

歛容辭豹尾，緘怨度龍鱗。金鈿明漢月，玉筋染胡塵。古鏡菱花暗，愁眉柳葉頻。唯有清笳曲，時聞芳樹春。

秋雁

聯翩辭海曲搖曳止江干陣去金河冷書歸玉塞寒帶月凌
空易迷烟退浦難何當同顧影刷羽泛清瀾

在兖州餞宋五

淮尼泗水地梁甫汶陽東別路青驪遠離尊淥蟻空柳寒凋
密翠棠晚落踈紅別後相思曲悽斷入琴風

玄上人林泉四首

林泉恣深厯風景暫裴徊客有遷鶯處人無結駟來聚花如
薄雪沸水若輕雷今日徒招隱終知異鑿坏

俗遠風塵隔春還初復遲林疑中散地人似上皇時芳杜湘
君曲幽蘭楚客詞山中有春草長似寄相思

聞君招隱地髮髯武陵春緝艾知還楚披蓑似避秦崩香年
祀積幽草歲時新一謝滄浪水安知有逸人

芳晨臨之月幽事和中國有蝶堪成夢無羊可觸藩忘懷南
澗藻獨思北堂萱坐歎華滋敬思君誰為言

遊靈公觀

靈峰標勝境神府枕通川玉殿斜臨漢金堂迥架烟斷風踈
晚竹流水切寒絃別有青門外空懷玄圃仙

登總持寺浮圖

梵宇出三天登茲望八川開襟俯城闕揮手拍雲烟函谷春
山外崑池落日邊東京楊柳陌少別遂經年

陪潤州薛司空丹徒桂明府遊招隱寺

共尋招隱寺初識戴顓家還依舊泉壑應改昔雲霞綠竹寒
天筍紅蕉臘月花金繩倘留客為繫日光斜

秋露

王關涼氣早金塘秋氣歸泛掌光逾靜添花滴尚微變霜凝
曉液承月委圓輝別有吳臺上應濕楚臣衣

夏日游山家同夏少府

返照下層岑物外狎招尋蘭迳薰幽佩槐庭落暗金谷靜風
聲徹山空月色深一遣樊籠累唯餘松桂心

晚次樂鄉縣

陳伯玉

故鄉杳無際日暮且孤征川原迷舊國道路入邊城野戍荒
烟斷深山古木平如何此時恨噉々夜猿鳴

春夜別友人

銀燭吐青烟金樽對綺筵離堂思琴瑟別路繞山川明月隱
高樹長河沒曉天悠悠洛陽去此會在今年

度荆門望楚

遙々去巫峽望々下章臺巴國山川盡荆門烟霧開城分秦
野外樹斷白雲隈今日狂歌客誰知入楚來

送魏大從軍

匈奴猶未滅魏絳復從戎悵別三河道言追六郡雄鴈山橫
嶺北狐塞接雲中勿使燕然上唯留漢將功

香閣東落第歸西蜀別劉祭酒高明府

別館分周國歸驂入漢京地連函谷塞川接廣陽城望迥樓
臺出途遙烟霧生莫言長落羽貧賤一交情

白王山送崔著作東征

金天方肅殺白露始專征王師非樂戰之子慎佳兵海氣侵
南部邊風掃北平莫賈盧龍塞歸邀麟閣名

卜暉上人獨坐亭

...

鐘梵經行處香牀坐入禪巖亭交雜樹石瀨瀉鳴泉水月心
方寂雲霞思獨玄寧知人代裏疲病得攀緣

金天六春日登九華觀

白玉仙臺古丹丘別望遙山川亂雲日樓榭入烟霄鶴舞千
年樹虹飛百尺橋還逢赤松子天路坐相邀

宿雲門寺閣

香閣東山下烟花象外幽懸燈千嶂夕卷幔五湖秋畫壁餘
鴻鴈紗窓宿斗牛更疑天路近夢與白雲遊

送李給事歸徐州覲省

列位登青瑣還鄉服彩衣共言晨省日便是晝遊歸春水經
梁宋晴山入海沂莫愁東路遠四牡正駢駢

送朝評事攝御史監軍嶺南

議獄持邦典臨戎假憲威風從闔闔去霜入洞庭雅望竹

金鼓樓船引綉衣明年降正月南斗使星稀

題韓少府水亭

祖詠

梅福幽棲處佳期不忘還鳥啼當戶竹花繞傍池山水氣侵
堦冷藤陰覆坐閒寧知武陵趣宛在市朝間

蘇氏別業

別業居幽處到來生隱心南山當戶牖豐水映園林竹覆經
冬雪庭昏未夕陰寒之人境外閑坐聽春禽

江南旅情

楚山不可極歸路但蕭條海色晴看雨江聲夜聽潮劔流南
斗近書寄北風遙為報空潭橋無媒寄洛橋

留別盧象

朝來已握手宿別更傷心
灞水行人渡商山驛路深
故情君且足謫宦我難任
直道皆如此誰能淚滿襟

泊揚子岸

繞入維揚郡鄉關此路遙
林蔭初霽雨風退欲歸潮
江火明沙岸雲帆礙浦橋
客衣今日薄寒氣近來饒

汝墳別業

失路農為業移家到汝墳
獨愁常廢卷多病久離群
鳥雀垂窓柳虹蜺出澗雲
山中無外事樵唱有時聞

宿東園李少府廳作

相知有外鄉訟簡夜彌清
旅泊倦愁卧空堂聞曙更
風簾搖燭影秋雨帶蛩聲
歸思那堪說悠悠恨洛城

題遠公經臺

香無入到真僧出復務
雲濕坐禪衣溪鼠
香按山蟬噪竹扉世間長
不見寧止暫忘歸

早朝

王摩詰

柳暗百花明春深五鳳城
城八鴉睥睨曉宮井輓轡聲
方朝金門侍班姬玉輦迎
仍聞遣六士東海訪蓬瀛

從岐王過楊氏別業

揚子談經處淮王載酒過
幽蘭啼鳥緩坐久落花多
徑轉迴銀燭林開散玉珂
嚴城時未啓前路擁笙歌

同崔員外秋宵寓直

建禮高秋夜承明候曉過
九門寒漏徹萬井曙鐘多
月迥藏珠斗雲消出絳河
更漸衰朽質南陌共鳴珂

晚春嚴少尹諸公見過

松菊荒三徑圖書共五車烹葵邀上客看竹到貧家雀乳先
春草鸞啼過落花自憐黃髮暮一倍惜年華

送東川李使君

萬壑樹參天千山響杜鵑山
中一夜雨樹杪百重泉漢女輸
賓布巴人訟芋田文翁翻教
後不敢倚先賢

送揚長史赴果州

褒斜不容憶之子去何之鳥道
迫一千里猿聲十二時官橋祭
酒客山木女郎祠別後同明
月君應聽子規

送友人南歸

萬里春應盡三江鴈亦稀連
大漢水廣孤客郢城歸郎國
福苗秀楚人菰米肥懸知倚
門生遙識老萊衣

送丘為下第歸江東

憐君不得意况復柳條春為
客黃金盡還家白髮新五湖三
畝宅萬里一歸人知尔不能
薦羞稱獻納臣

終南別業

中歲頗好道晚家南山陲興
來每獨往勝事空自知行到水
窮處坐着雲起時偶然值林
叟談笑滯還期

歸嵩山作

清川帶長薄車馬去閑
流水如有意暮禽相與還荒城臨
古渡落日滿秋山遙遶嵩高
下歸來且閉關

終南山

太一近天都連山到海隅白
雲迴望合青藜入看無分野中
峰變陰晴衆壑殊欲投人處
宿隔水問樵夫

漢江臨泛

楚塞三湘接荆門九派通江流天地外山色有無中郡邑浮
前浦波瀾動遠空襄陽好風日留醉與山翁

送張道士歸山

先生何處去王屋訪茅君別婦留丹訣駢雞入白雲人間若
剩住天上復離群當作遼城鶴仙歌使爾聞

過香積寺

不知香積寺數里入雲峰古路無人跡深山何處鍾泉聲咽
危石日色冷青松薄暮空潭曲安禪制毒龍

送李判官赴江東

聞道皇華使方隨皂蓋臣封立早通左語冠冕化文身樹色分
揚子潮聲滿富春遙知辨璧又恩到泣珠人

送嚴秀才還蜀

寧親為令子似舅即賢甥別路經花縣還鄉入錦城山臨青
塞斷江向白雲平獻賦何時至明君憶長卿

送平淡然判官

不識陽關路新從定遠侯黃雲斷春色盡角赴邊愁瀚海經
年別交河出塞流須令外國使知飲月支頭

送岐州源長史歸

握手一相送心悲安可論秋風正蕭索客散孟嘗門故騎通
槐里長亭下槿原征西舊旌節從此向河源

山居即事

寂寞掩柴扉蒼茫對夕暉鶴巢松樹遍人訪篔簹門稀綠竹含
新粉紅蓮落故衣渡頭燈火起處處采菱歸

秋夜獨坐

獨坐悲雙鬢空堂欲二更雨中山果落燈下草虫鳴白髮終
難變黃金不可成欲知除老病惟有學無生

觀獵

風勁角弓鳴將軍獵渭城草枯鷹眼疾雪盡馬蹄輕忽過新
豐市還歸細柳營回看射鵰處千里暮雲平

奉和聖製重陽節上壽應制

殘年登八十佳日遇重三簾幕低垂燕房攏起晚蠶各花紅
滿舫美醞綠盈甌春事還如昨衰懷自不堪

春閨

新粧可憐色落日卷簾帷鑪氣清瓊簾墻陰上玉墀春虫飛
網戶暮雀隱花枝向晚多愁思閑窓桃李時

送趙郡都督赴代州

天宮動將星漢地柳條青萬里鳴刁斗三軍出井陘忘身辭
鳳闕報國取龍庭不學書生輩窓中老一經

初出濟州別城中故人

微官易得罪謫去濟川陰執政方持法明君無此心閭閻河
潤上井邑海雲深縱有歸來日多愁年髮侵

韋給事山居

尋幽得此地詎有一人曾大壑隨階轉群山入戶登庖厨出
深竹印綬隔垂藤即事辭軒冕誰云病未能

輞川閑居

一從歸白社不復到青門時倚簷前樹遠看原上村青菰臨
水映白鳥向山翻寂寞於陵子桔槔方灌園

淇上即事

屏居淇水上東野曠無山日隱桑柘外河明閭井間牧童望
村去田犬隨人還靜者亦何事荆扉乘晝關

春日上方即事

好讀高僧傳時看辟穀方鳩形將刻杖龜殼用支床柳色春
山映花明夕鳥藏北窓桃李下閑步但焚香

登辯覺寺

竹逕連初地蓮峰出化城窓中三楚盡林外九江平
輭草承趺坐長松響梵聲空屈法雲外觀世得無生

感秋林

試向林東望方知節候殊亂聲千葉下寒影一巢孤不蔽秋
天鴈驚飛夜月烏霜風與春日幾度遣榮枯

送李中丞

劉文房

流落征南將曾驅十萬師罷歸無舊業老去戀明時獨立三
邊靜輕生一劍知茫茫漢江上日暮欲何之

雨中過玄稷巴陵山居

憐君洞庭上白髮向人垂積雨悲幽獨長江對別離牛羊歸
故道鳥雀聚寒枝明發遙相望雲山不可知

喜皇甫侍御相訪

荒村帶晚照落葉亂紛紛古路無行客空山獨見君野橋經
雨斷澗水向田分不為憐同病何人到白雲

穆陵關北逢人歸漁陽

逢君穆陵路疋馬向秦乾楚國蒼山古幽州白日寒城池百
戰後耆舊幾家殘處處蓬蒿掃歸人掩淚看

尋南溪常道士

一路經行處莓苔見履痕白雲依靜渚芳草閉閑門過雨看
松色隨山到水源谿花與禪意相對亦忘言

松江獨宿

洞庭初下葉孤客不勝愁明月天涯夜青山江上秋一官成
白首萬里寄滄洲久被浮名繫能無愧海鷗

餘干旅舍

搖落暮天迥青楓霜葉稀孤城向水閉獨鳥背人飛渡口月
初上隣家漁未歸鄉心正欲絕何處擣寒衣

漂母墓

昔賢懷一飯茲事已千秋古墓樵人識前朝楚水流渚蘋行
客薦山木杜鵑愁春草茫茫綠王孫舊此遊

新年作

鄉心新歲切天畔獨潸然老至居人下春歸在客先嶺猿同
旦暮江柳共風煙已似長沙傳後今又幾年

尋洪尊師不遇

古木無人地來尋羽客家道書堆玉案仙帔疊青霞鶴老難
知歲梅寒未作花山中不相見何處化丹砂

喜鮑禪師自龍山至

故居何日下春草欲芊芊獨對山中月誰聽石上泉猿聲知
後夜花發見流年杖錫閑來往無心到處禪

餘干夜宴奉餞韋蘇州使君除婺州

復拜東陽郡遙瞻北關心行春五馬急向夜一猿深山過康
郎近星看婺女臨幸容棲托分猶戀舊棠陰

酬皇甫侍御見寄前相國姑臧公初臨郡

離別江南北汀洲葉再黃路遙雲共水砧迴月如霜歲儉依
仁政年衰離故鄉佇看宣政召漢法倚張綱

岳陽館中望洞庭湖

萬古巴丘戍平湖此望長問人何繇愁暮更蒼疊浪浮
元氣中流沒太陽孤舟有歸客早晚達瀟湘

過鸚鵡洲王處士別業

白首此為漁青山對結廬人問尋野筍留客饋家蔬古柳依
沙發春苗帶雨鋤共憐芳社色終日伴閑居

月下呈張秀才

自古悲搖落誰家柰此何夜蜚偏傍枕寒鳥數移柯向老三
年謫當秋百感多貧家唯有月空愧子猷過

題元錄事開元所居

幽居蘿薜情高臥紀綱行鳥散秋鷹下人閑春草生冒颯歸
野寺收印出山城今日新安郡因君水更清

題思禪寺上方

上方無旦暮臺殿隱朦朧遠磬秋山裏清猿古木中一溪連
竹路諸嶺共松風倘許栖林下甘成白首翁

北歸次秋浦界清溪館

萬里猿頻斷孤村客暫依鴈過彭蠡暮人向宛陵稀舊路青
山在餘生白首歸漸知行近北不見鷓鴣飛

酬秦系

鶴書猶未至那出白雲來舊路經年別寒潮每日回家空歸
海燕人老發江梅最憶門前柳閑居手自栽

餞別王十一南游

留君烟水闊揮手淚沾巾飛鳥沒何處青山空向人長江一
帆遠落日五湖春誰見汀洲上相思愁白蘋

送朱放賊退後往山陰

越中初罷戰江上送歸橈南渡無來客西陵自落潮空城垂
故柳舊業發春苗閭里稀相見鶯花共寂寥

宣州使院留別韋應物

白雲乖始願滄海有微波戀舊爭趨府臨危欲負戈春歸花
殿暗秋傍竹房多耐可機心息其如羽檄何

吳明徹故壘

古臺搖落後秋入望鄉心野寺來人少雲峰隔水深夕陽依
舊壘寒磬滿空林惆悵南朝事長江獨至今

奉同賀監林自清酌

華月當秋滿朝軒假興同淨林新霽入規院小涼通碎影行
筵裏搖花落酒中清宵照愁意併此助文雄

送李侍御赴安西

高逵夫

行子對飛蓬金鞭指鉄駘功名萬里外心事一杯中虜幢燕
支北秦城太白東離魂莫惆悵看取寶刀雄

送馮判官

碣石遼西地漁陽薊北天關山惟一道雨雪盡三邊才子方
為客將軍正慕賢遙知幙府下書託日翩翩

送魏人

更酤淇上酒還汎驛前舟為惜故人去復憐嘶馬愁雲山行
處合風雨興中秋此路無知己明珠莫暗投

贈社二拾遺

傳道招提客詩書自討論佛香時入院僧飯屢過門聽法還
應難尋經剩欲翻草玄今已畢此外復何言

送劉評事充朔方判官賦得征馬嘶

征馬向邊州蕭蕭嘶未休思深應帶別聲斷為兼秋歧路風
將遠關山月共愁贈君從此去何日大刀頭

長門怨

崔顥

君王寵初歇弃妾長門宮紫殿青苔滿高堂明月空夜愁生
枕席春意罷簾櫳泣盡無人問容華落鏡中

王家少婦

十五嫁王昌盈盈入畫堂自矜年最少復倚嬌為郎舞愛前
谿深歌憐子夜長閑來鬪百草度日不成妝

送單于裒都護赴西河

征馬去翩翩秋城月正圓單于莫近塞都護欲臨邊漢驛通
煙火胡沙泛水泉功名成獻捷未必去經年

題潼關驛樓

客路逢雨霽歇馬上津樓山勢雄三輔關門控九州川從峽
路去河繞華陰流向晚登臨處風烟萬里愁

贈梁州張都督

聞君為漢將虜騎不南侵出碛清沙漠還家拜羽林風霜臣
節苦歲月主恩深為語西河使知余報國心

題沈隱侯八詠樓

梁日東陽守為樓望越中綠窻明月在青史古人空江靜聞
山沈川長數塞鴻登臨白雲晚流恨此遺風

望秦川

李頎

秦川朝望迥日出正東峰遠近山河淨逶迤城闕重秋聲萬
戶竹寒色五陵松客有歸歎嘆淒其霜露濃

送人尉閩中

可嘆芳菲日分為萬里行閭門折垂柳御苑聽殘鶯海戍通
閩邑江航過楚城客星君莫問春草是王程

漢陽即事

儲光羲

楚國千里遠孰知方寸違春遊懽有客夕寢賦無衣江水帶
冰綠桃花隨雨飛九歌有深意捐珮乃言歸

題陸山人樓

暮聲雜初鴈夜色涵早秋獨見海中月照君池上樓山雲拂
高棟天漢入雲流不惜朝九滿其如千里游

臨江亭

古木嘯寒禽層城帶夕陰梁園多綠樹楚岸盡楓林山際豈
為險江流長自深平生何以恨天地本無心

詠山泉

山中有流水借問不知名映地為天色飛空作雨聲轉來深
澗滿分出小池平恬澹無人見年年長自清

苑外至龍興寺

朝遊天苑外忽見法筵開山勢當空出雲陰滿地來踈鍾清
月殿幽梵靜花臺日暮香林下飄飄之仙步迴

京口留別徐大補嗣趙二陵

皇州月初曉處之鼓鍾喧出蓬萊殿城開閭闔門近臣朝
瑣闥詞客向文園獨有三川路空傷遊子魂

經故人舊居

儲嗣宗

萬里訪遺塵鶯聲淚濕巾古書無主散廢宅與山鄰宿草風
悲夜荒村月吊人淒涼問我柳今日為誰春

江南意

王灣

客路青山外行舟綠水前潮平兩岸濶風正一帆懸海日生
殘夜江春入舊年鄉書何處達歸雁洛陽邊

觀捕筍

虛室有秦箏箏新月復清
多美委曲柱促語分明曉怨凝
繁手春嬌入慢聲近來惟
樂傳得美人情

長門怨

岑參

君王嫌妾妬閉妾在長門
袖垂新寵愁眉結舊息綠錢生
履跡紅粉濕啼痕羞被桃
笑看君獨不言

送秘書虞校書虞

丞

花綬傍腰新關東縣欲春殘書厭科斗禮閣別麒麟虞坂臨
官舍條山映吏人看君有知己坦腹向平津

送李太保克渭北節度

詔出未央宮登壇近總戎上公周太保副相漢司空弓抱關
西月旗翻渭北風弟兄皆許國天地荷成功

寄左省杜拾遺

聯步趨丹陛分曹限紫薇曉隨天仗入暮惹御香歸白髮悲
花落青雲羨鳥飛聖朝無闕事自覺諫書稀

送裴判官自賊中再歸河南幕府

東郊未解圍忠義似君稀誤落胡塵裏能持漢節歸捲簾山
對酒上馬雪沾衣却向嫖姚幕翩翩去若飛

酬崔十三侍御登玉壘山思故園見寄

玉壘天晴望諸峰盡覺低故園江樹北斜日嶺雲西曠野看
人小長空共鳥齊山高徒仰止不得日攀躋

送崔員外入奏因訪故園

欲謁明光殿先趨建禮門仙郎初得意亞相正承恩竹裏已
山道花間漢水源憑將兩行淚為訪邵平園

崔駙馬山池送宇文明府

竹裏過紅橋花間藉綠苗地涼醒別酒山翠拂行鑣鳳去粧
樓閉鳧飛葉縣遙不逢秦女在何處聽吹簫

送鄭少府赴滄陽

子真河朔尉色裏帶清漳春草近袍色晴花拂綬香青山入
官舍黃鳥變官墻若到銅臺上應憐魏寢荒

初三捷為作

山色軒楹內灘聲枕席間草生公府靜花落訟庭閑雲雨連
三峽風塵接百蠻到來能幾日不覺髮毛斑

郡齋平望江山

水路東連楚人煙北接巴山光圍一郡江月照千家庭樹純
栽橘園畦半種茶夢魂知憶處無夜不京華

題永樂韋少府廳

太河南郭外終日氣昏白鳥下公府青山當縣門故人是
邑尉過客駐征軒不憚煙波闊思君一笑言

宿岐州北郭嚴給事別業

郭外山色暝主人林館秋踈鍾入卧內片月到床頭遙夜惜
已半清言殊未休君雖仕青瑣心一忘滄洲

夜過盤石隔河望永樂寄閨中効齊梁體

盈一水隔寂二更初波上思
維機魚邊憶素書月如眉
已盡雲似鬢新梳春物知人意
桃花笑索居

過酒泉憶杜陵別業

昨夜宿邠連今朝過酒泉
黃沙西際海白草北連天
愁裏難消日歸期尚隔年
陽關萬里夢知處杜陵田

輪臺即事

輪臺風物異地是古單于
三月無青草千家盡白榆
蕃書文字別胡俗語音殊
愁見流沙北天一四海一隅

送揚州王司馬

君家舊淮水上到揚州
海樹青官舍江雲黑郡樓
東南隨去鳥人吏待行舟
為報吾兄弟如今已白頭

送張都尉東歸

白羽綠弓弦年只在邊
還家劍斂群盡出塞
而蹄穿逐虜西踰海平
胡北到天封侯應不遠
燕然豈徒然

送張子尉南海

不擇南州尉高堂有老親
樓臺重疊雲氣色里
雜鮫人海暗三山
雨花明五嶺春此鄉多寶玉
慎苦天厭清貧

淮水東店送唐子歸嵩陽

野店淮水東店送唐子歸嵩陽
小北兩過杜陵西歸夢秋
能作鄉書醉懶題橋回忽不見
征車尚聞嘶

號宮送河東市馬

關河曉蒼長安近夕陽
回風醒引酒細雨濕行裝
習戰邊塵黑防秋塞草黃
知君市駿馬不日大學燕王

高宮谷招鄭鄂

谷口來相訪空齋不見君
澗花然昔有雨潭樹暖春雲
門徑稀人跡簷峰下鹿群
衣裳與枕席山雲頭碧氛氳

晚發五繖

客厭巴南地鄉隣劔北天
江村片雨外野寺夕陽邊
芋葉歲山徑蘆花間渚田
舟行未可住乘日且須牽

武成春莫聞宇文判官西出還已到晉昌

片雨過城頭黃鸝上戍樓
寒花飄空淚邊柳挂鄉愁
白髮悲明鏡青春換敝裘
君從萬里去聞口已到瓜州

送成州程使君

程侯新出守好日發行軍
拜命時人羨能官聖主聞
江樓暗寒雨山郭冷秋雲
竹馬諸童子朝朝以待使君

送王七錄事赴虢州

早歲即相知嗟君最後時
青雲仍未達白髮欲成絲
小店關門道長河華嶽祠
弘農民吏待莫遣馬行遲

送懷州吳別駕

灞上柳枝黃壚頭酒正香
春流飲去馬暮雨濕行裝
驛路通函谷州城接太行
覃懷人總喜別駕得王祥

趙少尹南亭送鄭侍御

江亭酒甕香白面繡衣郎
砌冷虫喧座簾疎月到床
鐘催離思急絃逐醉歌長
關樹應皆落隨君滿路霜

巴南舟中

渡世欲黃昏歸人爭渡喧
近鐘浦野寺遠火點江村
見雁思鄉信聞猿積淚痕
孤舟萬里夜秋月不堪論

宿關西客舍寄嚴許二山人時天寶高道舉徵

雲送關西兩風傳渭北秋孤燈照客夢寒杵搗鄉愁難上思
嚴子山中憶許由蒼生今有望無飛詔下林丘

夜宿龍吼灘思峨嵋隱士

官舍臨江口灘聲已慣聞水煙吐明月山火夜燒雲且欲求
方士無心戀使君異鄉那可住况復久離群

將歸塗口宿鬱林寺過玄上人院

西巖一磬長僧起樹蒼々開殿洒寒水誦經焚晚香竹風雲
斷散杉露月猶光無復重來此一歸州凌夕陽

南溪別業

結宇依青嶂開軒對翠疇樹交花化兩色溪合水重流竹徑春
來掃蘭樽夜不收逍遙自得意却歎腹醉中游

題金城臨河驛樓

古戍依重險高樓見五涼山根盤驛道河水浸城牆庭樹巢
鸚鵡園花隱麝香忽如江浦卜一憶昨捕魚郎

宿鐵關西館

馬汗踏成泥朝馳幾萬蹄雪中行地角火處宿天倪塞迫心
常怯鄉遙夢亦迷那知故園月也到鐵關西

奉陪封大夫宴時封公廉鴻臚卿

西邊虜盡平何處更專征幕下人無事軍中政已成坐參殊
俗語樂雜異方聲醉裏樓臺日徧能照列卿

首秋輪臺

異域陰山外孤城雪海邊秋來唯有鴈夏盡不聞蟬雨拂擅
牆濕風搖毳帳羶輪臺萬里地無事歷三年

北庭作

鴈塞通鹽澤龍堆接醋溝孤城天北畔絕域海西樓秋雪春
仍下朝風夜不休可知年四十猶自未封侯

終南東溪口作

溪水碧於草澗之花底流沙平堪濯足石淺不勝舟洗藥朝
與暮釣魚春後秋與來從所適還欲向滄洲

詠郡齋壁畫片雲得歸字

雲片何人畫塵侵粉色微未曾行雨去不見逐風歸只恠偏
凝壁回看欲染衣丹青欲借便移向帝鄉飛

敬酬李判官使院即事見呈

公府日無事吾徒只是閑草根侵柱礎苔色上門關映硯時
窺鳥卷簾晴對山新詩吟未足昨夜夢東還

晚過盤石寺禮鄭和尚

門路歸軒白馬津相知無遠近萬里尚為鄰

湖口望廬山瀑布泉

萬丈洪泉落迢迢半紫氣奔飛下雜樹洒落出重雲日照虹
霓似天清風雨聞靈山多秀色空水共氤氳

奉和聖製途次峽州作

馳道當河峽陳詩問國風川原三晉別襟帶兩京同後殿函
關盡前旌鴈塞通行看洛陽陌光景麗天中

使至廣州

昔年長不調茲地亦遭廻本謂雙鳧少何知駟馬來人非漢
使橐郡見越王臺去々雖殊事山川常在哉

和王司馬折梅寄京邑兄弟

離別念同嬉芳榮欲共持獨攀南國樹遙寄北風時林惜迎

春早花愁去日遲還聞折梅處更有棣華詩

庭梅詠

芳意何能早孤榮亦自危更憐花蒂弱不受歲寒移朝雪那
相妬陰風已屢吹馨香雖尚爾飄蕩復誰知

初入湘中有喜

征鞍窮郢路歸棹入湘流望鳥唯貪疾聞猿亦罷愁兩邊楓
作岸數處橘為洲却計後來憶翻疑夢裡遊

初發道中寄遠

日夜鄉山遠秋風復此時舊聞胡馬思今聽楚猿悲念別朝
昏苦懷歸歲月遲壯圖空不息常恐鬢如絲

初發曲江溪中

溪流清且深松石復登臨正爾可嘉處胡為無賞心我猶不

忍別物亦有緣侵自匪常行邁誰能知此音

同裴少府安居寺對雨

皇甫茂政

共結尋真會還當對食初爐烟雲氣合林葉雨聲餘溽暑銷
珍簟浮涼入綺疏歸心從念遠懷此復何如

送延陵陳法師赴上元

延陵初罷講建業去隨緣翻譯推多學壇場最少年浣衣逢
野水乞食向人烟遍禮南朝寺焚香古像前

巫山高

巫峽見巴東迢迢出半空雲藏神女館雨過楚王宮朝暮泉
聲落寒暄樹色同清猿不可聽偏在九秋中

獨孤筵陪錢常使君赴昇州

中司龍節貴上客虎符新地空吳襟帶才高漢縉紳泛舟應

及臘入境便行春何處歌來暮長江建業人
送夔州班使君

曉日照樓船三軍拜峽前白雲隨浪散青壁與城連萬嶺岷
峨雪千家橘柚川還如赴河內天子去經年
奉和王相公早春登徐州城

落日憑危堞春風似故鄉川流通楚塞山色有徐方壁壘倚
寒草旌旗動夕陽元戎資上策南畝起耕桑

送裴相公往江南

分務江南遠留懽悞下榮楓林違楚塞水驛到湓城岸草知
春晚沙禽好夜驚風帆幾度泊處望潮生

酬袁補闕中天寺見寄

東林初結社已有晚鍾聲窓戶皆流水房廊半架城遠山重

疊見芳草淺深生每與君携手多煩長老迎

尋戴處士

車馬長安道誰知大隱心蠻僧留古鏡蜀客寄新琴曬藥竹
齋暖禱茶松院深思君一相訪殘雪似山陰

早發中嚴寺別契直上人

蒼蒼松桂陰殘月半西岑素壁寒燈暗紅爐夜火深厨開山
鼠散鍾盡嶺猿吟行役方如此逢師懶話心

和謝舍人雪後寓直

禁省夜沉了春風雪滿林滄州歸客夢青瑣侍臣心揮翰宣
鳴玉承恩在賜金建章寒漏起更助掖垣深

送廬山人歸林慮山

無論行遠近歸向舊烟林寥落人家少青冥鳥道深白雲長

滿目芳草自知心山色連東海相思何處尋

送康判官往新安得江路西南尹

不向新安去那知江路長猿聲比廬霍水色勝瀟湘驛樹收
殘雨漁家帶夕陽何須愁旅泊使者有輝光

婕妤怨

由來詠團扇今已值秋風事逐時偕往息無日再中早鴻聞
上苑寒鷺上深宮顏色年々謝相如賦豈工

歸渡洛水

暝色赴春愁歸人南渡頭渚烟空翠合灘月碎江流澧浦無
芳草滄波有釣舟誰知放歌客此意正悠悠

送韓爾直

遊吳還適越春往任風波復送王孫去其如芳草何岸明殘

雪在潮滿夕陽多季子留遺廟傳舟記一過

途中送權曙二兄

淮海風濤起江關幽思長同悲鵲繞樹獨作雁隨陽山晚雲
和雪汀寒月映霜由來權纓處漁父愛滄浪

送陸潛天延陵尋友

登山自補屐訪友不齎糧坐歇青松晚行吟白日長人煙隔
水見草氣入林香誰作招尋侶清齋宿紫陽

送普門上人

花宮難久別道者憶千燈殘雪入林路深山歸寺僧日光依
嫩草泉響滴春水何用求方便看心是一乘

送李中丞歸本道

皇甫孝常

上將宜分閫雙旌復出秦關河三晉路實從五原人孤戍雲

通海平沙雪度春
酬恩看玉劍何處有烟塵

晚至華陰

臘盡促歸心
行人及華陰
雲霞仙掌出
松栢古祠深
野渡冰生岸
寒川燒隔林
溫泉看漸近
官樹晚沉沉

送雲門邕上人

春山臨一室
獨坐草萋萋
身寄心成道
花開鳥自啼
細泉松逕裡
返照竹林西
晚與門人別
依依出虎溪

送陸羽

千峰待逋客
香茗復叢生
採摘知深處
烟霞羨獨行
幽期山寺遠
野飯石泉清
寂然燃燈夜
相思磬一聲

烏程水樓留別

悠然千里去
惜此一尊同
客散高樓上
帆飛細雨中
川程隨

遠水楚思望
青楓共說前期
易滄波處通

送林中丞還京

戰罷回龍節
朝天見鳳池
寒生五湖道
春及萬年枝
邵化多遺愛
胡清已畏知
懷恩偏感別
墮淚向旌旗

過劉員外別墅

謝客開山後
郊扉去水通
江湖千里別
衰老一尊同
返照寒川滿
平田暮雪空
滄洲自有趣
不復哭途窮

寄劉員外

南憶新安郡
千山帶夕陽
斷猿知夜久
秋草助江長
鬢髮應成素
青松獨見霜
愛才稱漢帝
題柱在田郎

詠孩子

嚴正文

嘉客會初筵
宜時魄再圓
衆皆含笑戲
誰不點頭憐
綉被花

堪摘羅縠色欲妍將雛有舊曲還入武城絃

一公新泉

山下新泉出冷冽比去源落池緣有響磧石未成痕獨映孤
松色殊分衆鳥喧唯當清夜月觀此起禪門

送李端

故關衰草遍離別正堪悲路出寒雲外人歸暮雪時少孤為
客早多難識君遲掩泣空相向風塵何所期

別至弘上人

最稱弘偃少早歲草茅居年老從僧律生知解佛書衲衣求
壞帛野飯拾春蔬章句無求斷時中聖有餘

酬劉員外見寄

水慢花塢夕陽遲欲識懷君意朝朝訪棹師

酌普選二上人

本意宿東林因聽子賤琴遙知大小朗已斷去來心夜靜溪
聲近庭寒月色深寧知塵外意定後更成吟

宿荆溪館呈丘義興

失路荆溪上依仁忽暝投長橋今夜月陽羨古時州野燒明
山郭寒更出縣樓先生能館我何事五湖遊

仲夏江陰官舍寄裴明府

李從一

萬室邊江次孤城對海安朝霞晴作雨濕氣晚生寒苔色侵
衣桁潮痕上井欄題詩招茂宰思尔欲辞官

送王牧往吉州謁使君叔

細草綠汀洲王孫耐薄遊年華初冠帶文彩舊弓裘野渡花

爭發春塘水亂流使君憐小阮應念倚門愁

送王正字山寺讀書

欲究先儒教還過支遁居
篠階閑聽法竹寺獨看書
向日荷新卷迎秋柳半疎
風流有佳句不似帶經鋤

送從弟歸河朔

故鄉何可別令弟獨能歸
諸將旌旄節何人重布衣
空城流水在荒驛舊村稀
秋日平原路蛩鳴桑葉飛

送樊兵曹謁潭州韋大夫

塞鴻歸欲盡北客始辭秦
零桂雖逢竹瀟湘少見人
江花鋪淺水山木暗殘春
脩刺轅門裡多憐尔為親

送揚中丞和蕃

錦車登隴日邊首正凍
人舊好隨君長新愁聽鼓擊河源

真外靈嶺大荒西漢壘今猶在遙知路不迷

送韋員外端公宣慰勸農畢赴洪州

聖主臨前殿殷憂遣使臣
氣迎天詔喜息發土膏春
草色催歸棹鶯聲為送入龍沙
多道里流水自相親

和都官苗員外秋夜寓直對雨書懷

多雨深宮夜仙郎上直時
漏長丹鳳闕秋冷白雲司
螢影侵堦亂鴻聲出苑遲
蕭條吏人散小謝有新詩

送杜士瞻楚州覲省

風流與才思俱似晉時人
淮月歸心促江花入興新
雲深滄海暮柳暗白門春
共道官猶小憐君孝養親

自常州還江陰道中

處處空籬落江村不忍看
無人花色慘多雨鳥聲寒
黃霸初

結郡陶潛未罷官
乘春務征伐誰肯問凋殘
奉陪常潤州遊鶴林寺

野寺江城近
雙旌五馬過
禪心超忍辱
梵語問多羅
松竹閑僧老
雲烟晚日和寒塘
歸路轉清磬
隔微波

曉發

姚鵠

旅行宜早發
况復是南歸
日影緣山盡
鐘聲隔浦殘
星螢共失落
葉鳥和飛去
渡南浦村中入出稀

賦早魚詩上苗相公

似龍鱗已足
惟是欠登門
日裏腮猶濕
泥中目未昏
乙鉏防大望
水瀉金盆他日能為雨
先當報此恩

斐道書齋詠月

錢仲文

葉散螢還入烟流
今夕遙天未清輝
幾處愁山路見梅感而作

山路見梅感而作

莫言山路僻
還被好風催
行客淒涼過
村籬冷落開
晚溪寒水照
晴日數蜂來
重憶江南酒
何因把一盃

春日宴張舍人宅

懶尋芳草徑
來接待人筵
山色知殘雨
墻陰覺暮天
鶯歸漢宮柳
花隱杜陵烟
地與東城接
春光醉目前

病中

私歸人暫適
扶杖遶西林
風急柳溪響
露寒莎徑深
一身仍白髮
萬慮只丹心
此意無言處
高窓托素琴

送彈琴李長史赴洪州

抱琴為傲吏
孤棹復南行
幾處秋江水
皆添白雪聲
佳期來

客夢幽興緩王程佐牧無勞問心和政自平

送僧自吳遊蜀

隨緣忽西去何日返東林世路無期別空門不住心人烟一飯少山雪獨行深天外猿聲夜惟聞清梵音

送僧歸日本

上國隨緣住來途若夢行浮天滄海遠去世法舟輕水月通禪觀魚龍聽梵聲誰憐一灯影萬里眼中明

同梁錕文宴

客到衡門下杯香蕙草時好風能自至明月不須期秋水翻荷影清霜脆柳枝微官是何物許可廢吟詩

題隣居齊大司倉

沉寔衆所遺咫尺絕佳期始覺衡門下翛然太古時雞聲共

林巷燭影隔茅茨坐惜牛羊徑以方蓀白露滋

空寂寺悼元上人

凄然雙樹下垂淚遠公房燈續心生前火爐添歿後香陰階明片雪寒竹響空寂滅應為樂生壁心徒自傷

送王汶宰江陰

包幼正

郡北乘流去花間竟日行海魚初滿市江鳥夜喧城止酒非關病援琴不在聲應緣五斗米由數日值淵明

送泉州李使君之任

傍海皆荒服分符重漢臣雲山云越路市井十洲人執玉來朝遠還珠入貢頻連年不見雪到處即行春

賦得秤送孟孺卿

願以金秤錘因君贈別離鈎懸新月吐衡舉衆星隨掌握須

平執錙銖必盡知由來投分審莫放弄權移
裴端公使院賦得隔簾見春雨

細雨未成霖垂簾但覺陰惟看上砌濕不遣入簾深度際露
編簡因風潤綺琴須移戶外履簷溜夜相侵

題苗員外林亭

盧允言

高齋絕行塵開簾似有春風傾竹上雪山對酒邊人步煖先
逢日書空遠見隣還因內齋暇登賞及諸姻

送從舅成都丞廣南歸蜀

巴字天邊水秦人去是歸棧長山雨響溪亂火田稀俗富行
應樂官雄祿豈微魏舒終有淚還濕窳家衣

送都尉歸邊

好勇知名早爭雄上將間戰多春入塞獵慣夜燒山陣會龍

蛇動軍移草木閑今來部曲盡白首過蕭關

題雲際寺上方

松高蘿蔓輕中有石床平下界水長急上方燈自明空門不
易啓初地本無程迴步忽山盡萬緣從此生

送道士

寔別一仙人霞衣滿鶴身旌幢天路遠梅杏海山春種玉非
求稔燒金不為貧自怜頭向白誰與葛洪親

題興善寺後池

隔窓棲白鳥似與鏡湖隣月照何年樹花逢幾世人岸莎青
有露苔徑綠無塵願得依容止僧中老此身

春日同李度子遵興善寺東院曉望

映水竹橫分當山起鴈群陽峰對高寺陰井下通雲雪畫唯

逢鶴花時比見君由來禪誦地多有謝公文

李沆園林

古巷牛羊出重門接柳陰閑看入竹路自有向山心種藥齊
幽樹畊田到遠林願同詞賦客得與謝家深

得嶺南故人書

瘴海寄雙魚終宵達我居兩行燈下淚一紙嶺南書地說炎
蒸極人稱老病餘殷勤報賈誼莫共酒盃踈

途中晚發

崔署

晚霽長風裏勞歌赴遠期雲輕歸海疾月滿下山遲旅望目
高盡鄉心遇物悲故林遙不見想在落花時

送盧逸人

洛陽為此別攜手更何時不復人間見祇應海上期青溪入

雲木白首卧茅茨共惜盧敖去天邊望所思

和李侍御度松滋江

孟浩然

南紀西江闊皇華御史雄截流寧假楫挂席自生風僚案爭
扳鷁魚龍亦避駘坐聽白雪唱翻入棹歌中

浮舟過陳逸人別業

水亭涼氣多閑棹晚來過澗影見藤竹潭香聞芰荷野童扶
醉舞山鳥嘆酣歌幽賞未云徧烟光柰夕何

過故人在

故人具鷄黍邀我至田家綠樹村邊合青山郭外斜開蓬面
場圃把酒話桑麻待到重陽日還來就菊花

題惠上人房

帶雪梅初暖含烟柳尚青來窺童子偈得聽法王經會裡知

無我觀空厭有形迷心應覺悟客思不遑寧

他鄉七夕

他鄉逢七夕旅館益羈愁不見穿針婦空懷故國樓緒風初
減熱新月始登秋誰忍窺河漢迢迢問斗牛

和張二途中遇雪

風吹沙海雪來作柳園春宛轉隨香騎輕盈伴玉人歌疑郢
中客態比洛川神今日南歸趁雙飛似入秦

送韋侍御歸京

聞欲朝龍闕應須拂豸冠風霜隨馬去炎暑為君寒客淚題
書落鄉愁對酒寬先憑報親友後月到長安

途中遇晴

已失五陵道獨逢蜀坂泥天開斜景迥山出晚雲低餘濕猶
霑草殘流尚入溪今宵有明月鄉思遠淒淒

和張丞相春朝對雪

迎氣當春立承恩喜雪來潤從河漢下花逼艷陽開不覩豐
年瑞安知燮理才撒塩如可擬顛糝和羹梅

上巳日洛中寄王山人迥

卜洛成周地浮杯上巳筵鬪鷄寒食後走馬射堂前垂柳金
堤合平沙翠幙連不知王逸少何處會群賢

尋天台山

吾愛太一子滄霞卧赤城欲尋華頂去不憚惡溪名歇馬憑
雲宿揚帆截海行高峯翠微裡遙見石梁橫

和張明府登鹿門山

忽示登高作能寬旅寓情絃歌既多暇山水思彌清草得風

先動虹因雨後成謬承巴俚和非敢應同聲

尋張子頽隱居

白鶴青岩畔幽人有隱居堦庭空水石林壑罷樵漁歲月青
松老風霜苦竹踈觀茲懷舊業迴策返吾廬

泊廬山聞故人在東寺寄之

江路經廬阜松門入虎溪聞君尋寂樂清夜宿招提石鏡山
精怯禪林怖鴿棲一燈如悟道為照客心迷

題融公蘭若

精舍買金開流泉繞砌迴芟荷薰講席松栢映香臺法雨晴
飛去天花晝下來談玄殊未已歸騎夕陽催

浙江至武昌

家本洞庭上歲時歸思催客心徒欲速江路苦迢迢殘凍因

風解新梅度臘開行看武昌柳彷彿映樓臺

遊精舍題山房

誤入桃源裡初憐竹逕深方知仙子宅未有世人尋舞鶴過
閑砌飛猿嘯密林漸通玄妙理深得坐忘心

題義公禪房

義公習禪寂結宇傍空林戶外一峰秀階前衆壑深夕陽連
雨足空翠落庭陰看取蓮花淨方知不染心

遇雨貽謝南池

田家春事起丁壯聚東陂殷之雷聲作森之雨足垂海虹晴
始見河柳潤初移子意在耕鑿因君問土宜

與諸弟子登峴山

人事有代謝往來成古今江山留勝跡我輩復登臨水落魚

梁淺天寒夢澤深羊公碑尚在讀罷一霑襟

臨洞庭

八月湖水平涵虛混太清氣蒸雲夢澤波撼岳陽城欲濟無
舟楫端居恥聖明坐觀垂釣者徒有羨魚情

歸終南山

北闕休上書南山歸弊廬不才明主弃多病故人疎白髮催
年老青陽逼歲除永懷愁不寐松月夜窓虛

宿武陽川

川暗夕陽盡孤舟泊岸初嶺猿相叫嘯潭影似空虛就枕滅
明燭扣舷聞夜漁鷄鳴問何處人物似秦餘

宿桐廬江

山暝聽猿愁滄江急夜流風鳴兩岸葉月照一孤舟建德非

吾土維揚憶舊遊還將兩行淚遥寄海西頭

夜渡湘川

客行貪利涉夜裏渡湘川露氣聞芳杜歌聲識采蓮榜人投
岸火漁子宿潭烟行旅時相問沔陽何處邊

武陵泛舟

武陵川路狹前棹入花林莫測幽源裏仙家信幾深水迴青
嶂合雲渡綠溪陰坐聽閑猿嘯彌清塵外心

永嘉浦逢子容

送旅相逢處江村日暮時衆山遙對酒孤嶼獨題詩解宇隣
鮫室人烟接島夷鄉園萬餘里失路一相悲

秦中寄遠上人

一丘常欲卧三徑苦無資北上非吾願東林懷我師黃金然

桂盡壯志逐年衰日夕涼風至聞蟬但益悲

晚春

二月湖水清家家春鳥鳴林花掃更落徑草踏還生酒伴來相命開樽共解醒當杯已入手歌妓莫停聲

赴京途中遇雪

迢遞秦京道蒼茫歲暮天窮陰連晦朔積雪徧山川落雁迷寒渚飢鳥噪野田客愁空佇立不見有人烟

歲除有懷

迢遞三巴路羈危萬里身亂山殘雪夜孤燭異鄉人漸與骨肉遠轉於僮僕親鄰堪正漂泊來日歲華新

裴司士見尋

府僚能枉駕家釀復新開落日池上酌清風松下米厨人具

鷄黍稚子摘楊梅誰道山翁醉猶能騎馬回

梅道士水亭

傲吏非凡吏名流即道流隱居不可見高論莫能酬水接仙源近山藏鬼谷幽再來迷處所花下問漁舟

雜詩二首

盧緯卿

家居五原上征戰是平生獨負山西勇誰當塞上名死生遼海戰雨雪薊門行諸將封侯盡論功獨不成

君家御溝上垂柳夾朱門列鼎會中貴鳴珂朝至尊死生在片議窮達獨一言須識苦寒士莫矜狐白溫

和振上人秋夜懷士會

王少伯

白露傷草木山風吹夜寒遙林夢親友高興發巖巒郭外秋聲急城邊月色殘

瑶琴多遠思更為客中彈

駕幸河東

平水千廬合汾橋萬國從開唐天業盛入沛聖恩濃下輦迴
三象題碑任六龍睿明懸日月千載此時逢

皇帝聖感祠二首

天衣五鳳彩御馬六龍文雨露清馳道風雷翊上軍高旌花
外轉行漏岳前聞時見金鞭舉空中指瑞雲

廟筭干戈止神謀宇宙清兩階文物盛七德武功成校獵長
楊苑屯軍細柳營歸來獻明主歌舞溢春城

送友人

李太白

青山橫北郭白水遶東城此地一為別孤蓬萬里征浮雲遊
子意落日故人情揮手自茲去蕭蕭班馬鳴

送別

斗酒渭城邊壚頭醉不眠梨花千樹雪楊葉萬條煙惜別傾
壺醕臨分贈馬鞭看君潁上去新月到應圓

送友人入蜀

見說蚕叢路崎嶇不易行山從人面起雲傍馬頭生芳樹籠
秦棧春流遶蜀城升沉應已定不必問君平

送趙雲卿

白玉一杯酒綠楊三月時春風餘幾日兩鬢各成絲秉燭唯
須飲投竿也未遲如逢渭川獵猶可帝王師

送麴十少府

試發清秋興因為吳會吟碧雲斂海色流水折江心我有延
陵劍君無陸賈金艱難此為別惆悵一何深

送梁四歸東平

王壺挈美酒送別強為歡
大火南星月長郊北路灘
殷王期負鼎汶水起垂竿
莫學東山卧參差老謝安

贈孟浩然

吾愛孟夫子風流天下聞
紅顏棄軒冕白首卧松雲
醉月頻中聖迷花不事君
高山安可仰徒此揖清芬

贈昇州王使君忠臣

六代帝王國三吳佳麗城
賢人當重寄天子借高名
巨海一邊靜長江萬里清
應須救趙策未肯棄侯嬴

寄王漢陽

南湖秋月白王宰夜相邀
錦帳即官醉羅衣舞女嬌
笛聲喧沔鄂歌曲上雲霄
別後空愁我相思一水遙

贈崔秋浦二首

吾愛崔秋浦宛然陶令風
門前五楊柳井上二梧桐
山鳥下聽事簷花落酒中懷
君未忍去惆悵意無窮

河陽花作縣秋浦玉為人
地逐名賢好風隨惠化春
水從天漢落山逼畫屏新
應念金門客投沙弔楚臣

廣陵贈別

玉瓶沽美酒數里送君還
繫馬垂楊下銜盃大道間
天邊看淥水海上見青山
興罷各分袂何須別醉顏

留別龔處士

龔子棲閑地都無人世喧
柳深陶令宅竹暗辟疆園
我去黃牛峽遙愁白帝猿
贈君卷菴草心斷竟何言

渡荆門送別

渡遠荆門外來從楚國游
山隨平野盡江入大荒流
月下飛

天鏡雲生結海樓仍連故鄉水萬里送行舟

江下別宋之悌

楚水清若空遙將碧海通人分千里外興在一杯中
谷鳥吟晴日江猿嘯晚風平生不下淚於此泣無窮

杭州送裴大澤時赴廬州長史

西江天柱遠東越海門深去割辭親戀行憂報國心
好風吹落日流水引長吟五月披裘者應知不取金

送白利後金吾董將軍西征

西羌延國討白起佐軍威劔決浮雲氣弓彎明月輝
馬行邊草綠旌卷曙霜飛抗手凜相顧寒風生鐵衣

宴陶家亭子

曲巷幽人宅高門大士家池開照膽鏡林吐破顏花
綠水波春日青軒秘晚霞若聞絃管妙金谷不能誇

太原早秋

歲落衆芳歇時當大火流霜威出塞早雲色渡河秋
夢遶邊城月心飛故國樓思歸若汾水無日不悠悠

尋雍尊師隱居

群峭碧摩天逍遙不記年接雲尋古道倚樹聽流泉
花暖青牛卧松高白鶴眠語來江色暮獨自下寒煙

觀獵

太守耀清威乘閒弄晚暉江沙橫獵騎山火遶行圍
箭逐雲鴻落鷹隨月兔飛不知白日暮歡賞夜方歸

平虜將軍妻

平虜將軍婦入門二十年君心自不悅妾寵豈能專
出解床

前帳行吟道上篇古人不唾井莫忘昔纏綿

送別得書字

水色南天遠舟行若在虛遷人發佳興吾子訪閑居日落看
歸鳥潭澄羨躍魚聖朝思賈誼應降紫泥書

江夏送張丞

欲別心不忍臨行情更親酒傾無限月客醉幾重春藉草依
流水攀花贈遠人送君從此去迴首泣迷津

別儲邕之剡中

借問剡中道東南指越鄉舟從廣陵去水入會稽長竹色溪
下綠荷花鏡裡香辭君向天姥拂石卧秋霜

南陽送客

酒勿為薄寸心貴不忘坐惜故人去偏令遊子傷離顏怨

芳草春思結垂楊揮手再三別臨岐空斷腸

金陵二首

六代興亡國三杯為爾歌苑方秦地少山似洛陽多古殿吳
花草深官晉綺羅併隨人事滅東逝與滄波

晉家南渡日此地舊長安地即帝王宅山為龍虎盤金陵空
壯觀天塹淨波瀾醉客回橈去吳歌且自歡

宮中行樂五首

柳色黃金嫩梨花白雪香玉樓巢翡翠金殿鎖鴛鴦選妓隨
雕輦徵歌出洞房宮中誰第一飛燕在昭陽

小小生金屋盈盈在紫微山花插寶髻石竹繡羅衣每出深
宮裏常隨步輦歸只愁歌舞散化作彩雲飛

玉樹春歸日金宮樂事多後庭朝未入輕輦夜相過笑出花

間語嬌來竹下歌莫教明月去留著醉嫦娥
冰綠南薰殿花紅北闕樓鶯歌開太液鳳吹遶瀛洲素女鳴
珠佩天人弄綵毬今朝風日好宜入未央遊
寒雪梅中盡春風柳上歸宮鶯嬌欲醉簷燕語還飛遲日明
歌席新花艷舞衣晚來移彩仗行樂泥光輝

謝公亭

謝公離別處風景每生愁客散青天月山空碧水流池花春
映日窓竹夜鳴秋今古一相接長歌懷舊遊

訪戴天山道士不遇

犬吠水聲中桃花帶雨濃樹深時見鹿溪午不聞鍾野竹分
青靄飛泉掛碧峰無人知去所愁倚兩三松

與夏十二登岳陽樓

樓觀岳陽盡川迴洞庭開鴈別秋江去山銜好月來雲間連
下榻天上接行杯醉後涼風起吹人舞袖迴

奔亡道中

函谷如玉關幾時可生還洛陽為易水嵩嶽是燕山俗變羗
胡語人多沙塞顏申包唯慟哭七日鬢毛斑

自溧水道哭王炎

王家碧瑤樹一樹忽先摧海內故人泣天涯弔鶴來未成霖
雨用先天濟川材一罷廣陵散鳴琴更不開

感遇

可歎東籬菊莖疎葉且微雖言異蘭蕙亦自有芳菲未泛盈
尊酒徒沾清露輝當榮君不採飄落欲何依

侍從遊宿溫泉宮作

羽林十二將羅列應星文霜仗懸秋月霓旌卷夜雲嚴更午
戶肅清樂九天聞日出瞻佳氣葱々繞聖君

秋登宣城謝眺北樓

江城如畫裡山色望晴空兩水夾明鏡雙橋落彩虹人煙寒
橘柚秋色老梧桐誰念北樓上臨風憶謝公

文翰類選大成卷之三十七

律